

উৎসর্গ ।



পরমার্চনীয়

৩রামপ্রাণ চট্টোপাধ্যায়

পিতৃঠাকুর মহাশয়ের

শ্রীচরণকমলে

এই গ্রন্থ

একান্ত ভক্তিসহকারে

উৎসর্গীকৃত

হইল ।

ব্যাখ্যান ।

— — —

ভক্তপ্রবর শ্রীমৎ হরিদাস ঠাকুরের জীবনচরিত প্রকাশিত হইল মৎপ্রণীত “ভক্তচরিতামৃত” অর্থাৎ বৈষ্ণবচার্য্য শ্রীমৎ রূপ, সনাতন ও জীব গোস্বামীর জীবনচরিত গ্রন্থ প্রকাশিত হওয়ার পর, বৈষ্ণবশাস্ত্রে সুপণ্ডিত ও ভূতপূর্ব ডেপুটী মাজিস্ট্রেট শ্রীযুক্ত কেদার নাথ দত্ত ভক্তিবিনোদ মহাশয় কোন কোন সমালোচক, এবং অন্যান্য কতিপয় বন্ধু, শ্রীহরিদাস ঠাকুর প্রভৃতি বৈষ্ণবসাধুগণের জীবনচরিত্র রচনাব্যঞ্জনা আমাকে অনুরোধ করেন। অনন্তর ঠাকুর হরিদাসের অতি বিস্ময়াবহু বিচিত্রঘটনাপূর্ণ স্বর্গীয় চরিত্রের মাধুর্য্য আকৃষ্ট হইয়া আমি এই কার্য্যে প্রবৃত্ত হই

কোন বৈষ্ণবগ্রন্থেই হরিদাসের জীবনবৃত্তান্তঘটিত ধারাবাহিক বিবরণ লিখিত হয় নাই। বৈষ্ণবেতিহাস লেখকগণ বিবিধ গ্রন্থে বিচ্ছিন্নভাবে হরিদাসের কিছু কিছু বিবরণ বিবৃত করিয়াছেন “শ্রীচৈতন্যভাগবত” ও “শ্রীচৈতন্যচরিতামৃত”, এই দুই খানি প্রামাণিক বৈষ্ণবগ্রন্থে হরিদাসচরিত্র অশেষকৃত বিস্তৃতরূপে বর্ণিত আছে, এজন্য প্রধানতঃ এই গ্রন্থদ্বয়কেই অবলম্বন করিয়া এই গ্রন্থ লিখিত হইয়াছে। এতদ্ব্যতীত “শ্রীচৈতন্যমঙ্গল”, মহানুভব প্রেমানন্দ দাস কর্তৃক অনুবাদিত “শ্রীচৈতন্যচন্দ্রোদয়নাটক”, ও “ভক্তিরত্নাকর” প্রভৃতি গ্রন্থ এবং বৈষ্ণবসম্প্রদায়স্থ কএক জন বন্ধু হইতেও কোন কোন বিষয়ে সাহায্য প্রাপ্ত হইয়াছি বৈষ্ণবসমাজপ্রচলিত প্রাচীন বিশ্বদত্তী প্রভৃতিও আবশ্যকস্থলে সন্নিবেশিত করা হইয়াছে যে সকল ঘটনাব্যাপ্তিপার্য্যক্রম বৈষ্ণবগ্রন্থে লিখিত নাই, গ্রন্থ সকল আনুপূর্বিক

• আলোচনা করিয়া, তৎসম্বন্ধে যাহা সম্ভব বোধ হইয়াছে, তাহাই
লিপিবদ্ধ করিয়াছি ; এতদ্বিন্ন নিজেব মনঃকলিত কোন কথাব
অবতারণা কবি নাই ফলতঃ হরিদাস ঠাকুরেব জীবনচরিত
সম্পর্কিত জ্ঞাতব্য বিষয় সংগ্রহ কবিত্তে আমি অনুসন্ধান ও
পরিশ্রমের ক্রটি কবি নাই, কতদূর কৃতকার্য হইয়াছি বলিত্তে
পারি না। যদি কোন ভ্রমগ্রস্ত দ পবিলক্ষিত হয়, পাঠক মহা-
দয়গণ অনুগ্রহপূর্বক আমাকে জ্ঞাত কবাইলে কৃতার্থ হইব

এই গ্রন্থের ক্রিয়াক্ষেপ ইতঃপূর্বে “তত্ত্ববোধিনীপত্রিকা” ও
“সজ্জনতোষণী” পত্রিকায় প্রকাশিত হইয়াছিল। এক্ষণে সেই
সকল অংশ পরিমার্জিত ও পবিবর্জিত হইয়া এই গ্রন্থমধ্যে সম্মি-
বিশ্ট হইল। গ্রন্থখানি পাঠকবর্গের সবিশেষ তৃপ্তিপ্রদ ও সর্বান্ব-
সুন্দর হইবে বিবেচনা করিয়া, হরিদাস ঠাকুর যে যে স্থলে
হরিনামতত্ত্ব ও ভক্তিতত্ত্বের পসঙ্গ কবিয়াছিলেন, তাহাও যথা-
যথ ভাবে লিপিবদ্ধ করিত্তে বিশেষ প্রয়াস পাইয়াছি। বিষয়-
গুলি অধিকতর পরিষ্কৃত করিবাব অভিপ্রায়ে এবং প্রমাণার্থ
মধ্যে মধ্যে মূল গ্রন্থের পয়ারাদি ও শাস্ত্রীয় শ্লোক উদ্ধৃত কবি-
য়াছি। যে গ্রন্থ হইতে যাহা উদ্ধৃত হইয়াছে, উদ্ধৃতাংশব
সেইস্থলে, সেই গ্রন্থেব নাম সংযোজিত করা হইয়াছে। যে
কল স্থলে তদ্রূপ কোন নাম বা সাক্ষেতিক চিহ্ন নাই, তাহা
‘চৈতন্যভাগবত’ হইতে উদ্ধৃত হইয়াছে বুঝিত্তে হইবে

চবিত্র পবিত্তিস্তনে মানবহৃদয়ে ভগবন্তুক্তিব উদয় হইয়া

এই ভবসায় ভক্তিপিপাসু নবনাবীগণেব হস্তে ভক্ত-

হরিদাসের এই চরিত্তালেখ্য প্রদান করিলাম। ইহা

বিয়া যদি কেহ কিঞ্চিৎ পরিমাণেও উপকার ও আনন্দ

কবেন, তাহা হইলেই আপনাকে চরিত্তার্থ জ্ঞান কবিব

‘স্বস্তিনিকেতন আশ্রম’।

বোলপুর

১লা চৈত্র, ১৩০২ স’

শ্রীঅঘোরনাথ শর্মা।

সূচি-পত্র ।

বিষয়	পৃষ্ঠা
প্রথম অধ্যায় ।	
পূর্বকথা	১
দ্বিতীয় অধ্যায় ।	
গৃহ পরিত্যাগ ও তপস্যারম্ভ ...	৬
তৃতীয় অধ্যায় ।	
মহা-পরীক্ষা	১১
চতুর্থ অধ্যায় ।	
শান্তিপুত্র আগমন ও শ্রীঅদ্বৈত আচার্য্য সহ মিলন	১৭
পঞ্চম অধ্যায় ।	
ফুলিয়ায় আগমন ও নির্যাতন ..	২৪
ষষ্ঠ অধ্যায় ।	
পুনর্ব্বার ফুলিয়া আগমন ..	৪৭
সপ্তম অধ্যায় ।	
নাগমাহাত্ম্য ব্যাখ্যা ও নবদ্বীপ আগমন	৫৫
অষ্টম অধ্যায় ।	
সপ্তগ্রামে হরিনামগাহাত্ম্য ব্যাখ্যা .	৬৫
নবম অধ্যায়	
নানাস্থানে ভগবৎ—কলীগ্রামে আগমন .	৭২

দশম অধ্যায়

নবদ্বীপে ভক্তগোষ্ঠীতে আগমন ও শ্রীচৈতন্য সহ গিমন ৭৮

একাদশ অধ্যায় ।

নবদ্বীপে হরিনাম প্রচান ৮৯

দ্বাদশ অধ্যায় ।

নবদ্বীপ হইতে পুনর্বার শান্তিপুর গমন ৯৮

ত্রয়োদশ অধ্যায় ।

শ্রীপুরুষোত্তম গমন ... ১০২

চতুর্দশ অধ্যায় ।

‘শ্রীক্ষেত্র বাস—ইষ্টগোষ্ঠী ... ১১৪

পঞ্চদশ অধ্যায় ।

‘দেহ সংস্কার ... ১২৪

ষোড়শ অধ্যায় ।

বিজয়োৎসব ও উপসংহার ১৩২

পরিশিষ্ট .. ১৩৯

বিশেষ জ্ঞপ্তি—২৫ পৃষ্ঠা হইতে ৩৫ পৃষ্ঠা পর্য্যন্ত হেডিং
“শান্তিপুর আগমন ও আচার্য্য সহ গিমন” না হইয়া ‘ফুলিয়ায়
‘অগিমন ও নির্গাতন’ হইবে এবং ৪৩ পৃষ্ঠার “তুঙ্গীভাব”
শব্দ “তুঙ্গীভাব” হইবে



শ্রীহরিদাস ঠাকুর ।

প্রথম অধ্যায় ।

পূর্বকথা ।

শ্রীহরিদাস ঠাকুরের জীবন অতি বিস্ময়াবহ ও বিচিত্র ঘটনা-পুঞ্জ পরিপূর্ণ । শ্রীচৈতন্যদেবের আবির্ভাবের পূর্বে,—বঙ্গদেশে যখন হরিভক্তির নাম-গন্ধও ছিল না, সমগ্র জনসমাজ যখন কেবল তর্কশাস্ত্রের বাদবিতণ্ডা ও কর্মকাণ্ডেব কোলাহলে নিমগ্ন ছিল, সেই সময়ে যবন-সন্তান * হরিদাস সংসারধর্মের জলাঞ্জলি দিয়া কেবল ভগবানের নাম-রসাস্বাদনে নিযুক্ত ছিলেন

সেই সময়ে বঙ্গদেশের আধ্যাত্মিক অবস্থা অতিশয় শোচনীয় ছিল শান্তিপুত্রের শ্রীমদ্বৈত আচার্য্য ও নবদ্বীপের শ্রীবাস আচার্য্য প্রভৃতি যে কএক জন ভক্ত-বৈষ্ণব তৎকালে শ্রীনবদ্বীপ-ধামে বাস করিতে, তাঁহারা সংসারের এই ধর্মহীন অবস্থা চিন্তা-করিয়া অতি বিষঃহৃদয়ে নিশাকালে একত্র হইয়া নানাবিধ ধর্ম-প্রসঙ্গ ও শ্রীহরির নামসংকীর্্তন করিতেন তাঁহাদিগকে উচ্চৈঃস্বরে হরিনাম করিতে দেখিয়া ধর্মদ্বৈষী পাষণ্ডগণ নানা প্রকারে ঘৃণা উপহাস ও ভয় প্রদর্শন করিত শ্রীচৈতন্যভাগবত-

* যবন শব্দ জাতি-বাচক, জলজাতক নহে এখন যবন বলিতে সাধারণতঃ মুসলমান জাতিকেই বুঝায়।

রচয়িতা শ্রীবৃন্দাবন দাস এই সময়ের দেশের অবস্থা এইরূপে
বর্ণনা করিয়াছেন ;—

“কৃষ্ণনাম ভক্তিশূন্য সকল সংসার ।
প্রথম কলিতে হৈল ভবিষ্য আচার ॥
ধর্ম কর্ম লোক সবে এইমাত্র জানে
মঙ্গল চণ্ডীব গীত করে জাগরণে ।
দস্ত করি বিষহরি পূজে কোন জন ।
পুতলি করয়ে কেহ দিয়া বহুধন
ধন কষ্ট করে পুত্র কন্যার বিভায় ।
এই মত জগতের ব্যর্থ কাল যায়
যেবা ভট্টাচার্য্য চক্রবর্তী মিশ্র সব
তাহারাহ না জানে সব গ্রন্থ অনুভব ॥
শাস্ত্র পড়াইয়া সবে এই কর্ম করে
শ্রোতার সহিতে যম পাশে ডুবি মরে ॥
না বাথানে যুগধর্ম কৃষ্ণের কীর্তন ।
দোষ রিনা গুণ কাব না করে কথন ॥
যেবা সব বিরক্ত তপস্বী অভিমানী ।
তা সবার মুখেতেও নাহি হরিধ্বনি
অতি বড় স্মৃতি সে জ্ঞানের সময় ।
গোবিন্দ পুণ্ডরীকাক্ষ নাম উচ্চারণ ।
গীতা ভাগবত যে যে জনেতে পড়ায় ।
ভক্তির ব্যাখ্যান নাহি তাহার জিহ্বায় ।
এইমত বিস্ময়া মোহিত সংসার ।
দেখি ভক্তি সব ছুথ ভাবেন অপার ॥

কেমনে এ জীব সব পাইবে উদ্ধার,
 বিষয় স্মৃতেতে সব মজিল সংসার ”
 “দেবতা জানেন সব বশী বিষহরী ।
 তাহাবে সেবেন সব মহাদত্ত কবি
 ধনবংশ বাড়ুক করিয়া কাম্য মনে
 মদ্য মাংসে দানব পূজয়ে কোন জনে
 যোগীপাল ভোগীপাল মহীপালের গীত ।
 ইহা শুনিবারে সর্বলোক আনন্দিত ”
 “কারে বা বৈষ্ণব বলি কিবা সংকীৰ্ত্তন
 কেনবা কৃষ্ণেব নৃত্য কেন বা ক্রন্দন ।
 বিষ্ণুমায়া বশে লোক কিছুই না জানে ।
 সকল জগৎ বদ্ধ মহা তমোগুণে ।”

অনন্তর ১৪০৭ শকে মহাপ্রভু শ্রীমচৈতন্যচন্দ্র জন্মগ্রহণ করেন ইহার প্রায় ২৩ বৎসর পরে ভগবৎপ্রেমে উন্মত্ত হইয়া যখন তিনি বঙ্গদেশে আচঙালে হরিনাম ও হবিভক্তি প্রচার করিতে আবস্ত করেন, তখন অবধূত নিত্যানন্দ, শ্রীমৎ অদ্বৈত ও শ্রীবাস আচার্য্য প্রভৃতির সহিত হরিদাসও তাঁহার আশ্রয় গ্রহণ করিয়াছিলেন। ইহার পব বৈষ্ণবসমাজে ইনি “শ্রীহরিদাস ঠাকুর” নামে প্রসিদ্ধ হইয়াছিলেন

শ্রীচৈতন্যভাগবত ও শ্রীচৈতন্যচরিতামৃত, এই দুই খানি প্রামাণিক বৈষ্ণবগ্রন্থে হরিদাসের জন্মবিবরণাদির কোন উল্লেখ নাই তবে তিনি যে মুসলমানবংশে জন্মগ্রহণ করিয়াছিলেন, তাহা এই দুই খানি গ্রন্থের নানাস্থানে স্পষ্টরূপে লিখিত আছে *

* পরিশিষ্টে দেখ ।

কিন্তু পিতা মাতা ইহার কি নাম রাখিয়াছিলেন, বৈষ্ণবগ্রন্থ পাঠে তাহা জ্ঞাত হওয়া যায় না। বৈষ্ণবসমাজে “যবনহরিদাস” নামেও ইনি খ্যাতিলাভ করিয়াছেন। হরিদাস যবনকুলে জন্মগ্রহণ করিয়াও একান্ত হরিভক্তিপরায়ণ ছিলেন, বোধ হয় এই জন্যই হিন্দুগণ তাঁহাকে সম্মানসহকারে “হরিদাস” নামে অভিহিত করিয়াছিলেন।

যশোহর জেলার অন্তঃপাতী বনগ্রাম মহকুমার নিকটস্থ “বুটন” গ্রামে কোন সম্ভ্রান্ত মুসলমান বংশে হরিদাস জন্মগ্রহণ করেন। কিরূপে ইহার জাতীয় ধর্মের বিরাগ ও ভক্তিরসপূর্ণ বৈষ্ণবধর্মের অনুরাগ উপস্থিত হয়,—কত বয়সে ইনি কুলধর্ম ত্যাগ করিয়া সন্ন্যাস অবলম্বন পূর্বক হরিনাম ঘোষণার প্রবৃত্তি করেন,—এসকল বৃত্তান্ত নিশ্চয়রূপে অবগত হইবার কোনও উপায় নাই। সম্ভবতঃ শকাব্দের চতুর্দশ শতাব্দীর শেষভাগে হরিদাস আবির্ভূত হইয়াছিলেন। ১৪০৭ শকে শ্রীচৈতন্য অবতীর্ণ হইলে, হরিদাস এই সময় শান্তিপুরে অদ্বৈত আচার্য্যের নিকটে অবস্থান করিতেন। ইহার পূর্বে,—যখন তিনি গৃহ হইতে নিষ্ক্রান্ত হইয়া তপস্যায় প্রবৃত্ত হইয়াছিলেন, তখন তাঁহার প্রথম যৌবন * ইহাতে অনুমিত হইতেছে, ১৩৭০ শকাব্দে, অথবা তাহার দুই এক বৎসর অগ্রপশ্চাৎ সময়ে হরিদাস জন্মগ্রহণ করিয়াছিলেন। “ভক্তদিগ্‌দর্শিনী” নামক তালিকা-

* “ঠাকুর তুমি পরম সুন্দর প্রথম যৌবন।

তোমা দেখি * * ধরিতে পারে মন ”

শ্রীচৈতন্য চরিতামৃত, অষ্টাদশোক্তা, ৩য় পুথি, ১২৫ পৃষ্ঠা।

হুসারে হারদাস ১৩৭১ শকাব্দের মার্গশীর্ষ মাসে আবির্ভূত
হয়েন + “ভক্তদিগ্‌দর্শিনী” এই সিদ্ধান্ত সমীচীন বলিয়াই
বোধ হয় হরিদাসেব সংসার পরিত্যাগের কারণ বৈষ্ণব-
গ্রন্থে লিখিত হয় নাই আমাদের অনুমান হয়, হরিদাসেব
পিতা মাতা পুত্রের হিন্দুধর্মাবলম্বন দর্শনে বিরক্ত হইয়া তাঁহাকে
গৃহ হইতে বহিস্কৃত করিয়া দিয়াছিলেন হরিদাসের বিবাহ
হইয়াছিল কি না, বৈষ্ণবগ্রন্থপত্রে তাহাও উল্লিখিত হয় নাই
ফলতঃ ইহঁাব বাল্য ও গার্হস্থ্যজীবনের সবিশেষ ইতিবৃত্ত অবগত
হইবার চেষ্টা পরিত্যাগ করাই কর্তব্য

+ “ভক্তদিগ্‌দর্শিনী” নামক একখানি তালিকাগ্রন্থে কতিপয় বৈষ্ণবসাধক
ও বৈষ্ণবাচার্য্যের জন্ম ও মৃত্যুর শক তিথি ইত্যাদি লিখিত আছে ।

দ্বিতীয় অধ্যায় ।

গৃহ পরিত্যাগ ও তপস্চারম্ভ ।

হরিদাস গৃহত্যাগানন্তর ঐকান্তিক চিত্তে ধর্মসাধনে নিযুক্ত হইলেন । তিনি এজন্ত স্বীয় বাসগ্রামেব নিকটবর্তী বেণাপো-
লব * নির্জন বনমধ্যে প্রবেশ পূর্বক তথায় একটি সামান্য
কুটীব নির্মাণ করিলেন — কুটীব প্রাঙ্গণে তুলসীগন্ধ স্থাপন
করিলেন, গলদেশে তুলসীর মালা পরিধান করিলেন, এবং
মুসলমান আত্মীয়বর্গের সংস্রব হইতে মুক্তিলাভ করিয়া নির্ভয়
নিশ্চিন্ত হইয়া স্বাধীনভাবে ভজনসাধনে প্রবৃত্ত হইলেন ।
হরিদাসের বিশ্বাস, হরিণাম করিলে হরিকে লাভ করা যায় ;
এই জন্ত শ্রীভগবানের নাম জপ ও নাম কীর্তন করাকেই তিনি
সাধন ভজনের পরাকাষ্ঠা জ্ঞান করিতেন । এই উপদেশ তিনি
কাহার নিকট লাভ কবেন, গ্রন্থপত্রে তাহার কোন নিদর্শন
পাওয়া যায় না ।

হিন্দুশাস্ত্রে ভগবানের নামজপেব নাম “জপযজ্ঞ” †

* বেণাপোলে এখন “বেঙ্গল সেন্ট্রাল রেলওয়ের” একটি স্টেশন সংস্থাপিত হইয়াছে । † এই স্থান রাণ ঘাট হইতে ২৫ মাইল ও বনগ্রাম হইতে ৫ মাইল পূর্বদিকে অবস্থিত ।

† ‘যজ্ঞঃ সংকীর্তন প্রাথৈর্যজন্তি হি স্মেধসঃ ॥’

২

শ্রীমদ্ভাগবত, ১১শ স্কন্ধ, ৫ম অধ্যায়, ২৯ শ্লোক ।

অর্থাৎ কলিযুগের ধর্ম বর্ণনায় চমস ঋষি মহারাজ নিম্নে বলিতেছেন যে, ভগবান অবতীর্ণ হইলে শ্রবুন্ধি মনুষ্যাগণ সংকীর্তনরূপ যজ্ঞদ্বারা তাঁহার অর্চনা করিয়া থাকেন

সংহিতাকার ভগবান মনু এই জপযজ্ঞকে অশ্বমেধাদি সৰ্ব্বপ্রকার যজ্ঞ হইতে শ্রেষ্ঠরূপে বর্ণনা করিয়াছেন * ভক্তিশাস্ত্রে ভগবানের নামের মাহাত্ম্য অসীম বলিয়া কথিত হইয়াছে । স্মৃতরাং তাঁহার অমৃতময় নামজপ যে সৰ্ব্বাপেক্ষা শ্রেষ্ঠ সাধন, তাহাতে আর সন্দেহ কি ? পবিত্র হৃদয়ে একান্ত নিষ্ঠা ও ব্যাকুলতা সহকারে যিনি ভগবানের পবিত্র নাম উচ্চারণ করেন, তিনি কৃতার্থ হন । স্ত্রী পুত্র হইতে বিচ্ছিন্ন হইয়া যখন তুমি বিদেশে প্রবাসস্থঃখে প্রপীড়িত হও, তখন তোমার নিকট প্রেমাস্পদ পুত্রকল্যের নাম কি মধুর, কি সুমিষ্ট ! ভগবদ্ভক্ত মধুর নিকট তাঁহার প্রিয়তম ভগবানের নাম তদপেক্ষাও সুমধুর ও সুমিষ্ট ! যেহেতু “তদেতৎ প্রেয়ঃ পুত্রাৎ প্রেয়ো-
বিত্তাৎ প্রেয়োহন্যস্মাৎ সৰ্ব্বস্মাৎ অন্তরতবং যদয়মাত্মা ।”† অর্থাৎ,

* ‘যে পাকযজ্ঞাশ্চত্বারো বিধিযজ্ঞসমম্বিতাঃ ।

সৰ্ব্বেষু জপযজ্ঞস্ত কলাং নাইত্তি ষোড়শীং ।”

মনুসংহিতা, ২য় অধ্যায়, ৮৬ শ্লোক ।

মহাত্মা ৬রতচন্দ্র শিরোমণিকৃত বঙ্গানুবাদঃ—“মহাযজ্ঞের অন্তর্গত বৈশ্ব দেবহোম, বলিকর্ষ্ম, নিতাশ্রাদ্ধ ও জুতিধি ভোজন এই চারি পাকযজ্ঞ ও নশপোণ-
মাস প্রভৃতি বিধিযজ্ঞ সমুদয়ে প্রণবাদি উচ্চারণকর জপযজ্ঞের ষোড়শী কলারও যোগ্য হয় না । ৮৬ ’

শ্রীমদ্ভগবদ্গীতার দশম অধ্যায়ে বিভূতিযোগ বর্ণনায় শ্রীকৃষ্ণ বলিয়াছেন,—
“যজ্ঞানাং জপযজ্ঞোহস্মি, অর্থাৎ সমুদায় যজ্ঞের মধ্যে আমি “জপযজ্ঞ” । ইহাতে সমুদায় ৬জনাদি হইতে ভগবানের নামজপ ও নাম কীৰ্ত্তনই শ্রেষ্ঠতমরূপে প্রতিপা-
দিত হইতেছে

† ত্বুহুত্বক উপনিষৎ, তীয় প্রপাঠক, চতুর্থ ব্রাহ্মণ ।

সৰ্বাপেক্ষা অন্তরতম প্রিয়তম পরমেশ্বর পুজাদি আত্মীয়-স্বজন হইতে প্রিয়, সমুদায় বিত্ত হইতে প্রিয় এবং অ*র অ*র সমুদ*য় প্রিয় বস্তু হইতে প্রিয়তম । এই প্রেমাস্পদ পরমেশ্বরের নাম প্রেমযোগে উচ্চারণ কবিত্তে কবিত্তে চিত্ত যখন তন্ময় ও হৃদয় আনন্দে আপ্লাবিত হয়, তখন নাম ও নামীতে কোন প্রভেদ থাকে না,—“অভিনাত্মা নাম নামিনোঃ ।” নামই চিদানন্দরূপী পরাংপর শ্রীহরিকে লাভ করিবার একমাত্র উপায় “তস্ম হ বা এতস্ম ব্রহ্মণো নাম সত্যম্ ” সেই পরব্রহ্মের নামই সত্য, ইহা প্রতিবাক্য নামযোগে পবমানুধ্যান কবাই সকল দেশের ধর্মশাস্ত্রেব উপদেশ বৈষ্ণবশাস্ত্রে ভগবানের নামকীর্তনের এইরূপ মহিমা লিখিত হইয়াছে,—

“চেতোদর্পণমার্জ্জনং ভবমহাদাবাগ্নিনির্কীর্ণণং
শ্রেয়ঃকৈরবচল্লিকাবিতরণং বিজ্ঞাবধুজীবনং
আনন্দাশুধিবর্দ্ধনং প্রতিপদং পূর্ণামৃতাস্বাদনং
সৰ্বাঙ্গগণনং পরং বিজয়তে শ্রীকৃষ্ণসংকীৰ্তনম্ ”

অর্থাৎ—“যাহা চিত্তরূপ দর্পণেব মলা বিদূষিত করিয়া দেয় ; যাহা সংসাররূপ দাবাগ্নিকে নির্কীর্ণ কবিত্তে সমর্থ ; যাহা পরম শ্রেয়োরূপ চেতোৎপলের শুক্লকৌমুদীতুল্য ; যাহা পরা বিজ্ঞাবধুর জীবনস্বরূপ ; যাহা গুনিলে আনন্দসমুদ্র উথলিয়া উঠে ; যাহাব প্রতিপদে অমৃতের আস্বাদন পূর্ণমাত্রায় নিহিত আছে ; এবং যাহা আত্মাকে যেন রসভাবে স্নান করাইয়া দিয়া অপূর্ণ তৃপ্তিস্থ প্রদান করিয়া থাকে ; শ্রীহরির সেই সংকীৰ্তন জয়যুক্ত হইতেছে ।”

ভগবানের নামের এমন মহিমা কেন ? শ্রীমদ্ব্যাক্রান্ত

বলিয়াছেন—“নাম্নামকাবি বহুধা নিজসর্বশক্তিস্তত্রাপিত —।”
 ভগবান কৃপাপূর্বক তাঁহার নাম সকলে বহু প্রকারে নিজ*ক্তি
 অন্তর্নিহিত করিয়া রাখিয়াছেন,তাই তাঁহার সুমধুর নামের এমন
 অদ্ভুত শক্তি এই জগুই হরিদাস করুণাময় শ্রীহরির নামকেই
 জীবনের একমাত্র সম্বল জ্ঞান করিলেন কথিত আছে,
 হরিদাস এখানে আসিয়া সর্বদা কেবল হরিনাম সংকীর্ণনে
 নিমগ্ন থাকিতেন ; দিবারাত্রির মধ্যে তিনলক্ষ নামজপ করা
 তাঁহার নিয়ম ছিল প্রতিদিন তিনলক্ষ নামজপ করা সাধাবণ
 কথা নহে ; অতি দ্রুতগতিতে জপ করিলেও একলক্ষ নাম জপ
 করিতে ১০ ঘণ্টা লাগে ৪ ঘণ্টার মধ্যে ছান আহার নিদ্রা
 প্রভৃতি সম্পন্ন হয় না, সূতরাং অহোরাত্রেব মধ্যে অবশিষ্ট ২০
 ঘণ্টায় দুই লক্ষের অধিক নামজপ করিতে পারা যায় না।
 বিশেষতঃ হরিদাস কেবল মনে মনে জপ করিতেন না ; হবিধ্বনি
 শ্রবণ করিয়া জীবগাত্রেই উচ্চারণ লাভ করিবে, এইরূপ বিশ্বাস
 করিয়া তিনি অনেক সময় উচ্চৈঃস্বরে হরিনাম উচ্চারণ করিতেন
 শ্রীহরিব নামস্বধা পান করিয়া তিনি এত আনন্দ লাভ করিতেন
 যে, আহার নিদ্রার প্রতি দৃকপাত না করিয়া কেবল নামানন্দবস
 পানে বিভোর থাকিতেন হবিদাস আহারোপার্জনের চেষ্টা
 পরিত্যাগ করিয়া সাংসারিকালে আগ্নেয়গিরির গৃহে গৃহে ভিক্ষা
 দ্বারা অতি সাহসিকভাবে জীবনধারণ করিতে লাগিলেন
 তাঁহার এ প্রকার কঠোর তপস্তা ও পবিত্রপ্রশান্ত মূর্তি দেখিয়া
 বেণাপোলের নিকটস্থ পল্লীবাসী সকলেই মুগ্ধ হইয়া গেলেন
 মুসলমান বলিয়া ঘৃণা করা দূরে থাকুক, সকলেই তাঁহাকে তপঃ-
 পরায়ণ ঋষিতুল্য সাধুপুরুষ জ্ঞানে সবিশেষ শ্রদ্ধাভক্তি করিতে

লাগিলেন । অনেকে প্রতিদিন প্রাতঃকালে তাঁহাকে প্রণাম
করিবার জন্ত তদীয় দাধনকুটীরে আগমন করিতেন । হরিদাস
কিছুদিন বেণাপোলের এই তপশ্রাশ্রমে বাস করেন । তাঁহাকে
দর্শন করিবার জন্ত যাহারা আগমন করিতেন, তিনি তাঁহাদি
গকে হরিনাম করিতে উপদেশ দিতেন । এইরূপে হরিদাসের
সঙ্গ লাভ করিয়া অনেকে কৃতার্থ হইলেন, এবং ভগবানের নাম
সংকীৰ্ত্তন করিতে লাগিলেন । হরিদাসের কৃপায় এই প্রদেশের
গৃহে গৃহে হরিনাম কীৰ্ত্তনের সুমধুর নিনাদ ধ্বনিত হইতে
লাগিল



তৃতীয় অধ্যায় ।

মহা পরীক্ষা ।

বনগ্রাম প্রদেশে তৎকালে রামচন্দ্র খান নামে একজন ধর্ম-
দেষ্টা পাষাণ জমীদার বাস করিত হরিদাসের প্রতি লোকের
শ্রদ্ধা অনুরাগ সে সহ্য করিতে পারিত না। হরিদাসকে অব-
মানিত কবিবার জন্য সে ব্যক্তি নানা উপায়ে তাঁহার ছিদ্রাশ্বেষণ
করিয়া বেড়াইত অবশেষে অতঃ কোন উপায় না দেখিয়া
এক জন রূপযৌবনশালিনী বারানসী দাবা সে ব্যক্তি হরিদাসের
ব্রত ভঙ্গ করিতে কৃতসংকল্প হইল। এই পাপাত্মা বেণুাব সঙ্গে
এক জন অনুচরকে যাইতে আদেশ করিলে সেই কুলটা নারী
সদর্পে বলিল, আমি তিন দিনের মধ্যে হরিদাসকে মতিভ্রষ্ট
করিব, একবার মাত্র আমার সহিত সঙ্গ হইলে হয়, দ্বিতীয়
বারে তাহাকে ধরিয়া আনিবার জন্য অনুচরকে সঙ্গে লইব।

অনন্তর সেই বারানসী বিচিত্র বস্ত্রালঙ্কারে ভূষিতা হইয়া
রাত্রিকালে হরিদাসের সাধনাশ্রমে উপনীত হইল, এবং নানি-
রূপ হাবভাব দ্বারা হরিদাসকে আপনার মনোভিলাষ জ্ঞাপন
করিল। হরিদাস বলিলেন,—

—তোমায় কবির অঙ্গীকার

সংখ্যা নাম কীর্তন যাবৎ সমাপ্ত আমার ।

তাবৎ তুমি বসি শুন নাম সংকীর্তন ।

নাম সমাপ্ত হৈলে করিব যে তোমার মন ”

• শ্রীচৈতন্যচরিতামৃত, অন্ত্যলীলা

এদিকে নামকীৰ্ত্তন করিতে করিতে রাত্রি প্রভাত হইয়া গেল তখন সেই কুলটা বমণী ভগ্নোদ্যম হইয়া গৃহে প্রত্যাগমন করিল । ছর্তুত রামচন্দ্র থানের কুমন্ত্রণায় সেই বেশ্যা দ্বিতীয় রাত্রিতে আবার আসিয়া উপস্থিত হইল হরিদাস তাহাকে স্নেহদিক্ক্ষ মিষ্টবাক্যে বলিলেন,—“কাল তুমি দুঃখিত মনে ফিরিয়া গিয়াছ; আমার বিন্দুমাএও অবসর ছিল না, আমাব কোন অপরাধ লইও না তুমি এই থানে বসিয়া হরিনামকীৰ্ত্তন শ্রবণ কর, রাম সংখ্যা শেষ হইলেই অবশ্য তোমার মনোবাঞ্ছা পূর্ণ হইবে ” ইহা শুনিয়া বেশ্যা কুটীরদ্বারে বসিয়া নাম শুনিতে লাগিল এবং নিজেও দুই একবাব হরিনাম উচ্চারণ করিতে লাগিল । ক্রমে রাত্রি অবসানপ্রায় দেখিয়া বেশ্যা অতিশয় উৎকণ্ঠিতা হইয়া পড়িল হরিদাস তখন বলিলেন,—“এক মাসে এক কোটি নাম জপ করিব এইরূপ ব্রত লইয়াছি মনে করিয়াছিলাম অদ্য তাহা সাক্ষ হইবে, সমস্ত রাত্রি প্রাণপণে নাম কবিতাম, তথাপি শেষ হইল না, কল্য নিশ্চয় ব্রতপূর্ণ হইবে ” বেশ্যা ফিরিয়া গিয়া এই সমস্ত বৃত্তান্ত পাঁপমতি রামচন্দ্রকে জানাইল এবং তৃতীয় দিবস সন্ধ্যাকালে পুনর্বার ঠাকুরের তপশ্চা কুটীবে আগমন করিল সে এই দিন আশ্রমপদে উৎসীত হইয়াই তুলসীমঞ্চ ও হরিদাসকে সমস্তরপূৰ্ণক কুটীরদ্বারে উপবিষ্ট হইয়া পূৰ্ণরাত্রির জায় নামকীৰ্ত্তন শ্রবণ করিতে লাগিল; এবং নিজেও, বোধ হয় কপট ভাবে নাম জপ করিয়া সগর প্রতীক্ষা করিতে লাগিল

নির্দীকারচিত্ত হরিদাস ভক্তিভরে হরিনাম করিতেছেন, আর দুই নয়নে অবিবলধারায় প্রেমশ্রী ঝরিতেছে, পবিত্র

জ্যোতিতে তাঁহার মুখমণ্ডল সমুজ্জ্বল, অপূৰ্ণ শ্রীতে নির্জন বন-ভূমি যেন আলোকিত হইয়াছে। হরিদাসের এই প্রেমবিস্ফাবিত অপক্লপ সৌন্দর্য্য সন্দর্শন করিতে কবিতে বারাদ্রনাব হৃদয়ের মোহ-আবরণ যেন হঠাৎ উন্মোচিত হইল,—সে বিশ্বয়ে স্তম্ভিত হইয়া উঠিল।

শ্রীহরির মধুময় নামের কি আশ্চর্য্য শক্তি! সাধুসঙ্গের কি অমোঘ প্রভাব! সাধুর কণ্ঠস্বরে কণ্ঠস্বর মিলাইয়া পতিত-পাবন কলুষ-নাশিন শ্রীহরির সুমধুর নাম করিতে করিতে পাপীয়সী বাববনিতার পাপাসক্ত মন পরিবর্তিত হইল। নিশার অন্ধকারের সঙ্গে সঙ্গে তাঁহার হৃদয়ের কলুষাধকারও দূর হইয়া গেল, এবং পবিত্র উষার স্নিগ্ধোজ্জ্বল কিরণ মালার সঙ্গে সঙ্গে তাঁহার হৃদয়-ক্ষেত্রও পুণ্য-কিরণে উদ্ভাসিত হইয়া উঠিল। তখন সেই রমণী আপনাব ঘণিত পাপাচরণ স্মরণ করিয়া অনুতাপিত চিত্তে বিলাপ কবিতে লাগিল, কান্দিতে কান্দিতে হরিদাসের চরণে পতিত হইয়া ক্ষমা ভিক্ষা চাহিল,—এবং বামচন্দ্র খানের কুমন্ত্রণার বিষয়ও আদ্যোপান্ত নিবেদন করিল।

হরিদাস বলিলেন, বামচন্দ্র খানের কথা ও তোমার ছরভি-সন্ধি আমি সমস্তই জানি। সে অতি অজ্ঞ, সে যে আমাব প্রতি এই অত্যাচার করিয়াছে, সে জন্ত আমি দুঃখিত হই নাই। আমি সেই দিনই এ স্থান পরিত্যাগ করিয়া যাইতাম; কেবল তোমার উদ্ধারের জন্তই তিন দিন এখানে রহিয়াছি। তখন সেই নারী করযোড়ে নিবেদন করিল,—এখন আমাব কি কর্তব্য?—কি উপায়ে আমার পরিত্রাণ হয়, তাহার উপদেশ করিয়া আমাকে কৃতার্থ করুন। হরিদাস বলিলেন, তোমার যাহা

কিছু ধন-সম্পত্তি আছে, সমুদায় দীনহুঁখী ব্রাহ্মণ-সজ্জনকে বিতরণ করিয়া এই বুটীবে আসিয়া নিরন্তর ভগবানের নাম কীর্তন কর, অচিবাৎ তাঁহার চরণাশ্রয় লাভ করিবে হরিদাস এই উপদেশ দিয়া উচ্চরবে হরিধ্বনি করিতে করিতে তথা হইতে প্রস্থান করিলেন

অনন্তর সেই বৈষ্ণব গৃহ-প্রত্যাগত হইয়া আপনার যথাসর্বস্ব দীন-হুঁখী সৎপাত্রে দান করিল, এবং মস্তক মুণ্ডন করিয়া এক-বস্ত্রা হইয়া সেই কুটীরে শ্রীভগবানের ধ্যান-ধারণায় নিযুক্ত হইল উপবাসাদি নানাকপ কষ্টসাধ্য সাধনায় এবং ভগবৎ কৃপায় সে অচিরে ইন্দ্রিয়দমনে সমর্থ হইয়া ভক্তিমতী বৈষ্ণবী বলিয়া বিখ্যাত হইয়া উঠিল ক্রমে সেই অঞ্চলের প্রধান প্রধান ভক্তগণও তাকে দর্শন করিতে আসিতে লাগিলেন । বৈষ্ণব আশ্চর্য্য পরিবর্তন দর্শনে সকলেই চমৎকৃত হইয়া হরিদাস ঠাকুরের মহিমা কীর্তন করিতে লাগিলেন ।

“প্রসিদ্ধ বৈষ্ণবী হৈল পবন মহাত্মী ।

বড় বড় বৈষ্ণব তাব দর্শনেতে যান্তি ॥

বৈষ্ণব চবিএ দেখি লোক চমৎকার

হরিদাসের মহিমা কহে করি নমস্কার ॥”

শ্রী চৈঃ চঃ, অন্ত্যলীলা ।

প্রসঙ্গক্রমে নীচমতি রামচন্দ্র ধানের বিষয় কিছু বলা যাই-তেছে। এ ব্যক্তি সর্বদাই ধর্মের নিন্দা ও মাধুভক্তগণের অবমাননা করিত । ইহার উপহাস, বিজ্ঞপ ও অত্যাচারে নিরীহ ভক্তগণ অতিশয় কষ্ট অনুভব করিতেন । উপরি-উক্ত ঘটনার অনেক দিন পরে, অবধূত নিত্যানন্দ যখন বঙ্গদেশে ধর্মপ্রচার

কবেন, সেই সময়ে তিনি এক দিন বহু লোকজন সঙ্গে লইয়া এই ছুরাআব ছুর্গামগুপ আসিয়া উপস্থিত হন । রামচন্দ্র অন্তঃ-পুর হইতে এই সংবাদ অবগত হইয়া জ্ঞানৈক ভৃত্য দ্বারা বলিয়া পাঠাইল যে, গোসাঞী যেন কোন গোপের বিহৃত গোশালার গমন করেন, এই সংকীর্ণ স্থানে এত লোকজন লইয়া তিনি কিরূপে অবস্থান করিবেন । ইহা শুনিয়া নিত্যানন্দ ঠাকুর তৎক্ষণাৎ সদলে তথা হইতে প্রস্থান করিলেন । নিত্যানন্দ যে স্থানে বসিয়াছিলেন, এই ছুরাআ সেই স্থানের মাটি কাটিয়া ফেলিয়া সমুদয় প্রাঙ্গণে গোময় লেপন করিতে আদেশ করিল । এ ব্যক্তি ধর্ম্মনিন্দা ও সাধুবিদ্বেষরূপ যে অপরাধের বীজ স্বহস্তে রোপণ করিয়াছিল, ক্রমে তাহা ফলবান্ বৃক্ষে পরিণত হইল । এই ছবৃত্ত নবাবকে নির্দিষ্ট কর না দিয়া সমস্তই আশ্রসাৎ করিত ; এই জন্ত নবাবসরকার হইতে মুসলমান উজির আসিয়া তাহার চণ্ডীমণ্ডপে তিনদিন পর্য্যন্ত অবধ্য বধ ও অভক্ষ্য ভোজন করিয়াছিল, এবং তাহার গৃহ ও গ্রাম লুণ্ঠ করিয়া স্ত্রীপুত্রসহ তাহাকে বান্ধিয়া লইয়া গিয়া জাতিধর্ম্ম নষ্ট করিয়াছিল । এই ঘটনার উল্লেখ করিয়া শ্রীকবিবাজ গোস্বামী বলিয়াছেন ;—

“রামচন্দ্র খান অপরাধ বীজ কৈল
সেই বীজ বৃক্ষ হঞা আগেতে ফলিল
মহদপরাধে হৈল ফল অদ্ভুত কথন ।
প্রস্তাব পাইয়া কহি শুন ভক্তগণ
সহজেই অবৈষ্ণব রামচন্দ্র খান
হুরিদাসের অপরাধে হৈল অম্লর সমান ॥

বৈষ্ণব ধর্ম নিন্দা কবে বৈষ্ণব অপমান ।
 বহুদিনের অপরাধে পাইল পরিণাম ॥”
 “মহাস্তর অপমান যে দেশ গ্রামে হয়
 একজন্মের দোষে সব দেশ উজাড়য় ॥”
 শ্রীচৈঃ চঃ, অন্ত্যলীলা ।

চতুর্থ অধ্যায় ।

শান্তিপুৰ আগমন ও শ্রীঅদ্বৈত আচার্য্যসহমিলন ।

—

তৃতীয় অধ্যায়ে উল্লিখিত হইয়াছে, হরিদাসেব ভক্তিবিশ্লিষ্ট হরি-সংকীৰ্ত্তন শ্রবণে ও তাঁহার অশ্রু-রোমাঞ্চ প্রভৃতি ভক্তিরসমগ্ন স্বর্গীয় শোভাসন্দর্শনে দুঃখভি রামচন্দ্রখান্বেব প্রেবিত বেণ্ডার অন্তঃকরণে অনুতাপের সঞ্চাৰ হয়, এবং হবিদাস, তাহাকে সৰ্ব্বত্যাগী হইয়া শ্রীহরির নামরসাস্বাদন করিতে উপদেশ দিয়া তথা হইতে প্রস্থান করেন ।

অনন্তর হবিদাস পরমোন্মাদে হরিনাম উচ্চারণ করিতে করিতে শান্তিপুৰে উপস্থিত হইলেন এই সময়ে শ্রীমদ্বৈত আচার্য্য শান্তিপুৰেব বাটীতে ছিলেন । হরিদাস, আচার্য্যের সহিত সাক্ষাৎ করিয়া তাঁহার পদধূলি গ্রহণ করিলেন, আচার্য্যও প্রেমালিঙ্গন কবিতা তাঁহাকে সম্মানিত করিলেন ।

শ্রীঅদ্বৈতের পূৰ্ব্ব বিবরণ কিঞ্চিৎ বলা আবশ্যক । শ্রীহট্টের সম্মিহিত নবগ্রামে বারেজ শ্ৰেণীব ব্রাহ্মণবংশে ইনি জন্মগ্রহণ করেন । ইহার পিতার নাম কুবেব মিশ্র, জননীর নাম নাভা দেবী কুবেব মিশ্র পত্নী ও পুত্রসহ গঙ্গাবাস করিবাব অভি-প্রায়ে শান্তিপুৰে আসিয়া বাস কবিয়াছিলেন । * কমলাকুমিশ্র

*বঙ্গদেশে শ্রীহট্ট নিকট নবগ্রাম

•সৰ্ব্বাৰাধ্য অদ্বৈতচন্দ্রের শ্রিয়ধাম ।

অদ্বৈতের প্রকৃত নাগ শ্রীমদ্বাচার্য্য-সম্প্রদায়ভূক্ত শ্রীমাধাবক্স-
পুত্রী * নিকট ইনি দীক্ষা গ্রহণ করিয়া ভক্তিপথ অবলম্বন
করেন ইনি নানা শাস্ত্রে প্রবীণ পণ্ডিত ছিলেন ইহঁর
শিষ্যগণ ঈশ্বরের সহিত অভেদজ্ঞানে ইহঁকে পূজা করিতেন,
এইজন্ত ইহঁর “অদ্বৈত” নাম হয় ; এবং ইনি গীতাভাগবতাদি
অবলম্বনে ভক্তিবাদ ব্যাখ্যা করিতেন বলিয়া “আচার্য্য” খ্যাতি
হইয়াছিল নবদ্বীপেও অদ্বৈত আচার্য্যের একটি বাটী ছিল ।
বোধ হয় অধ্যাপনা উপলক্ষে ও ভক্তসঙ্গ-লালসায় তিনি মধ্যে
মধ্যে তথায় আসিয়া অবস্থান করিতেন

পূর্বে উক্ত হইয়াছে, দেশের ভক্তিবিশ্বাসশূন্য ছন্নবস্থা চিন্তা
করিয়া অদ্বৈত আচার্য্য প্রভৃতি ভক্ত বৈষ্ণবগণ নিরন্তর বিষন্ন-
চিত্তে কেবল ইবিনাম সম্বল করিয়া জীবনযাপন করিতেন
গীতাশাস্ত্রে আছে যে, যে সময়ে ধর্ম্মের গ্লানি অর্থাৎ হানি এবং
অধর্ম্মের উত্থান অর্থাৎ আধিক্য হয়, সেই সেই কালে ভগবান
পৃথিবীতে অবতীর্ণ হইয়া থাকেন যথাঃ—

“যদাযদা হি ধর্ম্মস্য গ্লানির্ভবতি ভারত ।

অভ্যুত্থানমধর্ম্মস্য তদাত্মানং সৃজাম্যহং ॥”

তথা বহু বিপ ক্রীকুন্দের মহাশয়
গিঞ পণ্ডিতাচার্য্য এ খ্যাতি তাঁর হয় ”
“নাভা নামে শ্রীকুন্দের মিশ্রের ঘরগী
অতি পতিব্রতা ঘেহেঁ অদ্বৈত জননী ।”

ভক্তিরত্নাকর, দ্বাদশ তরঙ্গ

কহ কেহ একা? অনুমান করেন যে, শ্রীমদ্বাধবেক্সপুত্রী যগন শান্তিপুত্রে
অদ্বৈত আচার্য্য ভবনে উপস্থিত হইলেন, সেই সময় হরিদাস তাঁহার নিকট দীক্ষা
গ্রহণ করিয়াছিলেন ফলতঃ এ কথার কোন প্রমাণ নাই ।

ভক্তগণ এই শাস্ত্রবাক্যে দৃঢ় বিশ্বাসী ছিলেন শ্রীভগবান্
 স্বরায় অবতীর্ণ হইয়া দেশের ভক্তিশূন্য দুর্দশা দূরীভূত করিবেন,
 এই আশায় তাঁহারা শ্রীহরির চরণে নিরন্তর কায়মনোপ্রাণে
 প্রার্থনা করিতেন । অদ্বৈতচার্য্য এই ভক্তগণের নেতৃ-
 স্থানীয় ছিলেন ইনি এই উদ্দেশ্যে গঙ্গাজলে তুলসীমঞ্জরী অর্পণ
 করিয়া শ্রীহরির আরাধনা করিতেন ভক্তগণসঙ্গে সৎপ্রসঙ্গে
 হরিনামকীর্তন ও গীতাভাগবতাদি ভক্তি-শাস্ত্রের আলোচনাই
 ইহঁার নিত্যকর্ম ছিল ইহঁার জ্ঞানভক্তি যেমন গভীর, হৃদয়ও
 সেইরূপ করুণার্জ ছিল ধর্মহীন জীবের দুঃখদুর্গতিতে ইহঁার
 হৃদয়ে রড় আঘাত লাগিত শ্রীভগবান্ শীঘ্র অবতীর্ণ হইয়া
 কেন জগজ্জীবের উদ্ধার সাধন করিতেছেন না, ইহা চিন্তা
 করিয়া মনের দুঃখে তিনি কখন কখন উপবাস করিতেন
 জগতেব এমন কল্যাণকামী মহাপুরুষের মাহাত্ম্য বর্ণন করিতে
 আমার সাধ্য নাই ; প্রসঙ্গক্রমে যৎকিঞ্চিৎ লিখিত হইল মাত্র ।
 আচার্য্য অকস্মাৎ হরিনামোন্মত্ত হবিদাসকে পাইয়া আনন্দে
 নৃত্য করিয়া উঠিলেন ।

“পাইয়া তাঁহার সঙ্গ আচার্য্যগোসাঞি

ছুকার করেন আনন্দের অন্ত নাই

হবিদাসঠাকুর অদ্বৈত দেব সঙ্গে

ভাসেন গোবিন্দরস সমুদ্রতরণে ”

শ্রীচৈতন্য ভাগবত, আদিখণ্ড ।

আচার্য্য হরিদাসকে নির্জনে গঙ্গাতীরে একটা “গোফা”
 প্রস্তুত করিয়া দিলেন । হরিদাস তথায় বাস কবিতো লাগি-
 লেন, কিন্তু নির্জনে সাধনকুটীরে তপস্যায় নিমগ্ন হইয়া কেবল

নিজের পারত্রিক কল্যাণ সাধন কবা তিনি কর্তব্য মনে করিতেন না। সুধামাথা হরিদাস শ্রবণ করিয়া সমস্ত নরনারী, এমন কি প্রাণীমাত্রেই পবিত্রাণ লাভ ককক, উদারহৃদয় হরিদাস ভগবানের চরণে মৃত এইরূপ প্রার্থনা করিতেন। এই স্থানে অবস্থানকালে হরিদাস গঙ্গাতীরস্থ পল্লীতে প্রবেশ পূর্বক উচ্চৈঃস্বরে হরিদাস ঘোষণা কবিয়া ভ্রমণ করিতে লাগিলেন

“নিরবধি হরিদাস গঙ্গাতীরে তীরে ।
 ভ্রমেণ কোতুকে কৃষ্ণ বলি উচ্চৈঃস্বরে ।
 বিষয়সুখেতে বিরক্তেব অগ্রগণ্য
 কৃষ্ণনামে পরিপূর্ণ শ্রীবদন ধৃত ॥
 ক্ষণেক গোবিন্দ নামে নাহিক বিরক্তি ।
 ভক্তিরসে অনুক্ষণ হয় নানা মূর্তি
 কখন কবেন মৃত্যু আপনা আপনি ।
 কখন কবেন মত্তসিংহপ্রায় ধ্বনি ॥
 কখন বা উচ্চৈঃস্বরে করেন রোদন
 অটু অটু মহাহাস্য হাসেন কখন ॥
 কখন গর্জেন অতি হুঙ্কার করিয়া ।
 কখন মুচ্ছিত হই থাকেন পড়িয়া
 ক্ষণে অলৌকিক শক্তি বলেন ডাকিয়া ।
 ক্ষণে তাই বাখানেন উত্তম করিয়া ॥
 অশ্রুপাত রোমহর্ষ হাস্য মুচ্ছাযশ
 কৃষ্ণভক্তি বিকারের যত আছে মর্ম্ম ॥
 প্রভু হরিদাস মাত্র মৃত্যু প্রবেশিলে ।
 সকল আসিয়া তার শ্রীবিগ্রহে মিলে ॥

হেন সে আনন্দধারা তিতে সর্বঅঙ্গ
জাতি পায়গৌর দেখি পায় মহারঙ্গ ॥
কিবা সে অদ্ভুত অঙ্গে শ্রীপুলকাবলী
ব্রহ্মাশিব দেখিয় হয়েন কুতূহলী ।”

শ্রী চৈঃ ভাঃ, আদিখণ্ড

হরিদাস এইরূপে গ্রামে গ্রামে ভ্রমণ করিয়া আহা রেব সময়
আচার্য্যভবনে উপস্থিত হইতেন, এবং আহা বাস্তে আচার্য্যের
সঙ্গে কিছুক্ষণ কৃষ্ণকথাশ্রবণে যাপন করিয়া “গোফায়” প্রত্য-
বর্তন করিতেন। কোন কোন দিন আচার্য্য ভাগবত ও ভগ-
বদ্গীতার ব্যাখ্যা করিয়া হরিদাসকে শ্রবণ করাইতেন।

হরিদাস নীচজাতি, অচার্য্য একজন প্রতিষ্ঠাবান ব্রাহ্মণ-
পণ্ডিত। কিন্তু ভক্তের অন্তঃকরণে উচ্চ-নীচ ব্রাহ্মণ্যবনের
কোন পার্থক্য নাই। বিশেষতঃ ভগবানের ভক্তসন্তান যে কুলেই
জন্মলাভ করেন, তিনি ভক্তিব পাত্র,—পূজনীয় আচার্য্য হরি-
দাসকে প্রতিদিন পরম সমাদরে ‘ভিক্ষা’ (ভোজন) করাইতেন।
কিন্তু হরিদাস, তাঁহার আদরযত্নে নিরতিশয় সংকোচ বোধ করি-
তেন। একদিন তিনি আচার্য্যকে বলিলেন, “গোসাঞি। আমি
অতি নীচজাতি যবন, সংসারের ঘূণিত জীব, আমাকে প্রত্যহ
অন্ন দেন, আপনার এ অলৌকিক চরিত্র বুঝিতে পারি না।
মহামহাকুলীনব্রাহ্মণের এখানে বাস, আমাকে আদর করিতে
কি আপনার লজ্জা হয় না? আপনার মজাতির আত্মীয়বান্ধব-
গণ কি মনে করিবেন? আপনাকে কোন কথা বলিতে আমার
ভয় হয়, কিন্তু যাহাতে লোকসমাজে আপনাবু কোন বিপদ
না ঘটে, কৃপা করিয়া সেইরূপ ব্যবহার করুন।”

আচার্য্য বলিলেন, “হরিদাস, তোমার ভয় নাই যাহা শাস্ত্র সম্মত আমি তাহাই করিতেছি; তোমাকে ভোজন করাইলে কোটিব্রাহ্মণভোজনের ফল হয়।” এই কথা বলিয়া আচার্য্য সেই দিন হরিদাসকে একমাত্র সদাচারসম্পন্ন ব্রাহ্মণের প্রাপ্য “শ্রাদ্ধপাত্র” প্রদান করিলেন। হরিদাস যখন হইয়া আচার্য্যের পিতৃবাসরের “শ্রাদ্ধপাত্র” ভোজন করিলেন। আচার্য্য হরিদাসকে বলিয়াছিলেন, “তুমি থাইলে হয় কোটি ব্রাহ্মণ ভোজন।” কোটি ব্রাহ্মণ হইতেও হরিদাস শ্রেষ্ঠ; কেন না তিনি ভগবানের দাস,—ভগবানের ভক্ত

হরিদাস এই ভাবে কিছু দিন গঙ্গাতটবর্তী সাধনাশ্রমে বাস করিতে লাগিলেন। শ্রীহরি শীঘ্রই অবতীর্ণ হইয়া জগৎনিষ্ঠার করুন, আচার্য্যের স্থায় হরিদাসও ভগবানের চরণে এই প্রার্থনা নিবেদন করিতে লাগিলেন। বৈষ্ণবগ্রন্থে কথিত হইয়াছে, ইহাঁদের আকুল প্রার্থনায় ভগবান্ শ্রীচৈতন্যরূপে অবতীর্ণ হইয়াছিলেন।

“দুই জনের ভক্তো চৈতন্য কৈল অবতার

নামপ্রেম প্রচারি কৈল জগত উদ্ধার ” শ্রী চৈঃ চঃ ।

কথিত আছে, একদিন রাত্রিকালে হরিদাস “গোফায়” বসিয়া উচ্চরবে নামসংকীৰ্ত্তন করিতেছেন,—রাত্রি জ্যোৎস্নাবতী; রজতোজ্জ্বল চন্দ্র-রশ্মিতে চারিদিক আলোকে এবং আনন্দে হাস্ত করিতেছে,—সুনির্মল চন্দ্রকিরণসম্পাতে গঙ্গার লহরীমালা অপূৰ্ণ শোভা ধারণ করিয়া আছলাদে নৃত্য করিতে করিতে প্রবাহিত হইতেছে,—এমন সময়ে “মায়া-দেবী” পরম-রূপবতী নারীমূৰ্ত্তি ধারণ করিয়া হরিদাসকে পুরীক্ষা করিতে

আসিয়াছিলেন * তৃতীয় অধ্যায়ে বৰ্ণিত রামচন্দ্র খানের
প্ৰেৰিত বারবনিতার স্মৃতি, এই বমলীকৃষ্ণধৰ্ম্মিলী মায়া দেবীও
হরিদাসকে ক্ৰমাগত তিন রাত্রি পবীক্ষা করিয়াছিলেন কিন্তু
“কৃষ্ণনামাবিষ্ট মন সদা হরিদাস,” মায়া তাঁহাব কি করিবেন ?—
শেষে পরাস্ত হইয়া হরিদাসকে নমস্কার পূৰ্ব্বক বলিলেন ;—

“ব্রহ্মাদি জীববে আমি সবাবে মোহিল

একলা তোমারে আমি মোহিতে নারিল ॥

মহাভাগবত তুমি তোমার দর্শনে

তোমাব কীর্তন কৃষ্ণনামশ্রবণে

চিত্ত শুদ্ধ হৈল চাহি কৃষ্ণনাম লৈতে ।

কৃষ্ণ উপদেশি কৃপা করহ আমাতে ”

শ্রী চৈঃ চৈঃ অন্ত্যলীলা

বৰ্ণিত আছে, “মায়া” দেবীর প্রার্থনায় হরিদাস তাঁহাকে
“কৃষ্ণনাম সংকীৰ্ত্তন” করিতে উপদেশ দিয়াছিলেন । †

* কেহ কেহ বলেন, ভক্তমাধকগণেব ধৰ্ম্মবল পরীক্ষার জন্ত তাঁহাদের নিকট
নানাপ্রকার প্রলোভন ও পরীক্ষা সমুপস্থিত হইয়া থাকে মহামুনি শাকাসিংহ,
পবিত্রাত্মা যীশুখ্রীষ্ট ও হজরত মোহম্মদের জীবনচরিতেও এককাল অলৌকিক
ঘটনার উল্লেখ আছে

† সম্প্রতি পণ্ডিতপ্রবর শ্রীযুক্ত বাবু কালীপ্রসন্ন ঘোষ প্রণীত ‘ভক্তির
রস’ নামক একখানি পুস্তক প্রকাশিত হইয়াছে ইহাতে হরিদাসঠাকুরের
জীবনচরিত সম্বন্ধীয় দুই চারিটা ঘটনার উল্লেখ আছে । হরিদাসের নিকট
দুইটা পরীক্ষা উপস্থিত হইয়াছিল, একটা বেণাপেঙ্গের তণ্ডীতাকুটীরে,—
দ্বিতীয়টা শান্তিপুরের সম্মিহিত গঙ্গাতীরস্থ “গোফায়” দুইটাই স্বতন্ত্র ঘটনা,
এবং ইহাব বর্ণনাও স্বতন্ত্র প্রকার কালীপ্রসন্ন বাবু দ্বিতীয় ঘটনার উল্লেখনাটক
করেন নাই অধিকন্তু, মূলগ্রন্থে ইহা যেভাবে বর্ণিত হইয়াছে, তাহাই প্রথম-
টাতে সন্নিবেশিত করিয়াছেন এইরূপে স্বকপোলকল্পিত মতের অনুসরণ
করিলে মূলগ্রন্থের প্রকৃত তথ্য হইতে পাঠকসাধারণকে বঞ্চিত করা হয় ।
শ্রীচৈতন্যচরিতামৃত, অন্ত্যলীলা, তৃতীয় পরিচ্ছেদ অষ্টম ।

পঞ্চম অধ্যায় ।

ফুলিয়ায় আগমন ও নির্যাতন ।



ফুলিয়া গ্রাম, শান্তিপুরের সমীপবর্তী বাঢ়োয় শ্রেনির কুলীন-ব্রাহ্মণদিগের ইহা একটি প্রধান “সমাজস্থান” যে সময়ের কথা বর্ণিত হইতেছে, তৎকালে এখানে বহুসংখ্য সংকুলজাত ব্রাহ্মণ-সজ্জন বাস করিতেন। এই ফুলিয়াব নামানুসাবেই “ফুলিয়া মেলের” সৃষ্টি হইয়াছে। বঙ্গীয় কবিকুলকেশরী কৃত্তিবাসের জন্মভূমি বলিয়াও ফুলিয়া বঙ্গদেশে সবিশেষ প্রসিদ্ধি লাভ করিয়াছে। হরিদাস, এই গ্রামে আসিয়া কিছুদিন বাস করিতে লাগিলেন।

হরিদাসের ধর্মনিষ্ঠা, বৈবাগ্য ও সদাচারে মুগ্ধ হইয়া গ্রামবাসীগণ তাঁহাকে পরম সমাদরে গ্রামে স্থান দিলেন। হরিদাসকে দেখিলে মুসলমান বলিয়া চিনিবার কোনই উপায় ছিল না। তাঁহাব দেহ, সুদীর্ঘ সুবলিত বাহুদ্বয় “আজানু-জ্বিত”, অপূর্ণ যৌবনক্রীতে সর্বদা বহু পরম শোভাময়, এবং স্বর্গীয় পূণ্যপভাষ তাহা সমুজ্জ্বল। গলাধ পবিত্র তুলসী-মাল্য শোভা পাইতেছে। বক্ষঃস্থল ও ললাটদেশ চন্দনানুলিপ্ত, বদনমণ্ডল অতি প্রশান্ত এবং গভীর হস্তে হরিণামের “মালা” ; সর্কাদ উচ্চররে হরিধ্বনি করিতেছেন, আর ছুই নয়নে অবিবল ধারায় প্রেমাশ্রু নিপতিত হইতেছে। — হরিণামরমে

সর্বাঙ্গ যেন অতিথিক্ত ও স্নানিত । স্মৃতবাং কে বলিবে তিনি
মুসলমানকুল-সন্তুত ? শাস্ত্রে কথিত হইয়াছে,—

“অষ্টাবিধাহ্যেযা ভক্তিৰ্যস্মিন্ স্নেছেহপি বৰ্জতে ।
স বিপ্রেন্দ্রোমুনিঃ শ্রীমান্ স যতিঃ স চ পণ্ডিতঃ ”

(গারুড়পুরাণ)

অর্থাৎ অষ্টবিধা ভক্তি যদি কোন স্নেছেতেও প্রকাশ
পায়, তবে তিনি আর স্নেছ নহেন তিনি বিপ্রেন্দ্র, তিনি
মুনি, তিনি শ্রীমান, তিনি যতি এবং তিনি পণ্ডিত ।

কুলিয়া গ্রামস্থ ব্রাহ্মণ ও ভক্তসন্তানেরা মনে করিলেন, উপবি-
কথিত শাস্ত্রবাক্য এতদিনে বুঝি সফল হইল, এবং আমবা
যথার্থই একজন তপস্বিজোসম্পন্ন মুনি ঋষিকে লাভ করিয়া ধন্য
হইলাম । তাঁহারা হরিদাস ঠাকুরের মহাভাগবত লক্ষণ নিরী-
ক্ষণ করিয়া বিমুগ্ধ হইয়া গেলেন, এবং আবার বৃদ্ধ বনিতা
সকলেই তাঁহাকে সমুচিত শ্রদ্ধাভক্তি প্রদর্শন করিতে
লাগিলেন ।

হরিদাস প্রতিদিন প্রাতঃকালে পুতসলিলা গঙ্গাতে স্নান
করিয়া, গ্রাম মধ্যে প্রবেশ পূর্বক উচ্চৈঃস্বরে হরিনাম ঘোষণা
করিতে লাগিলেন । পথ দিয়া চলিয়া যাইবার সময়, তাঁহাকে
দর্শন করিবার জন্য লোকারণ্য হইত । তাঁহাকে দেখিবাগাত্র
সকলে হরিধ্বনি আরম্ভ করিত । ছোট ছোট শিশুগণকে
কখন কখন তিনি ভিক্ষালব্ধ ফল মূল মিষ্টদ্রব্য বিতরণ করি-
তেন । বালকগণ সেই সকল দ্রব্যের লোভে হরিদাসকে দেখিলেই
দৌড়িয়া আসিয়া তাঁহার সহিত মিলিত হইত, এবং তাঁহার

সঙ্গে উচ্চৈঃস্বরে হরিহরি-নিমাদে আকাশমণ্ডল কম্পিত করিয়া তুলিত এইরূপে “হরির-লুট” প্রচার সৃষ্টি হইল । বোধ হয় ইহারই অনুরাগে অতাপি পল্লিগ্রামে “হরির-লুট” হইয়া থাকে *

হরিদাস এই প্রকারে হরিনামকীর্তনে গ্রামবাসিগণকে মাতাইয়া তুলিলেন, সকলে তাঁহাকে লইয়া মাননচিত্তে কাল-যাপন করিতে লাগিলেন । কিন্তু চিৎদিন কখন সমান যায় না । এই সময় বঙ্গদেশ মুসলমান রাজার অধীন ছিল । ফুলিয়া-প্রদেশে একজন মুসলমান শাসনকর্তা “কাজি” বাস করিত । এই ব্যক্তি জাতীয়ধর্মে অত্যন্ত অন্ধাভুতান্বিত ও কঠোর-স্বভাব । হরিদাস মুসলমান হইয়া হিন্দুর ন্যায় আচরণ করিতেছেন, হিন্দুগণ তাঁহার সঙ্গে মিলিত হইয়া কীর্তন-কোলাহল আরম্ভ করিয়াছে, এই সমস্ত অবগত হইয়া কাজি অতিশয় বিরক্ত ও ক্রুদ্ধ হইল, এবং অতি গুরুতর শাস্তি প্রদানের জন্য “মুলুকপতি”র (বোধ হয় স্থানীয় নবাব বা প্রধান শাসন-কর্তা) নিকট হরিদাসের বিরুদ্ধে অভিযোগ উপস্থিত করিল ।

* “হরিদাস ঠাকুর বন্দ বীৰত্ব প্রধান ।

প্রথম দিয়া শিশুরে লওয়াইল হরিনাম ॥”

শ্রীদৈবকীনন্দন দাস প্রণীত বৈষ্ণব বন্দনা ।

বেণাপোলে অবস্থান কালে কি ফুলিয়ায় অবস্থান কালে হরিদাস বালকগণকে ধান্য দ্রব্য বিতরণ করিয়া হরিনাম বলাইতেন, কোনও গ্রন্থপত্রে তাহার উল্লেখ নাই । যাহা সম্ভব বোধ হইল, তাহাই লিখিত হইল ।

“ঐচতন্য-সঙ্গীতা” নামক একখনি পুস্তিকাতে এই কাজির নাম

অভিযোগের মর্ম এইরূপ,—এ ব্যক্তি মুসলমান হইয়া হিন্দুধর্ম-অবলম্বন পূর্বক হিন্দুর আচরণ ক'বিতেছে ইহাকে শাসন না করিলে ইহার কুদৃষ্টান্ত ও কুমন্ত্রণায় আবণ্ড অনেক স্বধর্ম-ভ্রষ্ট হইবে, অতএব ইহার প্রতি কঠিন দণ্ডের আদেশ হউক ।

“গোরাই”, আর প্রধান শাসনকর্তার নাম “মুলুককাজি” লিখিত আছে ।
বর্ণনাঃ—

“গোরাই নামেতে কাজি অসভের শেষ
হরিদাস সঙ্গে তার মহা দ্বৈতদেব ॥
মুলুক নামেতে কাজি হয় জমিদার
গোরাই কাম করে তার দরবার ॥”

শ্রীচৈতন্য-ভাগবতে অভিযোগকারীর নাম (কেবল উপাধি মাত্র) ‘কাজি’ ও বিচারকের নাম ‘মুলুকপতি’, কোথাও বা ‘মুলুকের অধিপতি’ কুত্র বা ‘মুলুকের পতি’ লিখিত আছে ‘জমিদার’ ও ‘মুলুকপতি’ শব্দের একই অর্থ ‘মুলুকপতির’ পরিবর্তে ‘মুলুক-নামধেয় কাজির কথা চৈতন্যসঙ্গীতা-কারের কল্পনা বলিয়াই বোধ হয়

“ভক্তির জয়” লেখক এই মুলুকপতিকে গোড়েশ্বর সৈয়দ হুসেন শাহ মনে করিয়া ভ্রমে পতিত হইয়াছেন শ্রীচৈতন্যদেব ১৪৮৫খৃঃ অব্দে (১৪০৭ শক) জন্মগ্রহণ করেন । হরিদাসের প্রতি মুসলমানদিগের উৎপীড়ন ইহারও পূর্বে সংঘটিত হইয়াছিল ইতিহাসজ্ঞাত্রেই অবগত আছেন, সৈয়দ হুসেন শাহ নামক কোন উচ্চকুলোদ্ভব মুসলমান, চৈতন্যদেবের জন্মের ৪ বৎসর পরে ১৪৮৯ খৃঃ অব্দ * হইতে ১৫১৯ খৃঃ অব্দ পর্য্যন্ত বঙ্গদেশের রাজধানী গোড়

* কোন কোন মতে ৮৯৯ হিজরী সালে (১৪১৬ শক ও ১৪৯৪ খৃঃ অব্দ) হুসেন শাহ রাজদণ্ড গ্রহণ করিয়াছিলেন ‘সাহিত্য’, পঞ্চমবর্ষ, ৮০১ পৃষ্ঠা ।
প্রফেসর ব্রহ্মানু সাহেনকর্তৃক সংগৃহীত হুসেনীবংশের বিবরণ দ্রষ্টব্য ।

মুলুকপতি হরিদাসকে কারাগারে প্রেরণের আদেশ প্রদান করিয়া বিচারের দিনস্থির করিলেন । পাইকগণ হরিদাসকে কারাগৃহে লইয়া গেল । এই সংবাদ শ্রবণে ফুলিয়া প্রদেশের হিন্দুগণ হাহাকার করিতে লাগিলেন । কিন্তু হরিদাসের কোন ভয় নাই । যিনি ভক্তবৎসল ভগবানের চরণে চিত্ত সমর্পণ করিয়াছেন, তাঁহার আব ভয় কি ? ঋতি বলিয়াছেন, “আনন্দং ব্রহ্মণোবিদ্বান ন বিভেতি কুতশ্চন” । সচ্চিদানন্দময় শ্রীহরির নামামৃতবসে যাহার মন-প্রাণ নিরন্তর নিমগ্ন রহিয়াছে, তাঁহাকে কে ভীত করিতে পারে ? হরিদাস হরিনাম উচ্চারণ করিতে করিতে পাইকগণের সঙ্গে সঙ্গে চলিতে লাগিলেন ।

“কৃষ্ণের প্রসাদে হরিদাস মহাশয় ।

যবনেব কি দায় বালের নাহি ভয় ॥

কৃষ্ণ কৃষ্ণ বলিয়া চলিলা সেইক্ষণে

মুলুকপতির আগে দিলা দরশনে ”

শ্রী চৈঃ ভাঃ, আদিখণ্ড ।

সগরের রাজসিংহাসনে অধিষ্ঠিত ছিলেন । ইনি পূর্বে গোড়াধিপতি মজঃকর শাহার মন্ত্রী ছিলেন ; পরে তাঁহাকে যুদ্ধে বন্দী ও নিহত করিয়া নিজে রাজপদে প্রতিষ্ঠিত হইলেন । হুসেন শাহাব পূর্বে কাজী প্রভৃতি আদেশিক শাসনকর্তা ও দুর্দান্ত পাইকগণের হস্তে সাধারণপ্রজাবৃন্দ যৎপবোনাস্তি নিগ্রহ ভোগ করিতেন, এই জন্য “কাজির বিচার অদ্যাপি এতদ্দেশে একটী প্রসিদ্ধ প্রবাদে পরিণত হইয়াছে । এই সময়েই কাজি কর্তৃক হরিদাস নির্যাতন প্রাপ্ত হইলেন । কিন্তু ‘ভক্তিরঙ্গম’-রচয়িতা স্বীয় বঙ্গনাশক্তিবলে হরিদাসকে গোড়রাজ-ধীনীতে সৈয়দ হুসেন শাহার দরবারে উপস্থিত করিয়াছেন ।

সম্ভবতঃ ১৩৭১ শকে হরিদাস জন্মগ্রহণ করেন । যখন তিনি পিতৃগৃহ পরি-

হরিদাসকে বন্দিভাবে আগমন করিতে দেখিয়া সাধুসজ্জন-
গণেব হৃদয়ে যুগপৎ হর্ষবিষাদের আবির্ভাব হইল,—হরিদাসের
ছায় পরমভক্তকে দর্শন করিয়া তাহার আনন্দিত হইল, এবং
অত্যাচাঁবী কাজিগণের হস্তে তাঁহার ভয়াবহ পরিণাম চিন্তা
করিয়া বিষাদে ত্রিয়মাণ হইয়া পড়িল। এই সময়ে এই অঞ্চলের
প্রধান প্রধান লোকদিগের মধ্যে অনেকে অপবাধী হইয়া বন্দি-
গৃহে বাস করিতেছিল। হরিদাস কারাগৃহের দ্বারদেশে সমুপ-
স্থিত হইলে তাঁহাকে দেখিবার জন্ত বন্দিগণের মধ্যে কোলাহল
পড়িয়া গেল। হরিদাসের দর্শন লাভে তাহারা কারাবন্দগণ
বিস্মৃত হইল, এবং হরিদাসের সঙ্গে সঙ্গে তাহারাও অচিরে
মুক্তিলাভ করিতে পারিবে মনে করিয়া আনন্দিত হইল।
হরিদাস প্রশান্ত ও নিঃশঙ্কচিত্তে কাবাগাবে প্রবেশ করিলেন।

“আজানুলব্বিত ভুজ কমল নয়ন
সর্ব মনোহর মুখচন্দ্র অনুপম
ভক্তি করি সবে করিলেন নগস্কার ।
সবার হইল কৃষ্ণ ভক্তির বিকার ”

ভক্তের দর্শনে কারাবাসিগণের হৃদয়ে ভক্তির আবির্ভাব
হইল, ইহা অপেক্ষা ভক্তজনের মহিমা আর কি হইতে পারে ?
হরিদাস, বন্দিগণের ভক্তিবিলিঙ প্রসন্নমূর্ত্তি দর্শনে আন-

ভাগ করিয়া ধর্মসাধনে প্রবৃত্ত হন, তখন তাঁহাব প্রথম যৌবন। হুতরাং
১৩৯৬ শক হইতে ১৪০৬ শকের মধ্যে হরিদাস কাজিকর্তৃক নিগ্রহভোগ করিয়া
ছিলেন বলা যাইতে পারে। •

দিত হইলেন, এবং মৃদু হাস্য করিয়া তাহাদিগকে এই আশী-
র্ষচন বলিলেন ;—

“থাক থাক এখন আছে যেন কপে ।

শুণ আশীর্বাদ করি হাসেন কোতুকে ।’

বন্দিগণ, হরিদাসের আশীর্বাদেব মর্ম্মবোধ করিতে না
পাবিয়া, এবং তাঁহাকে হাস্য কবিতে দেখিয়া ছঃখিত হইল ।
তখন হরিদাস তাহাদিগকে বুঝাইয়া বলিলেন, “তাই সকল ।
তোমরা চিরকাল বন্দিদশায় কালযাপন কর, আমি এরূপ
অগ্রায় আশীর্বাদ করি নাই । এখন তোমাদেব মনে যে
প্রকার ভক্তির উদয় হইয়াছে, এইরূপ ভক্তিপূর্ণ হৃদয়েই যেন
তোমরা সর্বদা অবস্থান কর । এখান হইতে মুক্তিলাভ করিয়া
আবার কুসঙ্গে মিশিয়া যেন লোকের প্রতি অত্যাচার উৎ-
পীড়ন করিও না । আমি আশীর্বাদ করিতেছি, তোমাদের
কোন চিন্তা নাই, অচিরে তোমাদের এই দুঃখ যজ্ঞগার অবসান
হইবে ।”

“মন্দ আশীর্বাদ আমি কখন না করি

মন দিয়া সবে ইহ বুঝি বিচারি ।

এবে কৃষ্ণপ্রীতে তোমা সবাকার মন ।

যেন আছে এই মত থাকু সর্বক্ষণ ।

এবে নিত্য কৃষ্ণ নাম কৃষ্ণের চিন্তন ।

সবে মেলি করিতে থাকহ অনুক্ষণ

এবে হিংসা নাহি কিছু প্রজার পীড়ন ।

কৃষ্ণ বলি কাকুর্বাদ করহ চিন্তন ॥

আরবার গিয়া সে বিষয়ে প্রবর্তিলে ।

সবে ইহা পাসরিবে গেলে দুইমেল
সেই সব অপরাধ হবে পুনর্কার ।
বিষয়ের ধর্ম এই গুন কথা মার ।
বন্দী থাক হেন আশীর্বাদ নাহি করি ।
বিষয় পাসর অহর্নিশ বল হরি
ছলে করিলাম আমি এই আশীর্বাদ ।
তিলান্ধেক না ভাবিহ তোমরা বিষাদ
সর্বজীব প্রতি দয়া দর্শন আমার ।
ক্লমে দৃঢ়ভক্তি হউক তোমার সবার ।
চিন্তা নাহি দিন দুই তিনের ভিতরে ।
বন্ধন যুচিবে এই কহিণ তোমারে
বিষয়েতে থাক কিবা থাক যথা তথা ।
এই বুদ্ধি কভু না পাসরিহ সর্বথা ।”

অনন্তর হরিদাস, বিচারার্থ মুলুকপতির দরবারে জামীত
হইলেন নানা স্থানের বহুসংখ্য কাজি ও রাজকর্মচারী এবং
নানাপ্রকার হিন্দুমুসলমানের সমাগমে বিচারার্থে লোকারণ্য
হইল মুসলমান হরিদাস, হিন্দুধর্ম গ্রহণ করিয়া হিন্দু হইয়া-
ছেন, হিন্দুর ধর্মোতিহাসে ইহা যেমন অভিনব ও বিচিত্র ঘটনা,
হরিদাসের বিককে হরিণামগ্রহণরূপ অপরাধের অভিযোগও
বাঙ্গালার রাজনৈতিক ইতিহাসে সেইরূপ অভিনব ও অত্যন্ত
ব্যাপার সন্দেহ নাই সুতরাং এই অশ্রুতপূর্ব অভিযোগের
বিচারপ্রণালী পরিদর্শনের জন্য,—বিশেষতঃ স্বেচ্ছাচারী কাজি-
গণের হস্তে ভক্ত হরিদাসের কি বিষম লাঞ্ছনা উপস্থিত হয়, এই
চিন্তাতে মহা উদ্বেগ ও উৎকণ্ঠিত হইয়া ফুলিয়া প্রদেশের অধি-

বাসিগণ দলে দলে বিচাৰগৃহে সমবেত হইতে লাগিল । এই লোকপ্রবাহের মধ্য দিয়া হরিদাস বিচাৰকের সম্মুখে উপনীত হইলেন । দৰ্শকগণ এক দৃষ্টিতে তাঁহাব প্রতি চাহিয়া রহিল । হরিদাসেব তেজোময় গাভীৰ্য্যপূৰ্ণ প্রসন্নবদন অবলোকন করিয়া মূলকপতি সম্মম সহকারে তাঁহাকে আসনগ্রহণ করিতে আদেশ করিলেন । তৎপরে মিষ্টবাক্যে বলিলেন, “ভাই ! তোমার একরূপ দুৰ্ম্মতি হইল কেন বুঝিতে পারি না । দেখ, বহুভাগ্যে লোকে মুসলমানবংশে জন্মগ্রহণ কবে তুমি সেই “মহাবংশজাত” হইয়া জাতিধৰ্ম্ম লঙ্ঘন করিতেছ, ইহা তোমার অতীব অন্তায় । আমরা যে হিন্দুকে দেখিলে ভাত খাই না, তুমি সেই কাফেরের ধৰ্ম্ম আচরণ করিতেছ ; এই মহাপাপে পরলোকে কিরূপে নিষ্কৃতি পাইবে একবার ভাবিয়া দেখ । যাহা হউক, এতদিন না জানিয়া যাহা কিছু অনাচার করিয়াছ, এখন ‘কল্মা’ পড়িয়া সেই মহাপাতকের প্রায়শ্চিত্ত কর ”

মায়ামোহাচ্ছন্ন বিচাৰপতির বাক্যাবসানে হরিদাস “অহো ! বিষ্ণুমায়া” । এই কথা উচ্চারণ করিয়া মহা হাস্য করিলেন । বিষম বিপজ্জালে বেষ্টিত হইয়াও হরিদাস হাস্য করিলেন কেন, আমরা মূলদৰ্শী হইয়া তাহা কিরূপে হৃদয়ঙ্গম করিতে সমর্থ হইব ? ফলতঃ ইহা প্রেমোন্মাদের লক্ষণ ব্যতীত আর কিছুই নহে । *

* শ্রীমদ্ভাগবতের একাদশ স্কন্ধে ঋষভনন্দন কবি জনক রাজাকে বলিয়াছেন ;—

৩ “এবং ব্রতঃ স্বপ্রিয়নামকীৰ্ত্ত্যা জাতানুরাগোদ্ভূতচিত্ত উঠৈঃ ।

হসত্যথ রোদিত্তি রোতি গায়ত্য়ায়াদবন্থ্যজিতিলোকধায়াঃ ॥’

অনন্তর হরিদাস, বিনীতমধুর বচনে অতি ধীরভাবে মূলক-
পতিকে এই কথাগুলি বলিলেন ;—

“শুন বাপ ! জগতের সমুদায় নবনাবীর জগদীশ্বর একমাত্র ।
হিন্দু ও মুসলমানগণ কেবল নাম-মাত্র ভেদে তাঁহারই আরাধনা
করেন কোরাণে যাহাব তত্ত্ব, পুরাণেও তাঁহারই মহিমা
লিখিত হইয়াছে সকলে নিজ নিজ শাস্ত্রমতে সেই একমাত্র
ঐশ্বর নাম ও মহিমা কীর্তন করিয়া থাকেন । যিনি যে নামেই
তাঁহাকে ডাকুন, ভাবগ্রাহী ভগবান সকলেরই সমান আরাধ্য-
বস্তু । সৰ্ব্বাস্তুর্য্যামী পরমেশ্বর সকলের হৃদয়ে বাস করিয়া
যাহাকে যেরূপ আদেশ করেন, সে সেইরূপ আচরণ করে
সুতরাং তাঁহাদের হিংসা করিলে তাঁহারই হিংসা করা হয় দেখুন,
ব্রাহ্মণ প্রভৃতি অনেক হিন্দুসন্তানও তো ইচ্ছাপূর্ব্বক মুসলমান
ধর্ম গ্রহণ করিতেছেন, তবে কেবল আমি দয়াময় ভগবানের
প্রেরণাতে ‘হরিনাম’ উচ্চারণ করিয়া কি অপরাধী হইলাম ?
আপনি বিচারপতি, যদি আমার অপরাধ থাকে, আমাকে ইচ্ছা-
মুৰূপ শাস্তি প্রদান করুন ”

“শুন বাপ সবারই একই ঈশ্বর ॥

নামমাত্র ভেদ করে হিন্দুরে যবনে ।

অর্থাৎ ভগবানের সেবাকে যিনি ব্রতরূপে অবলম্বন করিয়াছেন, প্রেমাস্পদ
প্রিয়তম ভগবানের নামকীর্তন করিতে করিতে তাঁহার হৃদয়ে অমৃত
সম্প্রদ ও চিত্ত জ্বলিত হয় । এই অবস্থায় তিনি কখন উচ্চৈঃস্বরে হাস্য করেন,
কখন রোদন করেন, কখন বাকুলচিত্তে চীৎকার করেন, কখন গান করেন, কখন
বা উদ্গাদন করিয়া কুধেন ॥ এই প্রকার লোক সকল লোকের বহির্ভূত ।

পরমার্থে এক কহে কোরাণে পুরাণে ।

একগুচ্ছ নিত্য বস্তু অথও অব্যয় ।

পরিপূর্ণ হৈয়া বৈসে সবার হৃদয়

সেই প্রভু যাবে যেন লওয়ায়েন মন ।

সেইমত কৰ্ম করে সকল ভুবন ।

সে প্রভুর নামগুণ সকল জগতে ।

বলেন সকল মাত্র নিজ শাস্ত্র মতে ।

যে ঈশ্বর সে পুনী সবার ভাব লয় ।

হিংসা করিলেও সে তাহার হিংসা হয় ।

এতেকে আমরা সে ঈশ্বরে যে হেন

লওয়াইয়াছে চিত্তে করি আমি তেন ।

হিন্দুকুলে কেহ হেন হইয়া ব্রাহ্মণ ।

আপনে আগিয়া হয় ইচ্ছায় যবন ॥

হিন্দু বা কি করে তারে যার যেই কৰ্ম ।

আপনেই মৈল তারে মারিয়া কি ধৰ্ম

সরাসর এবে তুমি করহ বিচার ।

যদি দোষ থাকে শাস্তি করহ আমার ”

হরিদাস, এইরূপে হৃদয়ের উচ্ছলিত বেগে আপনার উদার ধর্মমত সর্বসমক্ষে বিবৃত করিলেন । তাঁহার এই সমস্ত বাক্য সত্য সরলতা ও সংযুক্তিতে পরিপূর্ণ । সিঁহদি-কুলপাবন যীশু-খ্রীষ্ট বিচারপতির সন্নিধানে এই প্রকার সরলতাপূর্ণ সত্যকথা এমন বিনয়সহকাবে বলিতে পারেন নাই অথবা বলেন নাই । মাহা হউক, হরিদাসের সারগর্ভ কথায় বিচারপতি ও অনেকা-নেক সম্রাট মুসলমান সন্তুষ্ট হইলেন । কিন্তু ধর্মবাবুসুন্নী যাজক-

সম্প্রদায় সকল দেশে সকল সময়েই সত্য ও ধর্মের চিরবিরোধী
এই ধর্মাক্ত ও হুর্কৃত্ত গোরাই কাজি, একাধারে ধর্মযাজক ও
শাসনকর্তা সে বিদ্বেষপবাষণ হইয়া মুলুকপতিকে বলিতে লাগিল,
“হজুর ! ইহাকে শান্তি না দিলে এব্যক্তি আরও অনেক মুসল-
মানের মতিভ্রম জন্মাইবে এ ব্যক্তিকে বিশেষরূপ দণ্ডপ্রদান
কর্তব্য । এই কাফের হয় শান্তিগ্রহণ, নয় কল্মা উচ্চারণ
করিয়া প্রায়শ্চিত্ত করুক ইহাকে কঠিন দণ্ড না দিলে জগতে
পবিত্র ইস্লাম ধর্মের কলঙ্ক হইবে ”

মুলুকপতি হরিদাসকে আবার ভয় প্রদর্শন করিয়া বুঝাইতে
লাগিলেন ;—

“পুনঃ বলে মুলুকের পতি আরে ভাই ।
আপনাব শাস্ত্র বল তবে চিন্তা নাই
অন্যথা করিব শান্তি সব কাজিগণে ।
বলিলাম পাছে আব লঘু হৈবা কেনে ”

কবি ভবভূতি বলিয়াছেন, “বজ্রাদপি কঠোরাণি মৃদুনি
কুসুমাদপি । লোকোত্তরাণাং চেতাংসি কো হি বিজ্ঞাতু-
মীশ্বরঃ ॥” অর্থাৎ মহাপুরুষদিগের চিত্তবৃত্তি বজ্র হইতেও
কঠোর এবং কুসুম হইতেও কোমল, তাহা কে জানিতে সমর্থ ?
ভগবন্ত হরিদাস আপনাকে দীনেন্দ্র দীন জানে সকলের নিকটেই
বিনয়ে অবনত থাকিতেন ; কিন্তু এই পথের কাঙ্ক্ষাল ভিখারী
সন্ন্যাসীর অন্তঃকরণে কি এক অলৌকিক বীৰ্য্য লুকায়িত ছিল,
তাহা কেহই জানিত না । হরিদাস সর্বশক্তিমান সর্বেশ্বরের
চরণে আত্মসমর্পণ করিয়া নিশ্চিত ও নির্ভয়, এবং দৈববলে মহা
বলীমান হইয়া পর্বতের গায় অচল ও অটল । মুলুকপতির

বাক্যাবসানে তিনি দৃঢ়তা-ব্যাঞ্জক অতি গভীরস্বরে বলিলেন ;—

“বিচারপতি ! শ্রবণ করুন, এই বিশ্বচর'চরের সৃষ্টিস্থিতি-
সংহাবকর্তা পরমেশ্বরই একমাত্র সকলের শাসনকর্তা । তিনিই
সকলকে কর্মানুরূপ দণ্ডপুরস্কার প্রদান কবেন । তিনি ব্যতীত
আর কে শাস্তি দিতে পারে ? * আমার এই পাপদেহ যদি
খণ্ড বিশ্বও হইয়া যায়, তথাপি আমি সুধামাথা হরি নাম কখনও
পরিত্যাগ করিব না । ”

“হরিদাস বলেন যে করান ঈশ্ববে

তাঁহা বহি আর কেহ করিতে নাপাবে ।

অপবাধ অনুরূপ যার যেই ফল

ঈশ্বরে সে করে ইহা জানিহ কেবল ॥

খণ্ড খণ্ড যদি হই যায় দেহ প্রাণ ।

তবু আমি বদনে না ছাড়ি হরি নাম ॥”

বিচারপতি ও সভা-সমাগত লোকমণ্ডলীর সমক্ষে
হরিদাস এই কথা বলিয়া স্থির ধীর গভীর ভাবে দণ্ডায়মান

* মহাত্মা যীশুখ্রীষ্ট, রোমীয় শাসনকর্তা পণ্ডিটস্ পাইলেটের প্রশ্নের উত্তর
না করাতে তিনি ভয়প্রদর্শনের নিমিত্ত যীশুকে বলিয়াছিলেন যে, “তোমাকে
মুক্ত করিতে আমার ক্ষমতা আছে, এবং তোমাকে ক্রুশে আরোপণ করিতেও
আমার ক্ষমতা আছে, তাহা কি জাননা ?” যীশু ইহার উত্তরে যাহা বলিয়া-
ছিলেন, হরিদাসের উক্তির সহিত তাহার চমৎকার সাদৃশ্য আছে । যথা,—

“Thou couldst have no power at all against me except
it were given thee from above.” S. John, XIX, 11.

• অর্থাৎ ‘উদ্ধ হইতে দত্ত না হইলে আমার বিরুদ্ধে তোমার কোন ক্ষমতা
হইত না । ”

রহিলেন । হরিদাস ! তুমিই নরকুলে দেবতা ! ধন্য তোমার বিশ্বাস ও দৃঢ়তা ! হরিদাস প্রাণ পবিত্যাগ করিবেন, তথাপি হরিনাম পবিত্যাগ করিবেন না । মুলুকপতি যখন, হরিদাসের স্নদৃঢ় বিশ্বাসপূর্ণ অগ্নিময় বাক্য শ্রবণ করিয়া বিশ্বাসে স্তম্ভিত হইলেন । এই ব্যক্তি নিতান্ত ধর্ম্মান্ধ ও হৃদয়হীন লোক ছিলেন বোধ হয় না । কেন না প্রকাশ্য রাজসভায় একজন অভিযুক্ত তাঁহার আদেশ অগ্রাহ্য করিল দেখিয়াও তিনি বিশেষ ক্রুদ্ধ হইলেন না । কিন্তু তিনি কি করিবেন ? হরিদাসকে অতি গুরুতব দণ্ডে দণ্ডিত করিবার জন্য অভিযোক্তাগণ পুনঃ পুনঃ অনুবোধ করায় তিনি অগত্যা কাজিগণকে সম্বোধন করিয়া বলিলেন, “এখন ইহাকে কি শাস্তি প্রদান করা যাইবে ?”

অভিযোগকারী গোবাই-কাজি বলিল, “হুজুর ! আব বিচারের প্রয়োজন কি ? পাইকগণ ইহাকে বন্ধন করিয়া একে একে বাইশটা বাজারে লইয়া গিয়া নির্দারুণরূপে প্রহার করিতে করিতে ইহার প্রাণদণ্ড করুক, ইহাই এই বিধর্ম্মীর পক্ষে সুবিচার । বাইশ বাজারে এইরূপ প্রহারেও যদি মৃত্যু না হয়, তবে এ ব্যক্তি যাহা কিছু বলিতেছে সব সত্য ।”

অনন্তর কাজির পরামর্শে মুলুকপতি উপরি-উক্তরূপ আদেশ প্রচার করিয়া বিচারকার্য শেষ করিলেন । গোবাই-কাজির মনোভিলাষ সিদ্ধ হইল । সে অতিমাত্র আনন্দিত হইয়া মহা তর্জ্জন গর্জ্জন করিতে করিতে পাইকগণকে আদেশ করিল যে, তোমরা ইহাকে একপ প্রহার করিবে, যেন শীঘ্রই ইহার জীবনান্ত হয় । যে পাণ্ডিষ্ঠ পবিত্র মুসলমানকুলে জন্ম গ্রহণ করিয়া হিন্দুর ধর্ম্ম অবলম্বন করে, এইরূপে প্রাণান্ত হইলেই তাহার

শ্রীহরিদাস ঠাকুর ।

প্রকৃত প্রাশস্তিত হয় আদেশ প্রাপ্তিমাত্র পাইকগণ হরিদাসকে
যখন পূর্বক বাজারে বাজারে ভ্রমণ করিয়া নির্দয়রূপে বেড়াইতে
কবিত্তে লাগিল

হরিদাস প্রতিজ্ঞা কবিয়াছেন, জীবন ত্যাগ করিবেন, কিন্তু
হরিনাম ত্যাগ করিবেন না । তিনি কেবল “কৃষ্ণ কৃষ্ণ” শব্দ
করিয়া প্রকৃত বীরের ন্যায় সমস্ত নির্যাতন সহ করিতে লাগি-
লেন । পাইকগণের নিষ্ঠুর প্রহারে তাঁহার সর্বদা ক্ষত বিক্ষত
হইয়া তাহা হইতে শোণিত-স্রোত প্রবাহিত হইতে লাগিল ।
কিন্তু তিনি শ্রীহরির নামাঘৃত পানে আনন্দ-সাগরে নিমগ্ন হইয়া
প্রহার-যন্ত্রণা কিছুমাত্র অনুভব করিলেন না ।

পাইকগণ হরিদাসকে বেড়াইতে করিতে ক্রমে ক্রমে
বাইশটি বাজারে বেড়াইতে লাগিল । অবিচারে একজন সাধু
সন্ন্যাসীর প্রাণদণ্ড হইতেছে দেখিয়া হিন্দু মুসলমান সর্বসাধারণে
মহা কোলাহল ও আত্মনাদ করিতে লাগিল, জনসম্মুখে বাজার-
বিপণি পবিত্র হইয়া উঠিল, এবং শত সহস্র কণ্ঠ হইতে হায়
হায় এবং হাহাকার ধ্বনি উত্থিত হইয়া দিগ্বাণ্ডল প্রকম্পিত
করিয়া তুলিল । রাজার পাশে রাজ্য নষ্ট হইল বলিয়া অনেকে
রাজা ও রাজকর্মচারীগণকে অভিসম্পাদ করিতে লাগিল ।
কেহ কেহ এই ভীষণ নিষ্ঠুরতা ও অবিচার দর্শনে ক্ষিপ্তপ্রায়
হইয়া রাজানুচরদিগের সহিত বিবাদ আবর্ত্ত করিল—কেহ কেহ
অশ্রমোচন করিতে কবিত্তে যখন পাইকগণের পায়ে ধরিয়া
বলিতে লাগিল,—দোহাই তোমাদের, এমন হরিভক্ত সাধুকে
বিনাদোষে প্রহার কবিও না ; যাহা চাহ, দিতেছি, হরিদাসকে
ছাড়িয়া দাও । নির্দয় ও নিষ্ঠুর-প্রকৃতি পাইকগণ এই সকল

প্রার্থনা ও আর্তনাদে জ্ঞপ্তও কবিল না, ক্রোধে উন্মত্ত হইয়া
হরিদাসেব তপঃক্লিষ্ট ক্ষীণদেহে বেত মারিতে লাগিল । কিন্তু
করুণাময় ভগবান ভক্তেব হৃৎ দেখিতে পারিবেন কেন ?

“কৃষ্ণের প্রসাদে হবিদাসের শরীরে
অল্প হৃৎ না জন্মায় এতেক প্রহারে ॥
অশ্রু প্রহারে যেন প্রহ্লাদ বিগ্রহে । *
কোন হৃৎ না পাইল সর্বশাস্ত্রে কহে ।
এই মত যবনের অশেষ প্রহারে ।
হৃৎ না জন্মায় হরিদাস ঠাকুরেরে ।”

ভক্তিব্যোমের অলৌকিক শক্তি প্রভাবে হরিদাস নিদারুণ-
রূপে প্রকৃত হইয়াও কিছুমাত্র যন্ত্রণা অনুভব করিলেন না ।
আমুষ্য এই সংসারে জীপুত্রের জন্ত কত কষ্ট যন্ত্রণা অমান বদনে
সহ করে । হরিদাসের নিকট হরিদাস জীপুত্র হইতেও প্রিয়তম,
তিনি সেই হরিদাসের জন্ত প্রাণান্তকর আঘাত ও অপমান সহ
করিতেছেন, ইহা চিন্তা কবিতাই তাঁহার হৃদয়ে আনন্দধাবা
প্রবাহিত হইতে লাগিল । হরিদাস নিজের জন্ত হৃৎ পাইলেন
না বটে, কিন্তু তাঁহার প্রেমময় হৃদয়, সর্বভূতের হিতসাধনে

* বোধ হয় এই কারণে কেহ কেহ প্রহ্লাদের সহিত হবিদাসের তুলনা
করেন । শ্রীচৈতন্য-ভাগবত রচয়িতা উক্ত গ্রন্থের মধ্যখণ্ডে বলিয়াছেন ;—

“কেহ বলে চতুর্দুঃখ যেন হরিদাস
কেহ বলে যেন প্রহ্লাদের পরকাশ ।

শ্রীকবিবাক্য গোষামীও শ্রীচৈতন্যচবিতাসুতের আদিলীলার নবম পরিচ্ছেদে
বলিয়াছেন ;—“প্রহ্লাদ সগান তাঁর গুণের তরঙ্গ

যবন তাড়নে যঁক নহিক জ্ঞান ॥’

সতত ব্যাকুল । অত্যাচারী কাজি প্রভৃতি ও পায়ণ্ড-প্রকৃতি পাইকগণের পাপ স্মরণ করিয়া তিনি চিন্তাকুল হইলেন, এবং করযোড়ে ভগবানের চরণে তাহাদের উদ্ধারার্থ এইরূপে প্রার্থনা কবিত্তে লাগিলেন ;—“হে প্রভো ! তুমি ককণাময়, পাপীর একমাত্র গতি ; ইহারা কি করিতেছে, মোহাক্ষ হইয়া কিছুই বুঝিতেছে না । তুমি নিজগুণে ইহাদের সমস্ত অপরাধ ক্ষমা কর । আমার নিমিত্ত যেন ইহাদের কোন পাপ না হয় ।”

“সবে যে সকল পাপিগণে তাঁরে মারে ।

তার লাগি ছুঃখমাত্র ভাবেন অন্তরে

এ সব জীবেরে প্রভু কবহ প্রসাদ ।

মোর দ্রোহে নহু এ সবার অপরাধ ॥”

হরিদাসের আর কোন ক্লেশ নাই । যাহারা নিরপবাধে তাঁহার প্রতি আনুঘিক অত্যাচার করিতেছে, তাহাদের গতি কি হইবে, এই চিন্তাতেই তিনি বিষন্ন ও বিহ্বল হইয়া তাহাদিগের পরিভ্রাণের জন্ত উপরিউক্ত রূপ প্রার্থনা করিতে লাগিলেন । ধন্য হরিদাস ! ধন্য তোমার পেম । ভগবানের ভক্ত-সম্মানের যুগে যুগে পাপী তাপীর ছুঃখ দুর্গতি স্মরণ করিয়া এইরূপেই ক্রন্দন করিয়াছেন । প্রায় দুই সহস্র বৎসর অতীত হইল, যিহুদীকুল গৌরব যীশুর প্রেমপূর্ণ হৃদয় হইতে তাঁহার হত্যাকারি-পীমরগণের মঙ্গলোদ্দেশে এই প্রকার প্রার্থনা বাক্যই নিঃসৃত হইয়াছিল *

* “Father, forgive them, for they know not what they do.” S. Luke XXIV, 34.

হে পিতা ! তুমি ইহা দিগবে ক্ষমা কর, কেন না ইহারা কি করিতেছে তাহা জানে না ।

পাইকগণ এতই হৃদয়হীন নরাদম যে, ঠাকুর হরিদাসকে তাহাদিগের কল্যাণকামনায় জগদীশ্বর সমীপে ক্রন্দন ও প্রার্থনা করিতে দেখিয়াও তাহারা কিছুমাত্র বিচলিত হইল না ; অপিচ পূর্বাপেক্ষা আরও কঠোরভাবে প্রহার করিতে লাগিল । কিন্তু যখন দেখিল যে এত গুরুতর আঘাতেও হরিদাস যেন কোন বেদনাই অনুভব করিতেছেন না, অধিকন্তু তাঁহাব দেহ কি এক উজ্জ্বল জ্যোতিতে দীপ্তিমান, এবং বদনমণ্ডল মৃদুহাসযুক্ত, প্রফুল্ল ও প্রশান্ত, দৃষ্টি করুণাপূর্ণ ! তখন তাহারা বিস্মিত হইয়া চিন্তা করিতে লাগিল —

“বিস্মিত হইয়া ভাবে সকল যবনে
মনুষ্যের প্রাণ কি রয়েছে এ মাংসে ।
ছই তিন বাজাবে মারিলে লোক মরে
বাইশ বাজারে মারিলাও যে ইহায়ে ।
মবেও না আর দেখি হাসে ক্ষণে ক্ষণে
এ পুরুষ পীর বা সবেই ভাবে মনে ।”

অনন্তর পাইকগণ হরিদাসকে বলিল, ওহে হরিদাস, এত প্রহাবেও যখন তোমার মৃত্যু হইল না, তখন বোধ হয় তুমি মরিবে না কিন্তু তাহা হইলে আমাদের যে সর্বনাশ হয়, তাহার উপায় কি ?

“যবন সকল বলে ওহে হরিদাস ।
তোমা হৈতে আমা সবার হইবেক নাশ
এত প্রহাবেও প্রাণ না যায় তোমার ।
কাজি প্রাণ লইবেক আমা সবাকার ।”

তখন হরিদাস, ঈষৎ হাসিয়া পাইকদিগকে স্নেহে বলিলেন.

“ভাই সকল ! আমি জীবিত থাকিলে যদি তোমাদের অমঙ্গল হয়, তবে এই দেখ আমি এখনই প্রাণ পবিত্যাগ করিতেছি ।” এই কথা বলিয়াই হরিদাস গভীর ধ্যানযোগে মহাসমাদিত নিমগ্ন হইলেন, তাঁহার বাহ্যজ্ঞান বিলুপ্ত ও শ্বাসপ্রশ্বাসক্রিয়া তিরোহিত হইল । ইহা দেখিয়া পাইকগণ মনে করিল, তাঁহার প্রাণবায়ু বহির্গত হইয়াছে * অনন্তর তাহারা হরিদাসের

* প্রবল ইচ্ছাশক্তি ও যোগপ্রভাবে মানুষ শ্বাসপ্রশ্বাস রোধ করিয়া বহু দিন জীবিত থাকিতে পারে, এবং যোগিগণ যোগবলে ভৌতিক জগতের নিয়মাতীত হইয়া অস্বাভাবিক অনেক অদ্ভুত কার্যও সম্পন্ন করিয়া থাকেন, ইহার অনেক প্রমাণ পাওয়া যায় । ভূকৈলাসের প্রসিদ্ধ যোগীর বিষয় এতদ্দেশের অনেকেই অবগত আছেন * পঞ্জাবাধিপতি রণজিৎসিংহ এক জন যোগীকে ৪২ দিন পর্যন্ত স্তম্ভিকার নীচে প্রোথিত করিয়া রাখিয়াছিলেন, তথাপি কথিত যোগীর প্রাণ বিনষ্ট হয় নাই । সূত্ৰা অনুকরণের সত্যতা সম্বন্ধেও কোন কোন পাশ্চাত্য-বিজ্ঞানবিদ পণ্ডিত সাক্ষ্য দিয়াছেন ডাক্তার চেনি সাহেব (Dr. George Cheyne) লিখিয়াছেন, কর্নেল টাউনসেণ্ড সাহেবকে তিনি সূত্ৰ্য অনুকরণ করিতে স্বচক্ষে দেখিয়াছেন । ডাক্তার টানার সাহেব (Dr. J. H. Tanner) উৎপ্রণীত Practice of Medicine নামক গ্রন্থে ডাক্তার চেনি সাহেবের লিখিত বিবরণ উদ্ধৃত করিয়াছেন ডাক্তার টানার সাহেব উক্ত গ্রন্থে এইরূপ আর একটি বৃত্তান্তের উল্লেখ করিয়া বলিয়াছেন ;—

‘The influence of the will over even the involuntary muscles is sometimes extraordinary, as many remarkable cases attest Thus Celsus speaks of a priest who could separate himself from his senses when he chose, and lie like a man void of life and sense. অর্থাৎ “দেহের উপর মনের একাধিপত্য অতি অসাধারণ, এ সম্বন্ধে অতি আশ্চর্য্য আশ্চর্য্য ঘটনায় প্রমাণ প্রাপ্ত । যথ

মৃতকল্প-দেহ বহন করিয়া মুলুকপতির দ্বারদেশে উপস্থিত করিল ।

মুলুকপতি, হরিদাসের মৃতদেহ “গোর” দিবার আদেশ প্রদান করিলেন । কিন্তু অভিযোক্তা গোরাই কাজি ইহাতে আপত্তি করিয়া বলিল,—“এ ব্যক্তি মহৎ কুলে জন্মিয়া অতিশয় নীচকৰ্ম্ম করিয়াছে । পরকালে যাহাতে আরও কঠিন শাস্তি পায়, তাহাই করা কর্তব্য ” “গোব” দিলে ইহার সঙ্গতি হইবে, অতএব ইহাকে গঙ্গার জলে নিক্ষেপ করা হউক, তাহা হইলে পরলোকে অনন্ত নরকযন্ত্রণা ভোগ করিবে ” কাজির কথায় মুলুকপতি কিছুমাত্র প্রতিবাদ করিলেন না । হরিদাসের বিচার-সম্পর্কে তিনি আদ্যোপান্ত বিদ্বেষবিষ-জর্জরিত কাজি সাহেবের অন্তায় আবদারের অনুমোদন করিয়া আসিয়াছেন । সুতরাং তাঁহাকে তুষ্টীস্তাব অবলম্বন করিতে দেখিয়া কাজি, পাইক ও অন্যান্য যবন ভৃত্য দ্বারা হরিদাসকে তৎক্ষণাৎ গঙ্গাসলিলে নিক্ষেপ করিল ।

“কৃষ্ণানন্দ সুধাসিন্ধু মধ্যে হরিদাস
মগ্ন হৈয়াছেন বাহু নাহিক প্রকাশ ।
কিবা অন্তরীক্ষে কিবা পৃথিবী গঙ্গায় ।
না জানেন হরিদাস আছেন কোথায় ”

সেল্‌সাম সাহেব বলিয়া গিয়াছেন, যে একজন পাণ্ডুরি যখনই ইচ্ছা করিতেন তখনই আপমার সংজ্ঞাকে স্মরণ করিয়া আপনি জ্ঞানশূন্য ও প্রাণশূন্য হইয়া পড়িয়া থাকিতে পারিতেন ।’ (বঙ্গদর্শন, ১২৮৯ সাল, ২৭১ পৃষ্ঠা) ইহাতে উক্ত হইল ।

হরিদাস এইরূপে যোগসমাধিতে নিমগ্ন হইয়া ভাগীরথী-
 স্রোতে ভাসিয়া চলিলেন পরে ধ্যানভঙ্গ হইলে বাহুজ্ঞান
 লাভ করিয়া তীরে উত্তীর্ণ হইলেন মুসলমানগণ হরিদাসকে
 দর্শন করিয়া আশ্চর্য্যাবিত হইল । হরিদাস কোন অতিলৌকিক
 শক্তিতে পুনর্বার জীবনলাভ করিয়াছেন মনে করিয়া তাহারা
 হিংসা বিদ্বেষবিস্মৃত হইল, এবং তাঁহাকে “পীর” জ্ঞান করিয়া
 তাঁহার পদতলে পতিত হইয়া নমস্কার করিল হরিদাস পুন-
 জীবিত হইয়াছেন, মুহূর্তের মধ্যে এই কথা চতুর্দিকে প্রচারিত
 হইয়া পড়িল মুলুকপতি লোকপরম্পরায় এই আশ্চর্য্য সংবাদ
 জ্ঞাত হইয়া গাঙ্গাতীরে হরিদাসের সম্মুখে উপস্থিত হইলেন ।
 তাঁহাকে দেখিবামাত্র হরিদাস আনন্দে হাস্য করিয়া উঠিলেন ।
 মুলুকপতি লজ্জা সন্ত্রম ও বিনয়ে বিহ্বল হইয়া কৃতাজ্ঞাবিপুলে
 হরিদাসকে এইরূপ শ্রব করিতে লাগিলেন ;—

“সত্য সত্য জানিলাম তুমি মহা পীর ।

এক জ্ঞান তোমাব সে হইয়াছে স্থির ॥*

যোগী জ্ঞানী সব ষত মুখে মাত্র বলে

তুমি সে পাইলা সিদ্ধি মহা কুতূহলে

তোমাবে দেখিতে মুক্তি আইলু এথারে

সব দোষ মহাশয় ক্ষমিবে আগারে

সকল তোমাব সম শত্রু মিত্র নাই ।

তোমা চিনে হেন জন ত্রিভুবনে নাই ”

* তুমিই প্রকৃত মহাপীর যেহেতু একমাত্র এবং অদ্বিতীয় জগদীশ্বর
 যে সর্ব্বঘটে বিরাজ করিতেছেন, এই উন্নত তত্ত্বজ্ঞান তুমি দৃঢ়রূপে অবলম্বন
 করিয়াছ

মুলুকপতি, হরিদাসকে এই প্রকারে গিনতি করিয়া বলিলেন,
“আপনি গঙ্গাতীরের নির্জন “গোফা”র অথবা লোকালয়ে যেখানে
ইচ্ছা অবস্থিতি করিয়া আপনার যাহা ইচ্ছা তাহাই করুন ।
আজি হইতে আপনি সর্বতোভাবে স্বাধীন হইলেন ।”

হরিদাস, মুলুকপতি ও সমাগত সমস্ত লোককে প্রেমালাপে
পরিভুষ্ট করিয়া বিদায় দিলেন তাঁহার বিশ্বাস ভক্তি ও অপূর্ণ
ক্ষমাণ্ডের পরিচয় পাইয়া সকলে একান্ত পরিভুষ্ট হইয়া সহস্র
কণ্ঠে তাঁহার গুণগরিমা গান করিতে লাগিল অনন্তর হরি-
দাস যবনগণকে কৃপাদৃষ্টি প্রদান করিয়া ফুলিয়া অভিমুখে প্রস্থান
করিলেন ।

শ্রীবৃন্দাবন দাস ঠাকুর, হরিদাসের মহিমাবর্ণনপ্রসঙ্গে উপরি-
উক্ত ঘটনাব উল্লেখ করিয়া বলিয়াছেন,—হরিদাস কেবল জগৎকে
জলন্ত বিশ্বাস ও ঐকান্তিক ভক্তিব মাহাত্ম্য শিক্ষা দিবার জন্যই
যবনদিগের নির্মম উৎপীড়ন সহ করিয়াছিলেন নতুবা ভক্ত-
বৎসল ভগবানের ভক্তসন্তানকে কে নির্যাতন করিতে সমর্থ
হয় ? যথা ;—

“প্রহ্লাদের যে হেন স্মরণ কৃষ্ণভক্তি ।

সেই মত হরিদাস ঠাকুরের শক্তি ।

হরিদাস ঠাকুরের কিছু চিত্র নহে ।

শিববধি গৌরচন্দ্র যাহাব হৃদয়ে ।

বাক্সের বন্ধনে যে হেন হস্তমান ।

ইচ্ছা করি লইলেন ব্রহ্মার শরণ ॥

এই মত হরিদাস যবন প্রহার ।

জগতের শিক্ষা লাগি কবিশ্রী স্বীকার ।

‘অশেষ দুর্গতি হয় যদি যায় প্রাণ ।
 তথাপিও বদনে না ছাড়ি হরিনাম ॥’
 অতথা গোবিন্দ হেন রক্ষক থাকিতে
 কাঁব শক্তি আছে হরিদাসেরে লজ্জিতে ”
 “হরিদাস ঠাকুরের চরণ দেখিলে ।
 উত্তমের কি দায় যবন দেখি ভুলে
 এত ক্রোধে আনিলেক মাঝিবার তরে ।
 পীব জ্ঞান করি যার পায়ে পাছে ধরে ”



ষষ্ঠ অধ্যায় ।

পুনর্ব্বার ফুলিয়া আগমন ।

হরিদাস যবনগণের হস্ত হইতে মুক্তিলাভ করিয়া সানন্দচিত্তে হরিনামের হৃদ্য করিতে করিতে আবার ফুলিয়ায় উপস্থিত হইলেন । ফুলিয়ানিবাসি ব্রাহ্মণ সজ্জনগণ হরিদাসের জীবনাশ্রয় জলাঞ্জলি দিয়াছিলেন ; তিনি যে কুচক্রী কাজিব কবল হইতে উদ্ধারলাভ করিবেন, ইহা আব কেহ মনে করেন নাই পরে তাঁহাকে পুনর্জীবিত হইতে শুনিয়া তাঁহা বা আশ্চর্য হইলেন । এক্ষণে হরিদাসের প্রফুল্লমূর্তি সন্দর্শন করিয়া তাহারা পরমানন্দ-সাগরে নিমগ্নচিত্ত হইলেন, এবং পুনঃ পুনঃ আনন্দসূচক হরি-ধ্বনি করিতে লাগিলেন । হরিদাস সেই হরিধ্বনির সঙ্গে সঙ্গে প্রেমরসে রসায়িত হইয়া অনেকক্ষণ পর্যন্ত উদ্ভগু নৃত্য কবিলেন । তদনন্তর ব্রাহ্মণগণ হরিদাসকে চারিদিকে বেষ্টিত পূর্ব্বক উপবেশন করিলেন ।

হরিদাস বলিলেন,—“বিপ্রগণ । আপনাবা আমার জন্ত কিছুমাত্র হুঃখ করিবেন না আমি এই পাপকর্মে শ্রীভগবানের অনেক নিন্দা শ্রবণ করিয়াছি, তাহারই প্রায়শ্চিত্ত-স্বরূপ এই শান্তিভোগ করিলাম । বিষ্ণুনিন্দা শ্রবণ করিলে কুন্তীপাক * নরকস্থ হইতে হয় কিন্তু করুণাময় শ্রীহরি • কৃপা

* যাহারা বুদ্ধিমোহপ্রযুক্ত নিজদেহ বলিষ্ঠ হইবে মনে করিয়া অপর প্রাণীর প্রাণবিনাশ পূর্ব্বক ভাঙ্গ ভক্ষণ করে, যদুতেবা সেই পাপীদিগকে

করিয়া আঁমাব প্রতি অতি অল্পই দণ্ড বিধান করিয়াছেন, ইহাতে আমি পরম সন্তোষলাভ করিয়াছি আপনাবা আশীর্বাদ করুন, আব যেন প্রভুর নিন্দা কখনও শ্রবণ কবিতেন না হয় ”

হবিদাসেব এ প্রকার বিনয়পূর্ণ বাক্যে সকলেই পরমানন্দিত হইলেন হরিদাস কিছুদিন এই ব্রাহ্মগণের আশ্রয়ে নিরুদ্ভিগ্ধ-চিত্তে বাস করিলেন, এবং পূর্ববৎ হরিনামকীর্তনে সকলকে প্রমত্ত করিয়া তুলিলেন । অনন্তর ফুলিয়া গ্রামের ভক্তগণ তাঁহার অবস্থিতির জন্ত গঙ্গাতীরস্থ নির্জন স্থানে একটি তুলসী বেদিসম্বিত পবিত্র তপশ্রাকুটিব নির্মাণ করিয়া দিলেন । হবিদাস এই কোলাহলশূন্য শান্তবাসিত আশ্রমপদে অবস্থান করিয়া দিবারজনী শ্রীহরির অমৃতময় নামকীর্তনে প্রবৃত্ত হইলেন । তাঁহার পবিত্রমঙ্গ লালসায় প্রতিদিন অনেকে এই আশ্রমে আসিতে লাগিলেন ।

হরিদাসের এই আশ্রমে একটি মহানাগ সর্প বাস করিত । সর্পেব সহিত একত্র বাস করা বিপজ্জনক বলিয়া সকলেই হবিদাসকে এইস্থান পরিত্যাগ করিয়া অন্যত্র বাস কবিতেন বিশেষরূপ অনুরোধ কবিতেন লাগিলেন হবিদাস বলিলেন, আমার জন্য আপনাবা চিন্তা কবিবেন না আমি এতদিন এখানে বাস করিতেছি, কোন ভয় পাই নাই । আপনাবা সর্পভয়ে এখানে অধিকক্ষণ থাকিতে পারেন না, এই যা তুঃখ যাহা

কুস্তীপাক নরকে অতি নিষ্ঠুরভাবে তপ্ত তৈলপূর্ণ পাত্রে ডুবাইয়া থাকে হিন্দু-শাস্ত্রকারেরা, সাধারণ জনমণ্ডলীকে অহিংসাদর্শ শিক্ষা দিবার জন্যই বোধ হয় এই ভীষণ নরকযন্ত্রণাব ভয়প্রদর্শন করিয়াছেন ।

হউক, কালি যদি সর্প আশ্রম ত্যাগ কবিতা না যায়, তবে
আগি নিশ্চয় এই স্থান পরিত্যাগ করিব অ'প'ন'র' এই চিন্তা
দূর কবিতা কেবল হবিগুণানুকীৰ্ত্তন করুন কথিত
আছে, হরিদাস ইহাব পর অপবাহু সময়ে সমাগত লোক-
গণের সঙ্গে কীৰ্ত্তনানন্দে প্রবৃত্ত হইলে, মহা ভয়ঙ্কর প্রকাণ্ড
এক সর্প আশ্রমের তলদেশ হইতে বহির্গত হইয়া
আশ্রম পরিত্যাগ করিয়া চলিয়া গেল। যথা ত্রিচৈতন্য-
ভাগবতে :—

“এইমত কৃষ্ণকথা মঙ্গল কীৰ্ত্তনে
থাকিতে অদ্ভুত অতি হৈল সেই ক্ষণে ।

‘হবিদাস ছাড়িবেন শূন্য বচন
মহানাগ স্থান ছাড়িলেন সেইক্ষণ
গর্ত হৈতে উঠি সর্প সন্ধ্যাব প্রবেশে
সবেই দেখেন চলিলেন অন্য দেশে ’

আর এক দিন একটা অদ্ভুত ঘটনা হইয়াছিল। এই সময়ে
এক জাতীয় লোক সর্ব্বাঙ্গে অহি ভূষা ধারণ পূর্ব্বক মৃদঙ্গ-মন্দিরাব
বাদ্যধ্বনিব সঙ্গে সঙ্গে নৃত্যগীত করিয়া কিছু কিছু উপার্জন
করিত ইহাকে লোকে “ডঙ্কের নৃত্য” বলিত। ইহারা
এক ব্যক্তিকে মধ্যবর্তী করিয়া আর সকলে তাহাকে বেষ্টিত
পূর্ব্বক বাদ্যের তালে তালে নৃত্য ও গান করিত মধ্যবর্তী
ব্যক্তিই প্রধান নর্তক, এবং ইহারই নাম “ডঙ্ক” নৃত্যকালে
“ডঙ্ক”র শরীরে “মহানাগ” অর্থাৎ নাগবাজ অনন্ত আবিভূত
হইয়া নৃত্যগীত করিতেন, ইহাই সাধারণ লোকে বিশ্বাস করিত।
“ডঙ্ক”র নৃত্যগীত কথানার্ত্তী সমস্তই নাগরাজ অনন্তের লীলা,—

এই বিশ্বাস নির্বন্ধন, সেই ব্যক্তিকে দেবারুপ্রাপিত বোধে লোকে
বিলক্ষণ ভয় এবং ভক্তি করিত *

এক দিন কোন ধনাঢ্য ব্যক্তির গৃহে “ডঙ্কে”র নৃত্য
হইতেছিল দৈবগত্যা হরিদাস তথায় উপস্থিত হইলেন, এবং
এক পার্শ্বে দণ্ডায়মান হইয়া “ডঙ্কে”র গান শ্রবণ করিতে লাগি
লেন এই সময় শ্রীকৃষ্ণের কালিয়দমন-সঙ্গীত অতি করুণ
স্বরে গীত হইতেছিল শ্রীকৃষ্ণের এই লীলানুকীৰ্ত্তন শ্রবণ
করিতে কবিত্তে হবিদাস ভাবাবেশে মুচ্ছিত হইয়া পড়িলেন ।
ক্ষণকাল পরে চেতনা লাভ করিয়া আনন্দোচ্ছ্বাসে হৃদয় ও
নৃত্য করিতে লাগিলেন হবিদাসকে নৃত্য করিতে দেখিয়া
“ডঙ্ক” নৃত্যগীত পবিত্যাগ পূর্বক এক পার্শ্বে সবিয়া দাঁড়াইল

তখন হবিদাসের দেহে পুলকাক্র-কম্প প্রভৃতি সাত্ত্বিক-
ভাবের আবির্ভাব হইল, তিনি ভূমিতে লুপ্তিত হইয়া “কৃষ্ণবে !
বাপরে !” বলিয়া অজস্র রোদন করিতে লাগিলেন । হরি-
দাসের মহাভাব দর্শনে সকলে প্রেমানন্দে উৎফুল্ল হইয়া তাঁহাকে
প্রদক্ষিণ পূর্বক হরিসংকীৰ্ত্তন আরম্ভ করিলেন “ডঙ্ক”
করষোড়ে দণ্ডায়মান হইয়া রহিল সমাগত লোকগণ শ্রদ্ধা-

* ‘মনুষ্যশরীরে নাগরাজ মন্ত্র বলে

অধিষ্ঠান হইয়া নাচয়ে কুতুহলে ॥ ইত্যাদি ”

শ্রীচৈতন্য ভাগবত, আদিখণ্ড, ১৪শ অধ্যায় ।

অদ্যাপি পশ্চিম-বঙ্গে কোন কোন স্থানে মালবৈদ্যগণ সর্প লইয়া এইরূপ
নৃত্যগীত ও নানা প্রকার ক্রীড়াকৌতুক প্রদর্শন করিয়া থাকে । চলিত
কথায় ইহাকে “সাঁপান”-উৎসব বলিয়া থাকে ।

ভক্তিতে বিগলিত হইয়া হরিদাসের পদধূলি গ্রহণ করিয়া
সর্ব্বাঙ্গে মাখিতে লাগিল

অতঃপর আব এক রহস্য উপস্থিত হইল । এই স্থানে এক
দুষ্ট ব্রাহ্মণ উপস্থিত ছিল । হরিদাসের প্রতি “ডঙ্কে”র এবং
অপরাপব লোকেব এতাদৃশ ভক্তিশ্রদ্ধা দেখিয়া সে মনে করিল,
—হেঁচৈ করিয়া কীর্ত্তনে নাচিতে পারিলেই নির্বোধ লোকেরা
সামান্য ব্যক্তিকেও মহা ভক্তি করিয়া থাকে আমিও একবার
নাচিয়া দেখি এইরূপ চিন্তা করিয়া এই ব্রাহ্মণ কপটভাবে
যেমন নাচিতে আরম্ভ করিল, অগনি,

“———আছাড় খাইয়া

পড়িলা যে হেন মহা অচেষ্ট হইয়া ॥

যেই মাত্র পড়িলা ডঙ্কের নৃত্য স্থানে

মারিতে লাগিলা ডঙ্ক মহা ক্রোধমনে ।

আশে পাশে ঘাড়ে মুড়ে বেতেব প্রহার

নির্ঘাত মারয়ে ডঙ্ক রক্ষা নাহি আব

বেতের প্রহারে বিজ জর্জর হইয়া

বাপ বাপ বলি ত্রাসে গেল পলাইয়া ”

ব্রাহ্মণের বিড়ম্বনা দেখিয়া সকলে সবিস্ময়ে “ডঙ্ক”কে
জিজ্ঞাসা করিল ;—

“কহ দেখি এ বিপ্রেরে মারিলে বা কেনে

হরিদাস নাচিতে বা যোড়হস্ত কেনে

ভাঙ্গিয়া এসব কথা কহিবে আপনে ।”

“ডঙ্ক” বলিল, হরিদাস পবন ভাগবত ব্যক্তি । এই দাস্তিক

ব্রাহ্মণ তাঁহাকে উপহাস করিয়া কৃত্রিম ভক্তি দেখাইয়া মৃত্যু
আরম্ভ করায় আমি ইহাকে এই শাস্তি দিলাম

“হরিদাস সঙ্গে স্পর্ধা মিথ্যা করিবারে ।

অতএব শাস্তি বহু কবিল উহারে

বড় লোক কবি লোক জাণুক আমারে

আপনারে প্রকটাই ধর্মকর্ম কবে

এসকল দাণ্ডিকের কৃষ্ণে প্রীতি নাই

অটৈতব হইলে সে কৃষ্ণভক্তি পাই ”

“উক্ত” এই কথা বলিয়া হরিদাস ঠাকুরের মহিমা বর্ণনা
করিতে লাগিল “উক্ত” বলিল, ইহঁার হরিদাস নাম সার্থক,
ইনি প্রকৃতই শ্রীহরির দাস । ইনি সর্বভূত-বৎসল ও পরোপ-
কারী ; ভগবান ইহঁার হৃদয়মন্দিরে নিবন্তর বিরাজমান রহি-
য়াছেন স্বপ্নেও ইনি বিপথে পদার্পণ করেন না । হরিদাস
যদিও নীচকূলে জন্মিয়াছেন, কিন্তু জাতি কূলের অভিমান অতি
তুচ্ছ, অতি অসার । ভগবানের ভক্তসন্তান নীচবংশে জন্মগ্রহণ
করিলেও সকলের পূজ্যতম, ইহাই সর্বশাস্ত্রের সিদ্ধান্ত । এই
ধরাধামে জন্মলাভ করিয়া শ্রীকৃষ্ণচরণাশ্রয় না করিলে, মানসজ্ঞম,
বংশমর্যাদা কিছুই মানুষ্যক নরক হইতে উদ্ধার করিতে পারে
না । প্রহ্লাদ দৈত্যকূলে এবং হনুমান হতর-যোনিতে জন্মলাভ
করিয়াছেন, কিন্তু ইহঁারা ভক্তনিরোমণি । জাতিকূল বৃথা,
ভক্তিই সর্বশ্রেষ্ঠ, জগৎকে এই শিক্ষা দিবার জন্যই হরিদাস
ভগবানের আদেশে যবনকূলে জন্মগ্রহণ করিয়াছেন অতএব কথা
কি—ব্রহ্মা-শিব-নারদাদিও হরিদাসের সঙ্গলাভ প্রার্থনা করেন ।

“জাতিকূল সব নিরর্থক বুঝাইতে

জন্মিলেন নীচকূলে প্রভুব স্যাজাতে ।

অধমকুলেতে যদি বিষ্ণুভক্ত হয়
 তথাপি সেই সে পূজা সর্ব্ব শাস্ত্রে কর ।
 উত্তমকুলেতে জন্ম শ্রীকৃষ্ণ না ভজে
 কুলে তাব কি করিবে নরকেতে মজে ।
 এই সব বেদবাক্য সাক্ষী দেখাইতে ।
 জন্মিলেন হরিদাস অধম কুলেতে ॥
 প্রহ্লাদ যে হেন দৈত্য কপি হনুমান
 এই মত হবিদাস নীচজাতি নাম
 • হবিদাস স্পর্শ বাঞ্ছা করে দেবগণ
 গঙ্গাও বাঞ্ছেন হরিদাসের মার্জন
 স্পর্শেব কি দায় দেখিলেই হবিদাস
 ছিণ্ডে সর্ব্বজীবের অনাদি কন্মপাশ
 হরিদাস আশ্রয় করিবে যেই জন ।
 তারে দেখিলেও থণ্ডে সংসার বন্ধন ।
 শতবর্ষে শত মুখে উহান মহিমা ।
 কহিলেও নহি পবি করিবরে সীম
 ভাগ্যবন্ত তোমবা সে তোমা সবাই হৈছে ৩ ।
 উহার মহিমা কিছু আইল মুখেতে
 সত্ত্ব ৩ যে বলিবেক হরিদাস নাম
 ৭সত্য সত্য সেই ঘাইবেক কৃষ্ণধাম ”

“উল্ল”মুখে বিকুভক্ত নাগবাজ কত্ৰক* হরিদাসের গুণ কীর্তন
 শ্রবণ করিয়া সাধুগজ্জনগণ পবন পবিভুষ্ট হইলেন, এবং পূৰ্ব্বা-
 পেক্ষা হরিদাসের প্রতি তাঁহাদেব প্রীতি-ভক্তি সমধিক বর্দ্ধিত
 হইল



* “তবে সেই উল্লমুখে বিকুভক্ত নাগ ।

কহিতে লাগিল হরিদাসের প্রভাব ॥’

শ্রীচৈতন্যভাগবত, আদি খণ্ড, ১৪শ অধ্যায় ।

সপ্তম অধ্যায় ।

নাম-মাহাত্ম্য ব্যাখ্যা ও নবদ্বীপ আগমন ।

অতঃপর হরিদাস ফুলিয়াগ্রামে গঙ্গাতীরস্থ সাধনাশ্রমে বাস করিতে লাগিলেন । কখন কখন শান্তিপুরে অদ্বৈত আচার্য্যের গৃহেও স্থিতি করিয়া উভয়ে কৃষ্ণকথা-প্রসঙ্গে পরস্পরানন্দে সময় যাপন করিতেন । ইতঃপূর্বে উক্ত হইয়াছে, দেশেব ধর্মহীন ছর্দশা দর্শনে ছঃখিত হইয়া, ভগবানের অবতরণের জন্ত আচার্য্য ও হরিদাস শ্রীহবিব আবাধনা করিতেন । বৈষ্ণবগণ বিশ্বাস করেন, ইহাদিগেব ব্যাকুল প্রার্থনাতেই শ্রীভগবান শ্রীগোবিন্দ-রূপে অবতীর্ণ হইলেন, এবং আচালাে হবিভক্তি বিতরণ করিয়া বঙ্গদেশেব বহুদিনেব সঞ্চিত পাপতাপ, ঘৃণাবিদ্বেষ, অবিশ্বাস, অসম্ভাব দূরীভূত করিয়াছিলেন । শ্রীকবিবাজ গোস্বামী লিখিয়াছেন, ১৪০৭ শকের ফাল্গুনী পূর্ণিমার সন্ধ্যাকালে গ্রহণযোগ্যে শ্রীচৈতন্য যখন নবদ্বীপধামে আবির্ভূত হ'ল তখন অদ্বৈত আচার্য্য ও হরিদাসের মনে বিশেষ ক্ষুণ্ণি ও আনন্দোচ্ছ্বাস উপস্থিত হইয়াছিল । তাঁহারা যেন কোন অলৌকিক শক্তিতে এই ঘটনা জ্ঞাত হইয়া শান্তিপুরে আনন্দেৎসব করিয়াছিলেন । যথাঃ—

“নদীয়া উদয়গিরি,

পূর্ণচন্দ্র গৌরহরি,”

কৃপা করি হইল উদয়

পাপতমো হৈল নাশ,

ত্রিভুগতের উল্লাস,

জগতরি হরিধ্বনি হয়

সেই কালে নিজালয়, উঠিয়া অদ্বৈত রায়,
নৃত্য করে আনন্দিত মনে ।

হরিদাসে লঞা সঙ্গে, হুঙ্কার কীর্ত্তন রঙ্গে,
কেনে নাচে কেহ নাহি জানে এবং
দেখি উপরাগ হাসি, শীঘ্র গঙ্গাঘাটে আসি,
আনন্দে করিল গঙ্গা স্নান ।

পাঞা উপরাগ ছলে, আপনার মনোবলে,
ব্রাহ্মণেবে দিল নানা দান

জগত আনন্দময়, দেখি মনে সবিস্ময়,
ঠারেঠোর কহে হরিদাস ।

তোমার ঐছন রঙ্গ, মোর মন পরসন্ন,
দেখি কিছু কার্য্যে আছে ভাস ॥”

শ্রীচৈতন্যচরিতামৃত, আদিলীলা, ১৩শ পরিচ্ছেদ ।

শ্রীগৌরাঙ্গের আবির্ভাবের পর, ১৪৩০ শক পর্য্যন্ত দেশের
আধ্যাত্মিক ছববস্থা সমান ভাবেই ছিল । হরিদাস যবনদিগের
কবল হইতে মুক্তি লাভ কবাব পর প্রায়শঃ ফুলিয়া ও শান্তিপুরে
অবস্থান করিতেন এই সময়ের অবস্থা শ্রীবৃন্দাবন দাস এইরূপে
বর্ণনা করিয়াছেন ;—

“সর্বদিকে বিষ্ণুভক্তি শূন্য সর্বজন
উদ্দেশ না জানে কেহ কেন সংকীৰ্ত্তন
কোথায় নাহিক বিষ্ণু ভক্তির প্রকাশ ।
বৈষ্ণবেরে সবেই করয়ে পরিহাস
আপনা আপনি সব সাধুগণ মেলি ।
গায়ন শ্রীকৃষ্ণ নাম দিয়া কবতাবি

তাহাতেও ছুটগণ মহা ক্রোধ করে
 পাষণ্ডী পাষণ্ডী মেলি ব্যঙ্গিয়াই মবে
 এ বামুণগুলা রাজ্য করিবেক নাশ
 ইহা সবাই হৈতে হবে দুর্ভিক্ষ প্রকাশ ॥
 এ বামুণগুলা সব মাগিয়া খাইতে
 ভাবক কীর্তন করি নানা ছলা পাতে ।
 গোসাঞির শয়ন বরিষা চারি মাস ।
 ইহাতে কি জুয়ায় ডাকিতে বড় ডাক ।
 নিদ্রা ভঙ্গ হইলে ক্রুদ্ধ হইবে গোসাঞি ।
 দুর্ভিক্ষ করিব দেশে ইথে দ্বিধা নাই ॥
 কেহ বলে যদি ধাতু কিছু মূল্য চড়ে ।
 তবে এ গুলারে ধরি কিলাইমু ঘাড়ে
 কেহ বলে একাদশী নিশি জাগরণ
 কবিব গোবিন্দ নাম করি উচ্চারণ ।
 প্রতি দিন উচ্চারণ করিয়া কি কাজ
 এইরূপে বলে যত মধ্যস্থ সমাজ
 ছুঃখ পায় শুনিয়া সকল ভক্তগণ
 তথাপি না ছাড়ে কেহ হরি সংকীৰ্তন ।”

ভক্তিয়োগে লোকের ঈদৃশ উপেক্ষা অনাদর দেখিয়া হরিদাস
 অতিশয় দুঃখিত হইতেন, কিন্তু উচ্চৈঃস্বরে হবিনীম ঘোষণায়
 বিরত হইতেন না। পাষণ্ডগণ ইহাতে আরও ক্রুদ্ধ হইয়া
 তর্জন গর্জন করিত। হরিদাস একদিন “হরিনদী” নামক
 পল্লিতে গমন করিয়া দেখিলেন, তথাকার পণ্ডিতগণ শাস্ত্রীয়
 বাদানুবাদ প্রসঙ্গে সান্নিধ্য অনুভব করিতেছেন। হরিদাসকে

দেখিয়া তত্রত্য এক উদ্ধত-প্রকৃতি ব্রাহ্মণ সক্রোধে বলিতে লাগিল ;—

“ওহে হবিদাস একি ব্যভার তোমার
ডাকিয়া যে নাম লহ কি হেতু ইহার
মনে মনে জপিবা এই সে ধর্ম্য হয় ।
ডাকিয়া লইতে নাম কোন্ শাস্ত্রে কয় ।
কাব শিক্ষা হরি নাম ডাকিয়া লইতে ।
এই ত পণ্ডিত সভা বলহ ইহাতে ”

হবিদাস বিনীতবচনে বলিলেন, “ঠাকুর ! আপনারা ব্রাহ্মণ, আপনারাই হরি নামতত্ত্ব ভালরূপে জানেন আপনাদের মুখে শুনিয়াই আমি যাহা কিছু জানিয়াছি, আমি আপনাকে কি বলিব দেখুন, উচ্চ রবে নাম কীর্তনে শতগুণ পুণ্য হয় ; শাস্ত্রে ইহার গুণ ব্যতীত দোষ তো দেখা যায় না । ব্রাহ্মণ বলিল ;—

“——উচ্চ নাম কবিলে উচ্চার
শত গুণ ফল হয় কি হেতু ইহার ”

শ্রীভগবানের নামমাহাত্ম্য-প্রসঙ্গ উত্থাপিত হওয়ায় হরিদাসের হৃদয় পুলকে পবিপূর্ণ হইল । তিনি আনন্দে বিহ্বল হইয়া নাম-মহিমা ব্যাখ্যা করিতে লাগিলেন হরিদাস কখন শাস্ত্র অধ্যয়ন করিয়াছিলেন কি না, ইতিহাসে তাহা লিখিত নাই । বোধ হয় ভক্তগণের সহবাসে শুনিয়া শুনিয়া অনেক শাস্ত্রীয়-সিদ্ধান্ত তিনি শিক্ষা করিয়াছিলেন যাহা হউক, ভাগবতাদি শাস্ত্রের প্রমাণ উদ্ধার কবিয়া হরিদাস ব্রাহ্মণকে বলিলেন, মহাশয় ! হরি নামের মহিমা প্রবণ করুন ।। শ্রুতপক্ষী,

কীট-পতঙ্গাদি ইতর প্রাণিসকল হরিনাম উচ্চারণ করিতে পারে না, ইহারা একবার মাত্র শ্রবণ করিলেই বৈকুণ্ঠধামে গমন করে । যিনি হরিনাম জপ করেন, তিনি আপনি উদ্ধার হ'ন ; কিন্তু উচ্চস্বরে সংকীৰ্ত্তন করিলে অশ্রুও উপকার হয় । অতএব উচ্চ সংকীৰ্ত্তনে শত গুণ ফল হয়, ইহা শাস্ত্রের সিকান্ত । জিহ্বা পাইয়াও যে সকল নরনারী এবং অপরাধী জীব জন্তু হরিনাম উচ্চারণ করিতে পারে না, তাহাদের জন্য বৃথা । যাহাতে তাহাদের নিস্তার হয়, সে কার্য্য ভাল কি মন্দ আপনিই বিবেচনা করুন । দেখুন, যিনি কেবল আপনাকে পোষণ করেন, আর যিনি সহস্র ব্যক্তির পোষণ করেন, ইহাদের মধ্যে শ্রেষ্ঠ কে—তাহা সহজেই বুঝিতে পারা যায় ।

“সৰ্ব্বশাস্ত্র ক্ষুরে হরিদাসের শ্রীমুখে ।
লাগিলা কবিত্তে ব্যাখ্যা কৃষ্ণানন্দ সুখে ।
শুন বিপ্র সক্রত শুনিলে কৃষ্ণ নাম
পশু পক্ষী কীট যায় শ্রীবৈকুণ্ঠধাম ॥
পশু পক্ষী কীট আদি বলিতে না পাবে ।
শুনিলেই হরিনাম তারা সব তরে ।”
“জপকর্তা হৈতে উচ্চ সংকীৰ্ত্তনকাবী
শতগুণাধিক ফল পুরাণেতে ধরি ॥”

শ্রীনারদীয়ে প্রহ্লাদ বাক্য—

“জপতো হরিনামানি শ্রবণে শতগুণাধিকঃ ।
আত্মানঞ্চ পুনীতুচ্চৈষ পন্থ শ্রোতৃন্ পুন্যতি চ ॥”

শুন বিপ্র মন দিয়া ইহার কারণ ।
 জপি আপনাবে সবে করয়ে পোষণ
 উচ্চ করি করিলে গোবিন্দ সংকীৰ্ত্তন
 জন্তু মাত্র শুনিয়া পায় বিমোচন ।
 জিহ্বা পাইয়াও নর সৰ্ব্ব প্রাণী ।
 না পারে বলিতে কৃষ্ণ নাম হেন ধ্বনি ।
 ব্যর্থ জন্ম তাহারা নিস্তরে যাহা হৈতে ।
 বল দেখি কোন্ দোষ সে কৰ্ম্ম কবিত্তে ॥
 কেহ আপনারে মাত্র করয়ে পোষণ
 কেহ বা পোষণ করে সহস্রেক জন
 দুইতে কে বড় ভাবি বুঝহ আপনে
 এই অভিপ্রায়ে গুণ উচ্চ সংকীৰ্ত্তনে ॥

হবিদাসেব এই সকল কথা শ্রবণ করিয়া ব্রাহ্মণ আরও কুপিত
 হইল, এবং এইরূপে দুর্ভীক্য বলিতে লাগিল, "হবিদাস দেখি-
 তেছি দর্শনকর্তা হইল । শাস্ত্রে আছে, কালে বেদপথ নষ্ট হইবে,
 কলিযুগের শেষে শূদ্রে বেদব্যাখ্যা করিবে যুগের শেষে আর
 কেন—এখনই যে একথা সত্য হইয়া উঠিল, যবনেও শাস্ত্রকর্তা
 হইল রে হবিদাস ! এইরূপে তুই ধার্মিক সাজিয়া কেবল
 ঘরে ঘরে ভাল দ্রব্য খাইয়া বেড়াস্ তুই যে ব্যাখ্যা কবিলি,
 ইহা যদি সত্য না হয়, তবে এখনই তোর নাক কাণ কাটিয়া দব !"

হরিদাস এই দুষ্ট-প্রকৃতি ব্রাহ্মণের কটুবাক্যে কিছুমাত্র রাগ
 করিলেন না, প্রত্যুত্তরও করিলেন না, কেবল "হরি হরি" উচ্চারণ
 করিয়া ঈষৎ হাস্য করিলেন পরে উচ্চকণ্ঠে নামকীৰ্ত্তন গান
 করিতে করিতে তথা হইতে প্রস্থান করিলেন ।

কথিত আছে, ইহার কিছুদিন পবে বসন্তবোগে এই ব্রাহ্মণের নাসিকা খসিয়া গিয়াছিল এই ব্যক্তি যখন হরিদাসের অবমাননা করে, সেই সময়ে তথায় সভাসদরূপে যে ব্যক্তি উপস্থিত ছিল, সেও হরিদাসকে অবজ্ঞা করিয়া এই ব্রাহ্মণকে কিছুমাত্র তিরস্কাব করে নাই ; এজন্য চরিতাখ্যায়ক আক্ষেপ করিয়া বলিয়াছেন,—

“যেবা পাণী সভাসদ সেহ পাপমতি
উচিত উত্তর কিছু না কবিল ইতি ॥
এ সকল ব্রাহ্মস ব্রাহ্মণ নাম গাত্র
এই সব লোক যম যাতনাব পাত্র
কলিযুগে সকল ব্রাহ্মস বিপ্র ঘবে
অগ্নিবৈক শূজনের হিংসা করিবারে
এ সব বিপ্রের স্পর্শ কথা নমস্কার ।
ধর্মশাস্ত্র সর্বথা নিষেধ করিবার
ব্রাহ্মণ হইয়া যদি অবৈষ্ণব হয়
তবে তার আলাপেও পুণ্য যায় ক্ষয় ”

ইহার পর হরিদাস, বৈষ্ণব দর্শন কবিত্তে ইচ্ছা করিয়া নবদ্বীপ আগমন কবিলেন এই সময়ে মুরারিগুপ্ত, শ্রীধাস আচার্য্য, গদাধর পণ্ডিত প্রভৃতি বৈষ্ণবমতাবলম্বী কএক জন মহাত্মা নবদ্বীপে বাস কাবতেন অদ্বৈত আচার্য্যও মধ্যে মধ্যে তথায় উপস্থিত থাকিয়া হরিনাম-কীর্ত্তন ও ভক্তিশাস্ত্রালোচনা করিতেন । শ্রীচৈতন্যদেব এ সময়ে বিদ্যারসে বিহ্বল হইয়া অধ্যাপনা ও গার্হস্থ্যধর্ম পালনে নিযুক্ত । যে মহৎ উদ্দেশ্য সিদ্ধ করিবার জন্য তিনি জন্মগ্রহণ করিয়াছেন, এখনও কেহ তাহার

শ্রীহরিদাস ঠাকুর ।

হুসিগও জাগিতে পারেন নাই । শ্রীকৃষ্ণাবন দাস
তেছেন ১—

‘হেন মতে বৈকুণ্ঠ নব্বীক নব্বীপে
গৃহস্থ হইয়া পড়ায়েন বিজ্ঞাপে ॥
প্রেম ভক্তি প্রকাশ নিমিত্ত অবতার ।
তাহা কিছু না করেন ইচ্ছা তাঁহার ॥’

লোক সকল পরমার্থ-পরিশূন্য হইয়া কেবল তুচ্ছ বিষয়ানন্দে
নিমগ্ন । দুই একজন যাহা গীতা ভাগবতাদির আলোচনা করি-
তেন, তাঁহারাও ভগবানের শ্রীনাম সংকীৰ্ত্তন করিতেন না ; অপিচ,
জ্ঞানভিমাণে গর্বিত হইয়া নিবীহ ভক্তগণকে উপহাস বিজ্ঞাপে
উৎপীড়িত করিবার অবসর আশ্রয় করিতেন । বৈদান্তিক
পণ্ডিতগণ *—“সৌহং” ও “অহং ব্রহ্মস্মি” অর্থাৎ “আমিই ব্রহ্ম”
এইরূপ যাহাদের মতের মূলভিত্তি, তাঁহারা বলিতেন,—জীব ও ব্রহ্ম
এক, তবে আর ইহারা “দাস” “প্রভু” ইত্যাকার ভেদজ্ঞানে

* কেহ কেহ মনে করেন, তৎকালে নব্বীপে দর্শনশাস্ত্রের মধ্যে কেবল
ন্যায়দর্শনই ভূরি পরিমাণে আলুশীলিত হইত, বেদান্তের আলোচনা ছিল না ;
ইহা সমীচীন নহে । মহর্ষি বাদরায়ণকৃত বেদান্ততত্ত্বের মহাত্মা শঙ্করাচার্য্য-প্রণীত
শারীরকভাষ্য প্রচলিত হওয়ার পর ভারতের সর্বত্র পণ্ডিতসমাজে বেদান্ত-
বিজ্ঞানের মূলমন্ত্র—বিশেষতঃ শঙ্কর কর্তৃক ব্যাখ্যাত মায়াবাদ ও অদ্বৈতবাদ
বিশিষ্টরূপে প্রচলিত হইয়াছিল । নব্বীপে অন্যান্য শাস্ত্রের ন্যায় বেদান্তদর্শনের
অধ্যয়ন অধ্যাপনাও প্রচলিত ছিল । “আমি ব্রহ্ম আমিহেই যমে নিরঞ্জন ।
দাস প্রভু ভেদ বা করয়ে কি কারণ ॥” শ্রীচৈতন্য-ভাগবতে পণ্ডিতসিঙ্গের এই
চুক্তিতেই একথা প্রমাণিত হইতেছে ।

কাহার উপাসনা করে ? ভক্তগণকে মিষ্টবাক্যে সন্তুষ্ট করেন,
এমন একজনও ছিলেন না ; বরং তাঁহারা কখন কখন একত্র
হইয়া নৃত্য-কীর্তন করিতেন দেখিয়া অনেক অবজ্ঞা ও ঘৃণা
প্রকাশ করিয়া বলিত ;—

“ইহারা কি কার্য্যে ডাক ছাড়ে উচ্চৈঃস্বরে ॥”

“সংসারী সকল বলে মাগিয়া খাইতে
ডাকিয়া বলেন হরি লোক জানাইতে ॥
এ শুলার ঘর দ্বার ফেলাই ডাকিয়া ।
এই যুক্তি করে সব নদীয়া মিলিয়া ।”

এই সকল বিদ্রূপ-বচন শ্রবণান্তে দেশের দুর্গতি চিন্তা করিয়া
একদিন ভক্তগণ নিরতিশয় ক্ষুণ্ণ মনে “হা ভগবান !” বলিয়া
দীর্ঘনিঃশ্বাস পরিত্যাগ করিতেছেন, এমন সময়ে হরিনাম-রসমগ্ন
হরিদাস হরিধ্বনিব ছঙ্কার করিতে করিতে তথায় সমুপস্থিত
হইলেন । হরিদাসকে পাইয়া ভক্তগণেব আনন্দেব আর পরি-
সীমা থাকিল না । আচার্য্য প্রভুও এই সময় নবদ্বীপে ছিলেন ।
তিনি সকলের সঙ্গে হবিদাসের পরিচয় করিয়া দিলেন হরিদাস
ভক্তিভরে সকলের চরণবন্দনা কবিলেন অনন্তর ভক্তমণ্ডলী
পরস্পর ইষ্টগৌষ্ঠীতে পরমানন্দ লাভ করিলেন, এবং সমুৎখী
হরিদাসকে পাইয়া আপনাদেব হৃৎথের কথা পরস্পরকে বলিয়া
পাষাণিগণের বাক্য জালা বিশ্বৃত হইলেন

“এখা ভক্তগণ মহাহুঃখিত হইয়া ”

করেন আক্ষেপ ভক্ত সঙ্গ না পাইয়া ।

‘হা কৃষ্ণ’ ‘হা কৃষ্ণ’ বলি ছাড়ে দীর্ঘশ্বাস ।

হন কাহল আইলা ঠাকুর হরিদাস

হরিদাস ঠাকুরেব অদ্ভুত চরিত

কহিব কতেক তাহা সর্বত্র বিদিত ॥”

ভক্তি রত্নাকর—দ্বাদশ তরঙ্গ

হরিদাস এখানে কিছু দিন বাস করিয়া ভক্তগণের নিকটে
গীতা ভাগবত শ্রবণ করেন পরে শান্তিপুর ও ফুলিয়ান্ন
আপনাব আশ্রমে প্রত্যাগমন করিলেন ।



অষ্টম অধ্যায় ।

সপ্তগ্রামে হরিনাম-মাহাত্ম্য ব্যাখ্যা ।

অনন্তর হরিদাস স্মৃতিসিদ্ধ সপ্তগ্রামের অন্তর্গত চান্দপুর গ্রামে আগমন করিয়া বলরাম আচার্য্যের গৃহে উপস্থিত হইলেন বলরাম আচার্য্য সপ্তগ্রামেব সুবিখ্যাত ধনী ও ধর্ম-পরায়ণ জমিদার হিবণ্য ও গোবর্দ্ধন মজুমদারের কুলপুত্রোদিত ছিলেন ইনি অতি সদাশয় ও ভক্তিমান ব্যক্তি ছিলেন ; নিজে শাস্ত্রব্যবসায়ী ব্রাহ্মণপণ্ডিত হইয়াও যবনকুলোদ্ভব হরিদাসকে নিজগৃহে আশ্রয় দিতে সঙ্কুচিত হয়েন নাই হরিদাস ইহার আশ্রয়ে একটি নির্জন পর্ণকুটির বাস করিয়া নিরন্তর নামকীর্ত্তনে নিমগ্ন থাকিতেন গোবর্দ্ধন মজুমদারের অল্প বয়স্ক পুত্র রঘুনাথ এই সময়ে বলরাম আচার্য্যের গৃহে অধ্যয়নার্থ আসিয়া হরিদাসকে দর্শন করিতেন হরিদাসের মুখে হরিনাম-মাহাত্ম্য শ্রবণ ও তাঁহার কৃপালাভ করিয়াই রঘুনাথ বৈরাগ্য ও হবিভক্তি লাভ করেন, এবং পবে ত্রীগোরের চরণাশ্রয় করিয়া কৃতার্থ হ'ন । গোড়ীয় বৈষ্ণবসম্প্রদায়ে ইনি দাসগোশ্বামী নামে প্রসিদ্ধ হইয়াছিলেন *

* মৎপ্রণীত "শ্রীমৎ রঘুনাথ দাস গোশ্বামীর জীবনচরিত" দ্রষ্টব্য । সম্ভবতঃ রঘুনাথ এই সময় ৮ ৯ বৎসরের বালক ১৪২০ শকে রঘুনাথ জন্মগ্রহণ করেন, হুতরাং ১৪২৮/২৯ শকাব্দে হরিদাস চান্দপুরে আগমন করিয়াছিলেন বলা যাইতে পারে ।

শ্রীচৈতন্যচরিতামৃতের অন্ত্যলীলার তৃতীয় পরিচ্ছেদে হরিদাসের চান্দপুর

হরিদাসঠাকুর এখানে আচার্য্যগৃহে নির্জনকুটীরে কিছু দিন বাস করেন । একদিন বলরাম আচার্য্য অনেক মিনতি করিয়া হরিদাসকে জমিদার হিরণ্য মজুমদারের সভায় লইয়া গেলেন । হিরণ্য ও গোবর্দ্ধন দুই ভ্রাতা হরিদাসকে দর্শন করিবামাত্র গাত্রোত্থান করিয়া তাঁহার অভ্যর্থনা করিলেন । সভাস্থ শাস্ত্রজ্ঞ ব্রাহ্মণ ও সাধুসম্প্রদায়েরা হরিদাসের মৌম্যমূর্ত্তিদর্শনে ও স্মৃতিষ্ট আলাপে মুগ্ধ হইয়া সকলে একবাক্যে তাঁহার প্রশংসা করিতে লাগিলেন ।

হরিদাস প্রতিদিন তিন লক্ষ হরিনাম কবেন শুনিয়া শাস্ত্রজ্ঞ পণ্ডিতগণ হরিনাম গাহাওয়ায় প্রসঙ্গ উত্থাপন করিলেন । কোন পণ্ডিত বলিলেন, হরিনামে পাপক্ষয় হয় ; কেহ বলিলেন, নীম করিলে জীবের মোক্ষলাভ হয় । শেষে হরিদাস বলিলেন, এ দুইয়ের কোনটিই হরিনামের ফল নহে । ভক্তিসহকারে হরিনাম সাধনে

আগমন ও তথা হইতে শান্তিপু্রে প্রত্যাগমনের বিবরণ বিবৃত আছে । উক্ত গ্রন্থে হরিদাসের পরিভ্রমণের কোন ক্রম স্পষ্টরূপে লিখিত নাই । বর্ণনার পূর্বাগর সামঞ্জস্য করিয়া না দেখিলে নানা প্রকার ভ্রমপ্রমাদ ঘটিবার সম্ভাবনা । এইজন্য “ভক্তির জয়”-লেখক অনবধানতা বশতঃ লিখিয়াছেন যে, হরিদাস বেণাপোল হইতে চান্দপুরে আইসেন এবং তথা হইতে শান্তিপু্রে গমন করিয়া অদ্বৈত আচার্য্যসহ পরিচিত হইয়াছিলেন । আচার্য্যসহ হরিদাসের পরিচয় শ্রীচৈতন্যাবির্ভাবকাল ও বহু পূর্বে । অগিষ্ট, ১৪০৭ শকে শ্রীচৈতন্যের জন্মের সময় হরিদাস, শান্তিপু্রে অদ্বৈতসহ উৎসব করিয়াছিলেন ইহা শ্রীচরিতামৃতের প্রমাণ সহ ইতঃপূর্বে যথাস্থানে উল্লিখিত হইয়াছে । বেণাপোল হইতে হরিদাস চান্দপুর আইসেন নাই—বেণাপোলের তপস্বীশ্রম পরিত্যাগের অন্ততঃ ৩৮ বৎসর পরে ১৪২৮/২৯ শকে শান্তিপু্রে হইতেই চান্দপুর আসিয়াছিলেন ।

১ শ্রীকৃষ্ণপদারবিন্দে জীবের যে নির্মল প্রেমামুরাগ উৎপন্ন হয়, তাহাই নামের প্রকৃত ফল পাপক্ষয় অথবা মুক্তি নামসাধনের আনুযায়িক ফলগাএ দৃষ্টান্তস্বরূপ মহানুভব শ্রীধরস্বামীর এই শ্লোকটির অর্থ গ্রহণ করুন,—

“অংহঃ সংহরদখিলং সঙ্কল্পদয়াদেব সকল লোকস্ত ।

তবণিরিব তিমিরজলধে জয়তি জগন্মঙ্গলহরেন্নাম ”*

সকলে হরিদাসকেই এই শ্লোক ব্যাখ্যা কবিত্তে অনুরোধ করিলেন । তখন হরিদাস বলিলেন, দেখুন,—সূর্যোদয়ের অব্যবহিত পূর্বে যেমন অন্ধকারের বিনাশ হয়, এবং দক্ষ্য, চোব ও নিশাচর বাস্কস প্রভৃতির আর ভয় থাকে না; পক্ষান্তরে সূর্য্য উদয় হইলে জগৎ প্রকাশিত হয় ও সকলেই গৃহধর্ম্মে প্রবৃত্ত হইয়া থাকে; সেইরূপ জগন্মঙ্গল শ্রীহরির নামকীর্তনের প্রারম্ভেই অজ্ঞানতা ও পাপাকার বিনষ্ট হয়, এবং ক্রমশঃ নামে অনুরাগ জন্মিলে শ্রীহরির পাদপদ্মে প্রেমোদয় হইয়া থাকে মুক্তি অতি তুচ্ছ বস্তু, নামান্তাসেই তাহা লাভ হয় । দেখুন, অজামিল মৃত্যুকালে অবশচিত্তে স্বীয় পুত্রের নামে ভগবানের নাম উচ্চারণ করিয়া বৈকুণ্ঠধাম প্রাপ্ত হইয়াছিল † কিন্তু সালোক্য-

* জগন্মঙ্গল শ্রীহরির নাম জয়যুক্ত হউক অজ্ঞানাকার-জলধির তরঙ্গীর ন্যায় উহা একবার মাত্র উদ্ভিত হইলে সকল লোকের অখিল ঋণরাশি দূরীভূত হইয়া থাকে ।

† “স্মিয়মাণো হরেন্নাম গুণন্ পূজোপচারতং

অজামিলোপ্যগাঙ্গাম কিমুত প্রকরা গুণন্ ॥’

শ্রীমদ্ভাগবত ষষ্ঠ স্কন্ধ, ২য় অধ্যায় ।

সাযুজ্যাদি * পাঁচপ্রকার মুক্তি ভগবান ভক্তগণকে দিতে
চাহিলেও তাঁহারা শ্রীহরির সেবাগর বিগুহ্ব প্রেম ব্যতীত আর
কিছুই প্রার্থনা করেন না।

“তিন লক্ষ নাম ঠাকুর কবেন কীর্তন।
নামের মহিমা উঠাইল পণ্ডিতেরগণ ॥
কেহ বলে নাম হৈতে হয় পাপক্ষয়
কেহ বলে নাম হৈতে জীবের মোক্ষ হয় ॥
হরিদাস কহে নামের এ ছই ফল নহে
নামের ফলে কৃষ্ণপদে প্রেম উপজয়ে
অানুঘটিক ফল নামের মুক্তি পাপ নাশ।
তাহাব দৃষ্টান্ত যৈছে সূর্য্যের প্রকাশ ॥”
“হরিদাস কহে যৈছে সূর্য্যের উদয়
উদয় না হৈতে আরন্ত তমের হয় ক্ষয় ॥
চোর প্রেত রাক্ষসাদি ব ভয় হয় নাশ।
উদয় হৈলে ধর্ম কর্ম মঙ্গল প্রকাশ
ঐছে নামোদয়ারন্তে পাপ আদি ক্ষয়
উদয় হৈলে কৃষ্ণপদে হয় প্রেমোদয়
মুক্তি তুচ্ছ ফল হয় নামাভাস হৈতে
যে মুক্তি ভক্ত না লয় কৃষ্ণ চাহে দিতে ”

•

শ্রীচৈতন্যচরিতামৃত, অন্ত্যলীলা ।

হরিদাসের মুখে এইরূপ নামমহিমা শ্রবণ করিয়া সন্তানদগণ

“সালোকা সান্ধি সাক্ষা সানীপ্যৈকত্বমপ্নাত

দীপ্যমানং ন গুহুস্তি বিনা মৎসেবনং জনাঃ ॥” শ্রীমদ্ভাগবত ৩য় স্কন্ধ ।

পুলকিত হইলেন কেবল গোপালচক্রবর্তী নামক একজন ব্রাহ্মণ যৌবনশ্রুত চপলতাবশতঃ হবিদাসকে বিদ্রূপ করিতে লাগিল। এব্যক্তি লেখাপড়ায় সুপণ্ডিত ছিল, এবং মজুমদার-দিগের সংসাবে আরিন্দাগিরি কবিত ; প্রতিবৎসর বারলক্ষ টাকা সদর খাজানা গৌড়ের নবাবকে প্রদান কর। ইহার কার্য ছিল উদ্ধত যুবক, নামাভাসে মুক্তিলাভ হয় শ্রবণ করিয়া এবং সভাস্থ পণ্ডিতগণকে হরিদাসের অনুবর্তী হইতে দেখিয়া ক্রোধভরে বলিল, পণ্ডিতগণ ! এই ভাবুক লোকটার অদ্ভুত কথা একবার শুনুন। কোটিজন্মে ব্রহ্মজ্ঞান লাভ করিলে যে মুক্তি পাওয়া যায় না, ইনি বলিতেছেন, নামাভাসে অনায়াসেই তাহা লাভ হয়। ব্রাহ্মণের উপহাস বাক্য শুনিয়া হরিদাস বিনীতবচনে বলিলেন, “আপনি অনর্থক সন্দেহ কবিতেন কেন ? নামাভাস-মাত্রে মুক্তি লাভ হয়, ইহা শাস্ত্রের উপদেশ। প্রেমভক্তির নিকট মুক্তি অতি তুচ্ছ বস্তু, এইজন্ত প্রেমিক ভক্তগণ তাহা কখনও ইচ্ছা করেন না। ” ইহা শ্রবণ করিয়া সেই ব্রাহ্মণ আরও ক্রুদ্ধ হইয়া বলিল, যদি নামাভাসে মুক্তি হয়, তাহা হইলে আমি নাক কাটিয়া ফেলিব ! হবিদাসও দৃঢ়তা সহকারে বলিলেন, যদি না হয়, তবে নিশ্চয় আমার নাক কাটিব !

“হরিদাস কহে কেন করহ সংশয়
শাস্ত্রে কহে নামাভাস মাত্রে মুক্তি হয় ॥
ভক্তি সূত্র আগে মুক্তি অতি তুচ্ছ হয়
অতএব ভক্তগণ মুক্তি না ইচ্ছয়
বিপ্র কহে নামাভাসে যদি মুক্তি হয় ।
তবে আমার নাক কাটি করহ নিশ্চয় ॥

হরিদাস কহে যদি নামাভাসে নয় ।

তবে আমার নাক কাটি এই সুনিশ্চয় ”

শ্রীটৈঃ চঃ ।

হরিদাসের এই প্রকার অবমাননা দেখিয়া সভাস্থ সকলেই হাহাকার করিয়া উঠিলেন এবং ব্রাহ্মণকে ধিকার দিয়া নিন্দা করিতে লাগিলেন । বলরাম আচার্য্য তাহাকে তৎসনা করিয়া বলিলেন, “রে তार्কিক মূর্থ ! তুই মুক্তির কি জানিস ? তুই যে হরিদাস ঠাকুরের অপমান করিলি, এই অপরাধে তোর মর্ক্সনাশ হইবে ।” হিরণ্য ও গোবর্দ্ধন তৎক্ষণাৎ তাহাকে কন্দ-চ্যুত করিয়া বাটী প্রবেশ করিতে নিষেধ করিয়া দিলেন । হরিদাস সভা ত্যাগ করিতে উদ্যত হইলে, সভাস্থ সকলে করযোড়ে তাঁহার নিকটে ক্ষমা প্রার্থনা করিলেন । হরিদাস মহাস্তমুখে মধুর বচনে বলিলেন, আপনারা কিছু মনে করিবেন না, আপনাদের কোনও দোষ নাই ; আর এই ব্রাহ্মণও অতি অজ্ঞ, ইহার তর্কনিষ্ঠমন, নামমহিমা কখনও তাঁকের গোচর নয়, ইহার দোষ কি ? ভগবান আপনাদের কল্যাণ করুন, আমার দ্বারা যেন কাহারও অনিষ্ট না হয়

“তোমা সবার দোষ নাহি এই অজ্ঞ ব্রাহ্মণ ।

তার দোষ নাহি তার তর্কনিষ্ঠমন ॥

তাঁকের গোচর নহে নামের মহত্ত্ব ।

কেথি হৈতে জানিবে সে এই সবতত্ত্ব ॥

যাও ঘর কৃষ্ণ করুন কুশল সবার ।

আমার সম্বন্ধে দুঃখ নাহউ কাহার ।”

শ্রীটৈঃ চঃ ।

কথিত আছে, এই ঘটনার অল্প দিন পরেই এই ব্রাহ্মণ যুবক কুষ্ঠরোগে অক্রান্ত হইয়াছিল। হরিনাম তাহা অবগত হইয়া অতিশয় দুঃখিতচিত্তে চান্দপুৰ পবিত্রাঙ্গ পূৰ্ব্বক শান্তিপুৰে গমন করেন * এই বৃত্তান্ত উল্লেখ করিয়া শ্রীকবিরাজ গোস্বামী বলিয়াছেন ;—

“যদ্যপি হরিনাম বিশেষ দোষ না লইল।

তথাপি ঈশ্বর তারে ফল ভুঞ্জাইল।

ভক্তের স্বভাব ভক্তের দোষ ক্ষমা করে।

কৃষ্ণ স্বভাব ভক্তনিন্দা সহিতে না পারে ॥

বিশেষ দুঃখ শুনি হরিনামের দুঃখ হৈল।

বলাই পুরোহিতে কহি শান্তিপুৰে আইলা *

শ্রীচৈতন্যচরিতামৃত, অন্ত্যলীলা

* হরিনামী-গ্রামে ও সপ্তগ্রামে—দুই স্থানে দুই জন ব্রাহ্মণ নামমাহাত্ম্য-প্রসঙ্গে হরিনামের অবমাননা করিয়াছিল; এই দুইটাই স্বতন্ত্র ঘটনা। প্রথমটী শ্রীকৃষ্ণাবন দাস, ও দ্বিতীয়টী শ্রীকবিরাজ গোস্বামী বর্ণন করিয়াছেন। কিন্তু “ভক্তির জয়”-লেখক গোপাল চক্রবর্তীকেই হরিনামী-গ্রামনিবাসী স্থির করিয়া দুইটী ঘটনাকে একটীতে পরিণত করিয়াছেন। হরিনামী গ্রামের ব্রাহ্মণ, উচ্চসংকীৰ্ত্তনের বিরোধী; এবং গোপাল চক্রবর্তী, নামাভাসে মুক্তি হয়, কেবল এই মতের বিরোধী—সুতরাং বিরোধের কারণও স্বতন্ত্র। অপিচ, হরিনামী গ্রামের সভাসদগণ হরিনামকে উপেক্ষা করিয়া, তাহার অবমাননাকারী ব্রাহ্মণকে কিছুমাত্র তিরস্কার করেন নাই। কিন্তু সপ্তগ্রামের সভায় গোপাল চক্রবর্তী বিশিষ্টরূপে তিরস্কৃত ও লাঞ্চিত হইয়াছিল। এই সকল বিষয় মনোযোগ পূৰ্ব্বক পাঠ ও অনুধাবন করিলে “ভক্তির জয়”-রচয়িতা এই-লেন্ড জমে পতিত হইতেন না।

নবম অধ্যায় ।

নানাস্থানে ভ্রমণ—কুলীনগ্রামে আগমন ।

ইহার পর হরিদাস, কখন কুলিয়ায়, কখন শান্তিপুরে আচার্য্য-ভবনে অবস্থান করিতেন, এবং কখন কখন নানাস্থানে ভ্রমণ পূর্বক হরিদাস ঘোষণা করিয়া বেড়াইতেন এই সময়ে তিনি একবার কুলীনগ্রামেব 'খান'-উপাধিধারী সত্যরাজ ও রামানন্দ বসুর গৃহে গমন করিয়া তথায় কিছু দিন অবস্থিতি করিয়াছিলেন বর্দ্ধমান জেলার অন্তর্গত "মেমারী" রেলওয়ে ষ্টেশনের তিন ক্রোশ দক্ষিণ-পূর্ব কোণে কুলীনগ্রাম অবস্থিত গোড়ীয় বৈষ্ণবসমাজে কুলীনগ্রাম ও তন্নিবাসী "বসুজ" মহা-শয়েরা সবিশেষ বিখ্যাত । শ্রীগোবিন্দের আবির্ভাবের বৎসর হইতে ইহঁরা বৈষ্ণবধর্মাবলম্বী ছিলেন, এবং ভক্তি-শাস্ত্রের আলোচনা করিতেন । এই বংশের মালাধর বসু বিশেষ সম্ভ্রান্ত ও ক্ষমতাশালী ব্যক্তি ছিলেন কথিত আছে, ইনিই সর্ব প্রথমে বঙ্গভাষায় কাব্য প্রণয়ন করিয়াছিলেন অনেকের মতে ইহঁর প্রণীত "শ্রীকৃষ্ণবিজয়"-গ্রন্থই বাঙ্গালা ভাষার আদি কাব্য * ইহঁর কবিত্ব * ক্রিতে মুগ্ধ হইয়া তাৎকালিক

* মালাধর বসু ১৩৯৫ শকে এই কাব্যরচনা আৰম্ভ করিয়া ১৪০২ শকে সমাপ্ত করিয়াছিলেন যথা :—

“ভেবশ পঁচানই শকে গ্রন্থ আরম্ভন ।

চতুর্দশ চুই শকে হৈল সমাপন ।”

শ্রীকৃষ্ণবিজয় ।

নানাস্থানে ভ্রমণ—কুলীনগ্রামে আগমন । ৭৩

সৌভাগ্যবশত ইহাকে “গুণরাজ খান” উপাধি প্রদান করিয়া-
ছিলেন শ্রীগোরাঙ্গদেবও “ত্রিকৃষ্ণবিজয়” কাব্যের বিশেষ
প্রশংসা করিয়া বলিয়াছিলেন,—

“কুলীন গ্রামীরে কহে সম্মান কবিয়া
প্রত্যক্ষ আসিবে যাত্রায় পটুডোবী লঞা
গুণরাজখান কৈল ত্রিকৃষ্ণ বিজয়
তঁাহা এক বাক্য তাঁর আছে প্রেমময় ।
‘নন্দনন্দন কৃষ্ণ মোর প্রাণ নাথ’
এই বাক্যে বিকাইল তার বংশধর হাত ”
শ্রীচৈতন্যচরিতামৃত, মধ্যলীলা ।

* রেশম-নির্মিত যে রজ্জুদ্বারা জগন্নাথবিগ্রহকে বন্ধন করিয়া রথোপরি
স্থাপিত করা হয়, তাহার নাম “পটুডোরী” শ্রীচৈতন্যদেব নীলাচলে অবস্থান
কালে একবার রথযাত্রার সময় এই ‘পটুডোবী’ ছিঁড়িয়া যাওয়ায়, সত্যরাজ
ও রামানন্দ বহুকে তিনি বলিয়াছিলেন ;—

“কুলীনগ্রামী রামানন্দ সত্যরাজ খান ।
ত বে আজ্ঞা দিল প্রভু করিয়া সম্মান ॥
এই পটুডোরী তুমি হও বজমান ।
প্রতি বৎসর আনিবে ডোরী করিয়া নির্মাণ
এত বলি দিল তারে ছড়া পটুডোরী ।
ইহা দেখি করিবে ডোরী অতি দৃঢ় করি ” ●

শ্রীচৈতন্য চরিতামৃত, মধ্যলীলা ।

হাজার পর সত্যরাজ ও রামানন্দ বহু প্রতি বর্ষে রথযাত্রার সময় কুলীনগ্রাম
হইতে পটুডোরী প্রস্তুত করিয়া লইয়া যাইতেন । প্রায় ৪০০ চারিশত বৎসর
অতীত হইতে চলিল, অদ্যাপি রামানন্দ বহুর বংশধরেরা শ্রীগোরাঙ্গদেবের

মালাধর বসুর পুত্র সত্যরাজ, ও তৎপুত্র বাগানন্দ বসু, মহাপ্রভুর পরিকর ছিলেন পববর্তী সময়ে ইহঁরা গোড়ীর বৈষ্ণবসম্প্রদায়ে বিশিষ্টরূপে সম্মানিত হইয়াছিলেন । শ্রীগোরাধ ইহঁাদের সম্বন্ধে নিজ মুখে বলিয়াছেন ;—

“প্রভু কহে কুলীন গ্রামের যে হয় কুকুর ।

সেই মোর প্রিয় অগ্র জন বহুদূর ।

কুলীন গ্রামীর ভাগ্য कहने না যায় ।

শুকর চরায় ডোম সেহ কৃষ্ণ গায় ॥”

শ্রীটীঃ চঃ ।

হরিদাসের কুলীনগ্রামে আগমন সম্বন্ধে বৈষ্ণবগ্রন্থে কোন উল্লেখ নাই । সত্যরাজ ও বাগানন্দ প্রভৃতি যে হরিদাসকে বিশেষ ভক্তি শ্রদ্ধা করিতেন, শ্রীচরিতামৃত পাঠে তাহা অবগত হওয়া যায় । হরিদাস, সত্যরাজ ও বাগানন্দ প্রভৃতির শ্রদ্ধা অনুবাগে প্রীত হইয়া কিয়দ্বিবস কুলীনগ্রামে বাস করিয়াছিলেন, এ বিষয়ের কোন লিখিত প্রমাণ আছে কি না আমরা অবগত নহি । কিন্তু, হরিদাস, কুলীনগ্রামের দক্ষিণ প্রান্তে নিবিড়

আদেশ মান্য করিয়া প্রতি বৎসর রথযাত্রার পূর্বে জগন্নাথক্ষেত্রে পটুডোরী প্রেরণ করিয়া আসিতেছেন । শুনিয়াছি, এই ডোরী উত্তমরূপে প্রস্তুত করিতে অত্যধিক টাকা ব্যয়িত হয় । উক্ত বংশোদ্ভব আমাদের কোন অন্তরঙ্গ বন্ধু—মহারি প্রতি এক্ষণে পটুডোরী প্রেরণের ভার অর্পিত আছে, তাহার প্রমুখ্যে আমরা অবগত হইয়াছি যে, মধ্য ৮। ১০ বৎসর পটুডোরী প্রেরিত না হওয়ার, ইহার কারণ অনুসন্ধানের জন্য জগন্নাথের পাণ্ডা কুলীন গ্রামে আসিয়াছিল । ১৭০২ সাল হইতে পুনর্ব্বার যথারীতি পটুডোরী প্রেরিত হইতেছে ।

অরণ্যের মধ্যে যেখানে বসিয়া সাধন-ভজন করিতেন, অদ্যাপি তাহা পরম যত্নে রক্ষিত হইতেছে। হরিদাসের সেই ভজনস্থলী এখন “হরিদাস ঠাকুরের আখড়া” নামে বিখ্যাত। কাল পরিবর্তনে এই স্থান এখন আর অরণ্যময় নহে। রামানন্দ বসুর ভ্রাতৃসনের অতি নিকটে জগদানন্দ পাঠক নামক জটনক ভগবদ্ভক্ত ব্রাহ্মণ বাস করিতেন। ইনি প্রতিদিন লক্ষ হরিনাম না করিয়া জলগ্রহণ করিতেন না; এই জন্ত হরিদাস ইহাকে “লক্ষপতি” বলিতেন, এবং ইহার ভক্তিভাব ও সাধিক প্রকৃতি দর্শনে মুগ্ধ হইয়া ইহার গৃহে ভোজন করিতেন। এই ভোজন-স্থানও প্রাচীরবেষ্টিত হইয়া অদ্যাপি বিদ্যমান রহিয়াছে। ইহা “হরিদাস ঠাকুরের পাট” নামে প্রসিদ্ধ। কুলীনগ্রামস্থ হরিদাস ঠাকুরের “আখড়া” ও “পাট” বৈষ্ণবসম্প্রদায়ের তীর্থরূপে পরিণত হইয়াছে। সুতরাং হরিদাস যে কুলীনগ্রামে আগমন করিয়াছিলেন, তৎসম্বন্ধে সন্দেহ করিবার কোন কারণ নাই। তবে কুলীনগ্রামে তিনি কোন্ সময়ে আসিয়াছিলেন—মহাপ্রভুর আবির্ভাবে পূর্বে কি পরে—তাহা সূনিশ্চিতরূপে অবগত হওয়া যায় না। এসম্বন্ধে কুলীনগ্রামে এইরূপ কিম্বদন্তী প্রচলিত আছে যে, মহাপ্রভু অবতীর্ণ হওয়ার পরে হরিদাস কুলীনগ্রামে আগমন করেন, এবং তত্রত্য বৈষ্ণবগণেব সাধুত্বতে প্রীত হইয়া তথায় অবস্থান পূর্বক চাণুর্যাস্য করিয়াছিলেন। মহাপ্রভু হরিনাম প্রচারে প্রবৃত্ত হইলেই হরিদাস তাঁহার সহিত মিলিত হইয়াছিলেন। এই সময় তিনি কখন নবদ্বীপে, কখন বা শান্তিপুরে বাস করিতেন, ভক্তমণ্ডলী ত্যাগ করিয়া অন্ত্র গমন করেন নাই। সুতরাং অনুমিত হয়, ১৪২৯ ৩০

শব্দাদির পূর্বে—অর্থাৎ মহাপ্রভুর ভক্তিপ্রচারের পূর্বে কোনও সময়ে হরিদাস কুলীনগ্রামে আসিয়াছিলেন ।

সত্যরাজ ও রামানন্দ বহু যবনকুলজাত হরিদাসকে সম্মান সহকারে গ্রহণ ও আশ্রয় দান করিয়াছিলেন, ইহাতে তাঁহাদের সমধিক উদারতা ও সাহসিকতার পরিচয় পাওয়া যায় । কেবল ইহাই নহে, হরিদাসের অন্তর্দ্বানের পর, ইহঁরা তাঁহার দারুণ ময় প্রতিমূর্তি নির্মাণ করাইয়া যথারীতি তাঁহার প্রতিষ্ঠা করিয়াছিলেন । অদ্যাপি এই প্রতিমূর্তি কুলীনগ্রামের হরিদাস-ঠাকুরের “আখড়ায়” একটী মন্দিরমধ্যে মহাপ্রভু ও শ্যামসুন্দর-বিগ্রহের সহিত সংস্থাপিত রহিয়াছে । ফলতঃ কুলীনগ্রামের বৈষ্ণবগণ যে হরিদাসকে যৎপরোনাস্তি ভক্তি করিতেন, এই ঘটনায় তাহা স্পষ্টতর প্রতীয়মান হইতেছে । হরিদাসও সত্যরাজ প্রভৃতিকে বিশেষ কৃপা করিতেন । বোধ হয়, এই কারণে শ্রীকবিরাজ গোস্বামী কুলীনগ্রামিগণকে হরিদাসের কৃপাভাজন-রূপে ও তাঁহার উপশাখার মধ্যে গণিত করিয়াছেন । *

* “তাঁর উপশাখা যত কুলীনগ্রামিজন । সত্যরাজ আদি তাঁর কৃপার ভাজন ॥” শ্রীচরিতামৃতের এই অংশ পাঠ করিয়া কেহ কেহ মনে করেন যে, সত্যরাজ প্রভৃতি হরিদাসের শিষ্য ছিলেন হরিদাস মুসলমান কুলোদ্ভব হইলে সত্যরাজ প্রভৃতি কুলীনগ্রামস্থ সম্রাট বাজীগণ তাঁহাব শিষ্যত্ব অঙ্গীকার করিতেন না,—এইকপ যুক্তি প্রদর্শন করিয়া কেহ কেহ আবার হরিদাসকে ব্রাহ্মণ কুলোৎপন্ন বলিয়া প্রতিপন্ন করিতে চেষ্টা করেন । ফলতঃ সত্যরাজ ও রামানন্দ বহু প্রভৃতি হরিদাসের নিকট কল্পিত কালেও মঙ্গগ্রহণ করেন নাই, এবং হরিদাস কাহাকেও মন্ত্র দিয়া শিষ্য করিয়াছিলেন, একপুত্র শুদ্ধি পায় না ।

নানাস্থানে ভ্রমণ—কুলীনগ্রামে আগমন । ৭৭

হরিদাস কুলীনগ্রামে কিয়দিবস অবস্থিতি করিয়া শান্তিপুর
গমন পূর্বক আচার্য্যসহ পুনর্নিমিত্ত হইয়াছিলেন ।



কবিরাজ গোস্বামী শ্রীচরিতামৃতের আদি লীলার দশম পরিচ্ছেদে মূলশাখা
বর্ণনাব মধ্যো মতারাঙ্গ প্রভৃতিকে হরিদাসের উপশাখার মধ্যো গণনা করিয়া
ঐ পরিচ্ছেদেই আবার মাধারণ শাখার অন্তর্গত রূপে ইহাদিগের উল্লেখ করিয়া-
ছেন ; এবং একাদশ পরিচ্ছেদে নিত্যানন্দ প্রভুর শাখার মধ্যো রামানন্দ বহুর
নাম সন্নিবেশিত করিয়াছেন । রামানন্দ বহুর পরিবারগণ অদ্যাপি শ্রীনিত্যানন্দ-
বংশীয় খড়দহের গোস্বামিগণের শিষ্য । কুলীনগ্রামে হরিদাস ঠাকুরের যে
শ্রীবিগ্রহ অদ্যাপি বিরাজিত আছে, তাহা দৈর্ঘ্যে দেড়হস্ত পরিমিত, আকৃতি
মুসলমান ফকিরের ন্যায়, এবং মস্তক টুপীসম্বিত এখানে হরিদাস মুসলমান
মস্তান বস্ত্রমাই বিখ্যাত ও পূজিত হইয়া আসিতেছেন ।

দশম অধ্যায় ।

নবদ্বীপে ভক্তগোষ্ঠীতে আগমন ও শ্রীচৈতন্যসহ
মিলন ।

—

শ্রীহরিদাস, ফুলিয়ার আশ্রমে বাস করিতেছেন, এমন সময়ে
শুনিলেন যে, নবদ্বীপেব নিমাই পণ্ডিত গয়াধাম হইতে প্রত্যাগত
হইয়া অপূৰ্ব ভক্তিরসে বিভোর হইয়াছেন ; নবদ্বীপস্থ ভক্তমণ্ডলী
তাঁহার সঙ্গে মিলিত হইয়া দিবারাত্র হরিনামসংকীৰ্ত্তন করিতে-
ছেন । ভক্তিব বিপুল উচ্ছ্বাসে নবদ্বীপ টলমল করিতেছে ।
যে পূর্ণব্রহ্ম বেদ-বেদান্তে “সত্যং জ্ঞানমনন্তং” বলিয়া কীর্তিত
হইয়াছেন, “ন জায়তে ম্রিয়তে বা” * যে পরমাত্মার জন্ম নাই
এবং মৃত্যু নাই, তিনি কি প্রকারে জরামরণধর্মীল মানবরূপে
অবতীর্ণ হইবেন, ভক্তগণ ভক্তিব উচ্ছ্বাসে এ কথা বিশ্বত হইয়া-
ছেন এবং শ্রীগৌরের দেহে অষ্টসাত্ত্বিক † ভাবের আবির্ভাব দর্শনে

* “ন জায়তে ম্রিয়তে বা বিপশ্চিন্নায়ং কুতশ্চিন্নবভূব কশ্চিৎ”

কঠোপনিষৎ, প্রথম অধ্যায়, দ্বিতীয় বর্ণী

এই পরমাত্মার জন্ম নাই, মৃত্যু নাই, ইনি নিতা জ্ঞানস্বরূপ ইনি কোন
ধারণা হইতে উৎপন্ন হ'ন নাই, এবং আপনিও অন্য কোন বস্তু হয়েন নাই

† “তে শুভদ্বৈপ রোমাকাঃ স্বরভেদোহথ বেপথুঃ

বৈবৰ্ণ্যমক্ষঃ প্রলয় ইত্যেষ্ঠৌ সাত্ত্বিকাঃ স্মৃতাঃ ॥” ভক্তিরসামৃতসিদ্ধি ।

সাত্ত্বিকভাব আটপ্রকার,—শুভদ্বৈপ, রোমাক, (পুলক) স্বরভেদ, কম্প,
বৈবৰ্ণ্য, অক্ষ ও প্রলয় । (প্রলয়ঃ = মূৰ্ছা—ইতি ভরতঃ)

কাস্ত বিম্বিত ও বিমুক্ত হইয়া সকলেই তাঁহাকে ভগবানের
পূর্ণাবতার জ্ঞান করিয়া মহানন্দে প্রমত্ত হইয়া উঠিয়াছেন । *
হরিদাস এই সমস্ত অবগত হইয়া নবদ্বীপে আগমন করিলেন
এবং মহাপ্রভু ও ভক্তবৃন্দের সঙ্গে মিলিত হইয়া কৃতার্থ হইলেন ।

“সুস্থ কম্প প্রদেহ, বৈবৰ্ণ অশ্রুস্রবভেদ,

দেহ হৈল পুলকে ব্যাপিত

হাসে কান্দে নাচে গায়, উঠি ইতি উতি ধার,

ক্ষণে ভূমে পড়িয় মুচ্ছিত ॥”

শ্রীচৈতন্য চরিতামৃত, মধ্যলীলা, ২য় পরিচ্ছেদ ।

* “মহাপ্রভু বিশ্বস্তর প্রতি দিনে দিনে ।

সংকীৰ্ত্তন করে সর্ব বৈষ্ণবের মনে ।

সবে বড় আনন্দিত দেখি বিশ্বস্তর ।

লেখিতে না পাবে কেহ আপন ঈশ্বর ॥

সর্ব বিলক্ষণ তাঁর পরম আবেশ

দেখিয়া সবান চিত্তে মন্দেহ বিশেষ ॥”

“অপূর্ব দেখিয়া সব ভাগবত গণে ।

নরজ্ঞান আর কেহ না করয়ে মনে ॥

কেহ বলে এ পুরান অংশ অবতার

কেহ বলে এ শরীরে কৃষ্ণের বিহার ॥

কেহ বলে শুক বা প্রহ্লাদ বা নারদ ।

কেহ বলে হেন বুঝি ষষ্ঠি আপদ ॥

যত সব ভাগবতবর্ণের গৃহিণী ।

তার। বলে কৃষ্ণ আমি জন্মিলা তাপনি .

কেহ বলে এই বুঝি প্রভু অবতার ।

এই মত মনে সব করেন বিচার ”

• • শ্রীচৈতন্য ভাগবত, মধ্যখণ্ড, ২য় অধ্যায় ।

অদ্বৈত আচার্য্যও এই সময়ে নবদ্বীপের বাটীতে বাস করিতেছিলেন। শ্রীচৈতন্যের মহাভাবময় অলৌকিক প্রেমোচ্ছ্বাস অবলোকনে তিনি তাঁহাকে আর সাধারণ মানুষ জ্ঞান করিতে পারিলেন না। শ্রীহরি কলি-কলুষনাশ করিয়া জীবোদ্বারের জন্ত অবতীর্ণ হইয়াছেন, ইহাই তাঁহার ধারণা হইল। এ বিষয়ে তিনি এক দিন বাক্রিকালে স্বপ্নও দেখিয়াছিলেন। ইতঃপূর্বে কথিত হইয়াছে, ভগবানের অবতরণের জন্ত আচার্য্য নিবন্তর প্রার্থনা করিতেন; এত দিন পরে তাঁহার প্রার্থনা সুসিদ্ধ হইল মনে করিয়া আচার্য্যের আনন্দের আর অবধি রহিল না। একদিন তিনি নানা উপচারে শ্রীগৌরের চরণপূজা করিয়া তৃপ্তিলাভ করিলেন। অদ্বৈত আচার্য্য একজন দার্শনিক পণ্ডিত ছিলেন, যোগবাশিষ্ঠাদি জ্ঞানকাণ্ডীয় শাস্ত্রালোচনায় বিশেষ আমোদানুভব করিতেন। যদিও তিনি হৃদয়ে শ্রীগৌরকে ভগবানের পূর্ণাবতাররূপে বিশ্বাস করিয়াছিলেন, কিন্তু জ্ঞানের সহিত তাহার সামঞ্জস্য করিতে পারেন নাই; বোধ হয় এই নিমিত্ত সন্দেহচিত্তে, শ্রীহরি যথার্থই অবতীর্ণ হইয়াছেন কিনা—ইহা পরীক্ষা করিবার জন্ত একদিন অকস্মাৎ হরিদাসকে সমভিব্যাহারে লইয়া শান্তিপুরে গমন করিলেন। আচার্য্যের মনের নিগূঢ় ভাব এই যে,—

সত্য যদি প্রভু হয় মুই হঙ দাস

তবে মোরে বাকিয়া আনিবে নিজ পাম ”

ইহার পর দিনে দিনে শ্রীচৈতন্যের মহাভাব প্রকাশ পাইতে লাগিল। শ্রীবাস আচার্য্যের গৃহে প্রতিনিশাতে গৌরচন্দ্র সংকীৰ্ত্তন করিতে লাগিলেন। হরিকথনির গর্জন হুকারে বুরজ ও তুঙ্গ

হইয়া পাষাণিগণ শ্রীবাসকে নানাপ্রকারে ভয়প্রদর্শন করিতে আরম্ভ করিল। ইহার কিছুদিন পরে অবধূত নিত্যানন্দ আসিয়া মিলিত হইলেন। নবদ্বীপে প্রেমভক্তির মহাতবঙ্গ উখিত হইল। শুষ্ক তর্কবাদ ও আড়ম্বরময় কন্মকাণ্ডের মরুভূমিতে বাস করিয়া যে সকল ধর্মপ্রাণ মহাত্মার হৃদয় উৎকট অশান্তি-অনলে দগ্ধ হইতেছিল, তাঁহারা ভক্তিবাবিবিদু পান করিয়া তৃপ্তি ও শান্তি লাভ করিবার জন্য এই ভক্তগোষ্ঠীতে আসিয়া যোগদান করিলেন। অদ্বৈত আচার্য্যকে ভক্তমণ্ডলীতে না দেখিয়া একদিন চৈতন্যদেব বলিলেন, এখন কোথায় ঘরে ঘরে হরিনাম সংকীৰ্ত্তন হইয়া জীব উদ্ধাব হইবে, কিন্তু আচার্য্য হরিদাসকে লইয়া শান্তিপুরে বসিয়া রহিলেন। অনন্তর শ্রীচৈতন্য শ্রীবাসের দ্বারা শ্রীবাস পণ্ডিতকে আদেশ করিলেন, তুমি গিয়া আচার্য্যকে লইয়া আইস। শ্রীরাম (রামাই পণ্ডিত) যথাকালে শান্তিপুরে উপনীত হইয়া আচার্য্যকে শ্রীগৌরঙ্গ প্রভুর আদেশ নিবেদন করিলে, অদ্বৈত সপরিবারে নবদ্বীপে উপস্থিত হইলেন। শ্রীচৈতন্য তাঁহার হৃদয়েব গূঢ়ভাব জানিয়া তাঁহাকে আহ্বান করিয়াছেন, ইহা চিন্তা করিয়া, ও তাঁহার অপকৃপ ঐশ্বর্য্য দর্শনে আচার্য্য বিমুগ্ধ হইলেন। শ্রীচৈতন্যের অবতারত্ব সম্বন্ধে তাঁহার সমস্ত সন্দেহ নিরাকৃত হইল। অনন্তর আচার্য্য বিবিধ উপচারে শ্রীগৌরের চরণপূজা ও তাঁহার স্তব করিয়া চবিত্ত্ব হইলেন। আচার্য্যের আগমনে শ্রীবাস গৃহে আবার মহোৎসব আরম্ভ হইল।

“সকল বৈষ্ণব মেলি আনন্দে উল্লাসে ।

আপন পাসনের সবে রসের আবেশে

সবে সবা প্রশংসিয়া বলে ধন্য ধন্য
 তুচ্ছ করি মানে সুখ কৈবল্য লাভণ্য
 দিবানিশি নাহি জানে প্রেমানন্দ সুখে ।
 নিরবধি বিহ্বলতা অন্তর কোতুকে ॥
 সূর্য্যোদয়ে নৃত্যারম্ভ হয়ত রজনী
 সন্ধ্যায় নাচয়ে সে উদয়ে দিনমণি ”

শ্রীচৈতন্য মঙ্গল—গদ্যখণ্ড

হরিদাস আচার্য্যের সঙ্গেই আসিয়াছিলেন তিনি এখন
 আর যুবানহেন ; বয়ঃক্রম অনধিক ৬০ ষাটি বৎসর কিন্তু
 তপঃপূত পুণ্যময় দেহ এই বৃদ্ধবয়সেও অপূর্ব স্বর্গীয় শোভার
 সমুদ্ভাসিত, সুদীর্ঘ সুন্দর কলেবর যেন ভক্তিরসে অভিষিক্ত ।
 তিনি ভাবাবেশে যখন সিংহবৎ গর্জ্জন করেন, তখন পৃথিবী যেন
 কম্পিত হয় ।

“হেনই সময়ে হাসয়ে হরিদাস ।
 কৃষ্ণনামে নিরন্তর যাহাব উল্লাস
 কৃষ্ণপদাঙ্গমধুময়মূর্ত্তিভূজ
 রসের আবেশে হয় তরুণীর সিংহ
 আচম্বিতে নবদ্বীপে মিলিলা আসিয়া ।

আইস আইস বলি প্রভু ডাকে সস্তাষিয়া ”—শ্রীচঃ মঃ ।

শ্রীগৌরচন্দ্র হরিদাসকে আশির্জন করিয়া স্বহস্তে তাঁহার
 অঙ্গ-সুগন্ধিচন্দন লেপন করিয়া দিলেন, এবং আপনার গলদেশ
 হইতে পুষ্পমালা উন্মোচন করিয়া তাঁহাকে প্রদান করিলেন ।
 পরে চৈতন্য প্রভু হরিদাসকে নিকটে বসাইয়া পরমাদরে বিবিধ
 উৎকৃষ্ট সামগ্রী ভোজন করাইলেন । শ্রীগৌরের এতাদৃশ

নবদ্বীপে আগমন ও শ্রীচৈতন্যসহ মিলন । ৮৩

কৃপা লাভ করিয়া হরিদাস অতিশয় স্তুতিত হইলেন ও আপনাকে ধন্য জ্ঞান করিলেন হরিদাস এইরূপে নবদ্বীপে ভক্তগোষ্ঠীতে মিলিত হইয়া নিরন্তর নৃত্য কীর্তন করিতে লাগিলেন । তাঁহার উদ্দণ্ড নৃত্য, গভীর গর্জন, অজস্র অশ্রুপাত ও অসাধারণ দৈন্যবিনয় ব্যাকুলতা দর্শনে সকলে বিশেষ প্রীত হইলেন ।

একদিন শ্রীগোরাঙ্গ, শ্রীবাস আচার্য্যের গৃহে, বেলা এক প্রহর হইতে সমস্ত দিবা ও সমস্ত রজনী—এই সমস্ত প্রহর কাল সংকীৰ্তন ও আপনার মহাভাব ও ঐশ্বর্য্য প্রকাশ করিয়াছিলেন। ভক্তগণ প্রথমতঃ তাঁহার অভিষেক ও পূজা করিলেন । অনন্তর গোরাঙ্গশুন্দর মহাভাবে বিভোর হইয়া ভক্তগণকে আশীর্বাদ ও বরপ্রদান করেন এই দিনের ঘটনা বৈষ্ণবসমাজে “সাত প্রহরিয়া বা মহাপ্রকাশ” নামে প্রসিদ্ধ । চৈতন্যচন্দ্র অগ্ন্যন্ত ভক্তের প্রতি কৃপা প্রকাশ করিয়া হরিদাসকে আহ্বান করিলেন হরিদাস আপনাকে নীচজাতি জ্ঞানে বিনয়ে কুণ্ঠিত হইয়া সকলেব পশ্চাতে বসিয়াছিলেন । শ্রীচৈতন্য তাঁহাকে সম্বোধন করিয়া বলিলেন,—“হরিদাস ! তোমার যে জাতি, আমারও সেই জাতি আমার এই দেহ হইতেও তুমি বড় । পাপিষ্ঠ যবনগণ তোমাকে যে সকল হুঃখ যন্ত্রণা দিয়াছে, তাহা শ্রবণ করিতেও আমার হৃদয় বিদীর্ণ হয় । পায়গুণ তোমাকে যখন নিষ্ঠুরভাবে প্রহার করিতে করিতে নগরে নগরে বেড়াইতেছিল, তখন আমি তাহাদের বিনাশের নিমিত্ত চক্র ইন্দ্ৰে লইয়া বৈকুণ্ঠ হইতে অবতীর্ণ হইতেছিলাম * কিন্তু চরাচর-

* শ্রীচৈতন্যদেব এই সমস্ত কথা মহাভাবের অবস্থায়, অর্থাৎ আপনাকে ঈশ্বরের সহিত অভিন্নবোধে বসিতেছেন, একথা শ্রবণ রাখা আবশ্যক ।

গণ-তোমার প্রাণবিনাশের জন্য অতি নির্দয়রূপে তোমাকে
প্রহার করিলেও তুমি মনে মনে এই পাপাচারীদেব কল্যাণ-
কামনা করিতেছিলে তুমি যার কল্যাণ চিন্তা কর, আমি
তার কি করিতে পারি ? এইজন্য আমি তাহাদিগকে বিনষ্ট
করিতে পারিলাম না ; কিন্তু তোমার পৃষ্ঠের প্রহার সকল
আমি নিজ দেহে ধারণ করিলাম । হরিদাস ! আমার অবতা-
রের যাহা কিছু বিলম্ব ছিল, ইহাতে তাহাও দূর হইয়া গেল ।
তোমার দুঃখ সহ্য করিতে না পারিয়াই আমি অবতীর্ণ হইলাম *
হরিদাস ! অদ্বৈত বুড়াই তোমাকে ভালরূপে চিনিতে পারিয়া-
ছেন।

হরিদাসের প্রতি চৈতন্য প্রভুর ঈদৃশ কৃপার কথা উল্লেখ
করিয়া শ্রীবৃন্দাবন দাস বলিয়াছেন ;—

“ভক্ত বাড়াইতে নিজ ঠাকুর সে জানে ।

কিনা বলে কিনা করে ভক্তের কারণে

*“তোমার মরণ নিজ অঙ্গে করি লও ।

এই তার সাক্ষী আছে মিছা নাহি কও ॥

যেবা গোণ ছিল মোর প্রকাশ করিতে

শীঘ্র আইনু তোর দুঃখ না পারোঁ সহিতে ’

শ্রীচৈঃ ভাঃ ।

ইহাতে স্পষ্টতঃ প্রমাণিত হইতেছে, হরিদাস যে সময় যখনগণের হস্তে
নিগ্রহ ভোগ করেন, তখন চৈতন্যদেব আবির্ভূত হন নাই । অর্থাৎ এই ঘটনা
১৪০৭ শকেরও পূর্বে সংঘটিত হইয়াছিল ।

জলন্ত অনল প্রভু ভক্ত লাগি খায় ।
 ভক্তের কিঞ্চিৎ হয় আপন ইচ্ছায় ॥
 ভক্ত বই কৃষ্ণ আর কিছুই না জানে ।
 ভক্তের সমান নাহি অনন্ত ভুবনে ॥
 হেন কৃষ্ণ ভক্ত হুঃখে না পায় সন্তোষ ।
 সেই সব পাপীবে লাগিল দৈব দোষ ॥
 ভক্তেব মহিমা তাই দেখ চক্ষু ভরি
 কি বলিব হরিদাস-প্রীতি গৌরহরি ”

হরিদাস মহাপ্রভু এই সমস্ত করুণা-বাণী শ্রবণ করিয়া
 বিপুল আনন্দোচ্ছ্বাসে মুচ্ছিত হইয়া পড়িলেন শ্রীগৌর
 বলিলেন,—

“——উঠ উঠ মোর হরিদাস ।

মনোরথ ভরি দেখ আশার প্রকাশ ।”

হরিদাস শ্রীচৈতন্যের কথায় বাহুজ্ঞান লাভ করিলেন, এবং
 অঙ্গনে লুপ্তিত হইয়া অনন্তরু হৃদয়ে রোদন করিতে করিতে
 শ্রীগৌরের স্তব করিয়া বলিতে লাগিলেন ;——

“বাপ বিশ্বভব প্রভু জগতের নাথ
 পাতকীরে কর কৃপা পড়িক তোমাত
 নিগুণ অধম সর্ব জাতি বহিষ্কৃত
 মুঞি কি বলিব প্রভু তোমার চরিত ।
 দোষে পাতক মোরে পবিশলে নান ।
 মুঞি কি বলিব প্রভু তোমার আখ্যান ।
 এক সত্য করিয়াছ আপন বদনে
 যে জন তোমার করে চরণ স্রবণে ।

কীটতুল্য হয় যদি তারে নাহি ছাড়
 ইহাতে অন্তথা হৈলে নরেন্দ্রেবে পাড় ।”
 “হেন তোর চরণস্মরণহীন মুঞি
 তথাপিহ প্রভু মোরে না ছাড়িল তুঞি ।
 তোমা দেখিবারে মোর কোন্ অধিকার
 এক বহি প্রভু কিছু না চাহিমু আব ”

শ্রীচৈতন্য বলিলেন, হরিদাস ! বল, বল তোমার কি প্রার্থনা ?
 তোমাকে আমার অদেয় কিছুই নাই হরিদাস করযোড়ে
 বলিলেন, প্রভু, আমি পাপী, তথাপি আমার বড় আশা, যে,
 তোমার ভক্তগণেব উচ্ছিষ্ট ভোজন করিয়া যেন আমি
 জন্ম জন্ম জীবন ধারণ করি ইহাই যেন আমার ভজন
 সাধন হয় । আমি মহাপাপী, ইহাতেও আমার অধিকার
 নাই ।

“মুঞি অন্ন ভাগ্য প্রভু করোঁ বড় আশ ॥
 তোমাব চরণ ভজে যে সকল দাস
 তাব অবশেষ যেন হয় মোর গ্রাস ।
 সেই সে ভজন মোর হউ জন্ম জন্ম ।
 সেই অবশেষ মোর কিয়া কুলধর্ম
 তোমার স্মরণহীন পাপ জন্ম মোর ।
 সফল কবহ দাসোচ্ছিষ্ট দিয়া তোর ॥
 এই মোঁব অপরাধ যেন তিত্তে যায়
 মহাপদ চাহয়ে যে মোহার যোগ্য নয় ॥
 প্রভুরে নাথরে মোর বাপ বিশ্বস্তর ।
 মৃত মুঞি মোর অপরাধ ক্ষমা কর ॥

শচীর নন্দন বাপ কৃপা কর যোরে ।

কুকুর করিয়া মোবে বাথ ভক্ত ঘরে ।”

প্রেমপুলকে পূর্ণ হইয়া হরিদাস এইরূপে অনেক দৈন্যোক্তি করিতে লাগিলেন গৌরাঙ্গসুন্দর তাঁহাকে সান্ত্বনা দিয়া বলিলেন, হরিদাস ! তুমি দৈন্য পরিত্যাগ কর মুহূর্ত্তমাত্র যে তোমার সম্প্রলাভ করে, সে ই ভক্তশ্রেষ্ঠ, সে-ই ভগবানকে লাভ করিবে । আমি নিরন্তর তোমাব হৃদয়ে বাস করিতেছি তোমাকে শ্রদ্ধাভক্তি করিলেই আমাকে করা হয় । তুমি প্রেম-ডোরে সর্বদা আমাকে হৃদয়ে বাঁধিয়া রাখিয়াছ হরিদাস !

• “মোরস্থানে মোর গর্ব বৈষ্ণবের স্থানে ।

বিনা অপরধে ভক্তি দিল তে’রে দানে ॥”

হরিদাসকে শ্রীগৌরচন্দ্র যখন এই বব দান কবিলেন, তখন ভক্তগণ মহোল্লাসে হরিনামেব জয়ধ্বনিতে আকাশমণ্ডল কম্পিত করিয়া তুলিলেন হরিদাস শ্রীচৈতন্য প্রভুর কৃপা স্মরণ করিয়া কেবল আনন্দাশ্রুবর্ষ করিতে লাগিলেন । জাতি-কুলের অভিমান যে মিথ্যা অভিমান মাত্র, এবং ভক্ত যে বংশেই জন্মগ্রহণ করুন, তিনি যে সকলেব ভক্তি ও সন্মানের পাত্র, এই উপদেশ দিবার জন্য হরিদাসের মাহাত্ম্যবর্ণন প্রসঙ্গে পরমভাগবত বৃন্দাবন দাস ঠাকুর বলিতেছেন ;—

“জাতিকুল ক্রিয়া ধনে কিছু নাহি কবে ।

প্রেমধন আর্তি বিনা নাপায় কুণ্ডেরে ।

যে তে কুলে বৈষ্ণবের জন্ম কেনে নহে ।

তথাপিহ সর্বোত্তম সর্বশাস্ত্রে কহে ॥

এই তার প্রমাণ যবন হরিদাস
 ব্রহ্ম দির দুর্লভ দেখিল পবকাশ ।
 যে পাপিষ্ঠ বৈতবেব জাতবুদ্ধ করে ।
 জন্ম জন্ম অধম যোনিতে ডুবি মরে ॥
 হরিদাস স্তুতি বর শুনে যেই জন
 অবশ্য মিলিবে তারে কৃষ্ণ-প্রেমধন
 এ বচন মোর নহে সৰ্ব শাস্ত্রে কয়
 ভক্তাখ্যান শুনিলে কৃষ্ণেতে ভক্তি হয় ।
 মহাভক্ত হরিদাস জয় জয় জয় ।
 হরিদাস পরশনে সৰ্ব পাপক্ষয় ॥
 কেহ বলে চতুর্মুখ যেন হরিদাস ।
 কেহ বলে যেন প্রহ্লাদের পরকাশ ॥
 সৰ্বমতে মহাভাগবত হরিদাস ।
 চৈতন্য গোষ্ঠীব সঙ্গে যাহাব বিলাস ॥
 ব্রহ্মা শিব বাঞ্ছে হরিদাস হেন সঙ্গ ।
 নিরবধি করিতে চিত্তেব বড় রঙ্গ ॥
 হরিদাস স্পর্শ বাঞ্ছা করে দেবগণ ।
 গঙ্গাও বাঞ্ছেন হরিদাসের মর্জ্জন ।
 স্পর্শের কি দায় দেখিলেই হরিদাস ।
 ছিণ্ডে সৰ্বজীবের অনাদি কৰ্মপাশ ॥
 প্রহ্লাদ যে হেন দৈত্য কপি হনুমান ।
 এই মত হরিদাস নীচ জাতি নাম ॥”

একাদশ অধ্যায় ।

নবদ্বীপে হরিনামপ্রচার ।

হরিদাস নবদ্বীপধামেব ভক্তগুণীতে বাস করিতেছেন ।
একদিন শ্রীগৌরাঙ্গ পরিকবগণ-পরিবেষ্টিত হইয়া ইষ্টালাপ করি-
তেছেন, এমন সময়ে হরিদাস হরিগুণ গান কবিতা করিতে তথায়
উপনীত হইলেন

“শুদ্ধ অক্রুরমণি ক্ষটিক গলায় ।

হেমমণি মঞ্জীর মুখর ছুই পায়

• পুলকিত সব অঙ্গ সজল নয়ন

শ্রেমে টলমল তনু হৃদ্য গর্জন ।

নির্ভব প্রেমায় নাচে প্রভুর সম্মুখে

ব্রহ্মাণ্ডে না ধবে তার পেরানন্দ পুখে ”

শ্রীচৈতন্য মঙ্গল ।

অদ্বৈত আচার্য্য, নিত্যানন্দ, শ্রীবাস, গদাধর প্রভৃতি সকলেই
উপস্থিত আছেন, এমন সময়ে,

“হাসিয়া কহিলা প্রভু ভক্ত সবাচারে

এই গোব হরিনাম দেহ ঘরে ঘরে ।

নবদ্বীপে বালবৃদ্ধ বৈসে যত জন ।

চণ্ডাল ছুর্গতি কিবা ব্রাহ্মণ সজ্জন ।

সবাবে শিখাও হরিনাম গ্রন্থধরি

অনায়াসে সবলোক যাউ ভবতরি ।”

শ্রীচৈতন্য মঙ্গল

শ্রীচৈতন্য প্রথমঃ নিত্যানন্দ ও হবিদাসকে বলিলেন
আমার আদেশে তোমরা এই নগরের গৃহে গৃহে গমন
করিয়া হরিণাম উপদেশ করিবে, এবং দিবাবসানে আমাব নিকট
আসিয়া সংবাদ দিবে । আজ্ঞাপ্রাপ্ত হইয়া হরিদাস ও নিত্যানন্দ
নগর মধ্যে প্রবিষ্ট হইলেন, এবং দ্বারে দ্বারে ভ্রমণ করিয়া বলিতে
লাগিলেন ;—

“বল কৃষ্ণ গাঁও কৃষ্ণ ভজহ কৃষ্ণেরে
কৃষ্ণ প্রাণ কৃষ্ণ ধন কৃষ্ণ সে জীবন
হেন কৃষ্ণ বল ভাই হই এক মন ”

শ্রীচৈতন্য ভাগবত, মধ্যখণ্ড

ইহাঁদের উভয়ের সন্ন্যাসিবেশ অবলোকনে গৃহস্থগণ সম-
ভ্রমে অগ্রসর হইয়া ‘ভিক্ষা’-নিমন্ত্রণ করিতে লাগিল ইহাঁরা
বলিলেন, আমরা আব কোন ভিক্ষা চাইনা, কেবল

“—এই ভিক্ষা

বল কৃষ্ণ ভজ কৃষ্ণ কর কৃষ্ণ শিক্ষা ”

ইহাঁদিগের এই অপবিত্র ভিক্ষার কথা শ্রবণ করিয়া নগর-
বাসিজনগণ বিস্মিত হইল ; এবং নগরমধ্যে মহা আন্দোলন উপ-
স্থিত করিল । কেহ নিন্দা করিল, কেহ প্রশংসা করিল । কেহ
বলিল, হাঁ হাঁ আমরা হরিণাম কবিব । যাহারা শ্রীবাসগৃহে নিশা-
কীৰ্ত্তনে প্রবেশ করিতে না পাইয়া ফিরিয়া আসিয়াছিল, তাহারা
“মার মার” কবিত্ব আসিল ও বলিতে লাগিল, তোমরা সঙ্গ-
দোষে পাগল হইয়া এখন আগাদিগকে পাগল করিতে আসি-
য়াছ । নিমাই পণ্ডিত সব নষ্ট করিল, ইহারই দোষে সভ্যভব্য
লোক সকল গাঁগিল হইয়া গেল । কেহবা বলিল,—

“—এ দুজন কিবা চোব চর ।

ছল কবি চর্চিয়া বুলয়ে ঘরে ঘর

এমত প্রকট কেন করিবে গুজনে

আব বার আসে যদি লইব দেয়ানে ”

নগরবাসিগণের এই সকল কথা শুনিয়া হবিদাস ও নিত্যানন্দ হাস্য করিতে লাগিলেন । এইরূপে তাঁহারা শ্রীগৌরের আজ্ঞাক্রমে নির্ভয় নিশ্চিন্ত হইয়া প্রতিদিন লোকের দ্বারে দ্বারে হরিনাম ঘোষণা করেন, আর সন্ধ্যাকালে শ্রীগৌরচরণে প্রচারবৃত্তান্ত নিবেদন করেন । একদিন ইহারা নগর মধ্যে ভ্রমণ করিতেছেন, এমন সময়ে দেখিলেন, দুইজন বিকটমূর্তি মদিরোন্মত্ত ব্যক্তি পৃথিমধ্যে ছুটাছুটি ও পরস্পর মারামারি করিতেছে । নিত্যানন্দ জিজ্ঞাসা করিয়া জানিলেন যে, ইহাদের নাম জগাই ও মাধাই । ইহারা দুই ভাই ব্রাহ্মণ সন্তান, কুসঙ্গে পড়িয়া চুরি ডাকাতি মদ্যপান গোমাংস ভোজন পরজীহরণ গোবধ ব্রহ্মহত্যা জীহত্যা ইত্যাদি কোন পাপকেই ইহারা পাপ বলিয়া গ্রাহ্য করে না । এই দুই পাষণ্ডেব ভয়ে সমুদায় নবদ্বীপবাসী সর্বদা সশঙ্ক । এই সমস্ত শ্রবণ করিয়া নিত্যানন্দের করুণ হৃদয় ব্যথিত হইল । পাপীর দুর্গতি দেখিয়া তিনি চিন্তা করিতে লাগিলেন ;—যদি এই মহাপাপী দুইজনাব উদ্ধাব না হইল, তবে আব প্রভু অবতীর্ণ হইয়া কি করিলেন ? এখন ইহারা মদ্যপানে যে প্রকার মত্ত হইয়াছে, সেইরূপ যদি শ্রীহরির নামরসে উন্মত্ত হইয়া অশ্রুপাত করে,—এখন লোকে ইহাদের ছায়া স্পর্শ করিলে গঙ্গাস্নান করিয়া পবিত্র হইতেছে, কিন্তু ইহাদিগকে স্পর্শ করিয়া তাঁহারা যদি গঙ্গাস্নান জ্ঞান করে তবেই আমাদের

হরিনাম প্রচার করা সার্থক এইকণ চিন্তা করিয়া তিনি
হরিদাসকে বলিলেন, দেখ হরিদাস ! পাণ্ডী দুইজনার দুর্দশ
একবার দেখ ইহাদের যমযন্ত্রণা শ্রবণ করিয়া আমার
হৃদয় ফাটিয়া যাইতেছে যখনগণ তোমার প্রাণান্ত করিবার
জন্ত তোমাকে নিদাক্ষকপে প্রহার করিয়াছিল কিন্তু তুমি তাহা-
দেব শুভকামন করিয়া ভগবানের চরণে প্রার্থনা করিয়াছিলে
তুমি ইহাদের শুভানুসন্ধান করিলে ইহারা পরিত্রাণ পাইতে
পারে । তোমার সংকল্প পণ্ডু কখনও অন্যথা করিবেন না
হরিদাস নিত্যানন্দেব অভিপ্রায় ভাৱরূপ জানিতেন, বলিলেন ;—

“তোমার যে ইচ্ছা সেই প্রভুব নিশ্চয়
আমারে ভাণ্ডাও যেন পণ্ডবে ভাণ্ডাও
আমারে সে তুমি পুনঃ পুনঃ যে শিখাও ”

অনন্তর নিত্যানন্দ ও হরিদাস, দুইজনে পরামর্শ করিয়া
জগাই মাধাই এর নিকট সর্বপাপহারী হরিনাম প্রচার করিতে
সংকল্প করিলেন নিত্যানন্দ বলিলেন ;—

“সবারে ভজিতে কৃষ্ণ প্রভুব আদেশ
তার মধ্যে অতিশয় পাণ্ডীরে বিশেষ ।
বলিবার ভারমাত্র আম দোহাকার
বলিলে না লয় হবে সেই ভার তাঁর ”

নিত্যানন্দ ও হরিদাস, জগাই মাধাই এর প্রতি অগ্রঃ
হইলামাত্র নগরব ভদ্রলোকগণ তাঁহাদিগকে নিষেধ করিয়া
বলিল, আপনারা কি ইহাদের নিকট গিয়া প্রাণ হারাইবেন ?
এই পাষাণদেব কি সন্ন্যাসী বলিয়া কোন জ্ঞান আছে ? তাই
আপনারা এত সাহস করিতেছেন ? নিত্যানন্দ ও হরিদাস

একথা গ্রাহ করিলেন না, শ্রীহরি শ্রবণ করিয়া অগ্রসব হইলেন,
এবং তাঁহাদের কথা যেন জগাই মাধাই শুনিতে পায়, এরূপ
স্থানে দণ্ডায়মান হইয়া উচ্চরবে বলিলেন ;—

“বল কৃষ্ণ ভজ কৃষ্ণ লহ কৃষ্ণ নাম
কৃষ্ণ মাতা কৃষ্ণ পিতা কৃষ্ণধন প্রাণ
তোমা সব লাগিয়া কৃষ্ণের অবতার
হেন কৃষ্ণ ভজ সব ছাড় অনাচার ॥”

এই কথা শুনিবামাত্র জগাই মাধাই মাথা তুলিয়া চারিদিকে
চাহিল, এবং মহাজুহু হইয়া “ধর ধর ধব” বলিয়া নিত্যানন্দ ও
হরিনামের প্রতি ধাবমান হইল পাষাণদের বিকটমূর্ত্তি দর্শনে
ও ভৈরব হৃদয় তর্জ্জন গর্জ্জন এবং ভীত হইয়া উভয়ে প্রস্থান
করিলেন ; জগাই মাধাইও পশ্চাৎদ্রাবিত হইল, দর্শকগণের মধ্যে
কেহ বা “হায় হায়” করিতে লাগিল, আবার কেহ কেহ
বলিল, নারায়ণ আজ ভণ্ডপন্থীদের উচিত শাস্তি করিলেন ।
যাহা হউক, প্রচারকদ্বয় পলায়ন করিয়া বঙ্গা পাইলেন হরি-
দাস বৃদ্ধ—যুবা নিত্যানন্দের সঙ্গে সঙ্গে তিনি দৌড়িতে না পারিয়া
রহস্য করিয়া তাঁহাকে বলিলেন, ভগবান যবনগণের হস্ত হইতে
রক্ষা করিয়াছেন, কিন্তু আজ তোমার বুদ্ধিতে অপমৃত্যুতে
প্রাণটা গেল ; চঞ্চল লোকেব কথায় মদ্যপায়ীকে কৃষ্ণনাম
উপদেশ করিলে এই প্রকার শাস্তিই হয় তখন দুই জনে
“আনন্দ কোন্দল” উপস্থিত হইল নিত্যানন্দ বলিলেন, আমি
কিসে চঞ্চল হইলাম ? প্রভুর আদেশে আমরা দুইজনে হরি-
নাম প্রচার কবিতে আসিয়াছি, তাঁহার আদেশ লঙ্ঘনও করিতে
পারি না, আদেশ পালন কবিলেও আবার এই বিপদ দুই

জনে উপদেশ করিয়া আমিই কেবল দোষভাগী হইলাম, তোমার কেমন বিচার । জগাই মাধাই তখনও ইহাদের অনুসরণ করিয়া তর্জন গর্জন করিতেছে, শেষে মদোর বিক্ষেপে (নেশাব ঝাঁকে) ছই জনে বিবাদ বাধিয়া গেল । নিতাই ও হরিদাস এ যাত্রা রক্ষা পাইয়া শ্রীগৌরচন্দ্রের নিকট উপস্থিত হইলেন ও সবিশেষ সমস্ত বৃত্তান্ত নিবেদন করিলেন ।

শ্রীচৈতন্য জগাই মাধাইএর বিবরণ শ্রবণে প্রথমে ক্রোধ প্রকাশ করিলে নিত্যানন্দ বলিলেন, ধার্মিক ব্যক্তি স্বভাবতঃ হরিনাম করে, তাহাতে আর তোমার মহিমা কি ? কিন্তু এই ছই জন পাপকর্মব্যতীত আর কিছুই জানে না ইহাদিগকে যদি হরিনামে কাদাইতে পার, তবেই তোমার পণ্ডিতপাবন নাম সার্থক বিশ্বস্তর হাস্য করিয়া বলিলেন, নিতাই । ইহারা যখন তোমার দর্শন প ইয়াছে, এবং তুমি ইহাদের মঙ্গল কামনা করিতেছ, তখন অচিরেই শ্রীহরী ইহাদিগকে উদ্ধার করিবেন । ভক্তগণ শ্রীগৌরবাব এই আশ্বাসবাক্যে শ্রীত হইয়া জয়ধ্বনি করিলেন । নিত্যানন্দ, অদ্বৈত আচার্য্য ও হরিদাসের মধ্যে পবম্পর পরিহাসরসিকতা চলিত । হরিদাস রহস্যচ্ছলে নিত্যানন্দের প্রচারবৃত্তান্ত আচার্য্যকে এইরূপে বলিতে লাগিলেন ;—

“চঞ্চলের সঙ্গে প্রভু আমারে পাঠায় ।

আমি থাকি কোথা সেবা কোন্ দিকে যায় ॥”

“কিছুই না বহি আমি ঠাকুরের স্থানে

দৈবযোগে আজি রক্ষা পাইল পরাণে ॥

মহা মাতোয়াল ছই পথে পড়িয়াছে ।

কৃষ্ণ উপদেশ গিয়া কহে তার কাছে ॥

মহাক্রোধে ধাইয়া আইসে মানিবার ।

জীবন রক্ষাব হেতু পসাদ তোমার ॥”

হরিদাসের কথায় বুদ্ধ অর্ধেক হাস্যবস উচ্ছলিত হইল। তিনি হাসিয়া বলিলেন, নিতাই একজন মাতাল, মাতালের সঙ্গে মাতালের সংযোগ ইহা আর বিচিত্র বি ? কিন্তু তুমি নিষ্ঠাবান ভক্ত হইয়া তাহাব মধ্যে কেন ? হরিদাস ! আমি নিতাই-এর চরিত্র বিলক্ষণ জানি, সে নিজের মাতাল, আর সকলকে মাতাল করিয়া তবে ছাড়িবে। দুই তিন দিন পবে দেখিবে, জগাই মাধাই মাতাল দুইটাও ভক্তগোষ্ঠীতে আসিয়া নিমাই ও নিতাই-এর সঙ্গে নৃত্য কবিতোছে, ইহার সব একাকার করিবে, এস, এই সময় তুমি আমি “জা’ত’ লইয়া পলায়ন করি

ইহার পর নিত্যানন্দের রূপায় জগাই মাধাই এব পবিত্র হইল। মাধাই নিত্যানন্দের মস্তকে মট্ কীৰ্ত্তন প্রহার করিয়া রক্তপাত করিয়াছিল, কিন্তু তিনি তাহাকে আলিঙ্গন ও আশীর্বাদ করিয়াছিলেন। নিত্যানন্দের অলৌকিক প্রেম ও ক্ষমা দর্শনে জগাই মাধাই এব হৃদয় পবিত্রিত হয় ইহাদেব উৎকট অনুতাপ ও বোদন বিলাপ দর্শনে লোকে বিস্ময়ে স্তম্ভিত হইয়াছিল। পরে তত্তদলে মিলিত হইয়া ইহাবা পরম সাধু হইয়া উঠিয়াছিল। জগাই মাধাই-এর উদ্ধাব অতি অলৌকিক ঘটনা। এই সকল বৃত্তান্তের সবিস্তার বর্ণন এই গ্রন্থের উদ্দেশ্য নহে, প্রসঙ্গতঃ যৎকিঞ্চিৎ লিখিত হইল মাত্র।

অতঃপর শ্রীগৌরাঙ্গ একদিন চন্দ্রশেখর আচার্যের ভবনে প্রকৃতি-বেশে অভিনয় করিয়াছিলেন। অর্ধেক আচার্য্য, শ্রীবাস প্রভৃতি কেহ বিদূষক, কেহ নারদ ইত্যাদি সাজিয়াছিলেন হরি-

দাস বৈকুণ্ঠের কোতোয়াল মাজিয়া হরিদাস ঘোষণা করিয়া
ছিলেন । হরিদাসের মস্তকে প্রকাণ্ড পাগড়ী, পরিধানে ধটা,
হস্তে বল্লম ও অঙ্গদ পায়ে নুপুর, ওষ্ঠে কৃত্রিম এক ঘোড়া বড়
গোঁফ, হস্তে সুদীর্ঘ যষ্টি ;—এই বেশে হরিদাস প্রথমে রঙ্গস্থলে
প্রবেশ করিলেন ও চারিদিকে ভ্রমণ করিয়া বলিতে লাগিলেন,
হে ভাই সকল ! আজ জগতের প্রাণস্বরূপ শ্রীগোবিন্দ লক্ষী-
বেশে নৃত্য করিবেন, অতএব তোমরা ইন্দ্ৰিয়গ্রাম সংযত করিয়া
সাবধান হও

“আরে আরে ভাই সব চও সাবধান ।

নাচিব লক্ষীর বেশে জগতের প্রাণ ।

হাতে নড়ি চারিদিকে ধাইয়া বেড়ায় ।

সর্বদা পুণক কৃষ্ণ সবারে জাগায়

কৃষ্ণ ভজ কৃষ্ণ সেব বল কৃষ্ণ নাগ ।

দস্ত করি হরিদাস করয়ে আহ্বান ।”

হরিদাসকে এই বেশে দর্শন করিয়া দর্শকগণ হাসা সংবরণ
করিতে পারিলেন না । কেহ কেহ জিজ্ঞাসা করিলেন, “কে-
তুমি ? এখানে কিজন্য আসিয়াছ ?” হরিদাস গোঁফ মুচড়া-
ইতে মুচড়াইতে দস্ত করিয়া বলিতে লাগিলেন,—

“—আমি বৈকুণ্ঠ কোটাল

কৃষ্ণ জাগাইয়া আমি বুলি সর্বকাল

বৈকুণ্ঠ ছাড়িয়া এড়ু আইলেন এথা ।

প্রেমভক্তি লোটাইব ঠাকুর সর্বথা ॥

লক্ষীবেশে নৃত্য আজি করিব আপনে

প্রেমভক্তি নুটি আজি হও সাবধানে ॥”

কথিত আছে, এই অভিনয়ক্ষেত্রে শ্রীগোবিন্দ আদ্যাশক্তির
বেশে হরিদাসকে ক্রোড় ধারণ করিয়া স্তন্যপান করাইয়া-
ছিলেন ।

“তবে সেই ঈশ্বরী হবিদাসের কর ধবি
কোলে বসাইল সে হাসিয়া
বসিয়া তাহার কোলে হরিদাস হাসি বলে
পঞ্চম বরিষের যেন শিশু ।
আশ্চর্য্য দেখিয়া মনে আনন্দিত সর্বজনে
হরিষ পাইল পক্ষীপশু ॥”

শ্রীচৈতন্য মঙ্গল



দ্বাদশ অধ্যায় ।

নবদ্বীপ হইতে পুনর্ব্বার শান্তিপুৰ গমন ।

শ্রীগোরাঙ্গ অদ্বৈত আচার্য্যক বিশেষ শ্রদ্ধা ও সম্মান করেন, আচার্য্যের তাহা ভাল লাগে না, শিষ্যও দাসভাবে থাকিতেই তাঁহার আন্তরিক ইচ্ছা । কিন্তু চৈতন্যপুত্ৰ জোর করিয়া তাঁহার পদধূলি গ্রহণ করেন, এজন্ত তিনি হরিদাসকে সঙ্গে লইয়া, পূৰ্ব্ব অধ্যায়ের বর্ণিত অভিনয়ের পর একদিন শান্তিপুৰের বাটীতে আসিলেন । আসিয়া “যোগবাশিষ্ঠ” অবলম্বনে কেবল জ্ঞান-মাহাত্ম্য ব্যাখ্যা করিতে লাগিলেন । উদ্দেশ্য, গোবচন্দ্র ইহা জ্ঞাত হইয়া তাঁহাকে শান্তি দিবেন, তাহা হইলেই তাঁহার মনো-ভিলাষ পূৰ্ণ হইবে । হরিদাস আচার্য্যের ব্যাখ্যা শুনিয়া হাসিতে লাগিলেন ।

কএক দিন পরে, শ্রীচৈতন্য, নিত্যানন্দ সমভিব্যাহারে শান্তিপুৰে আগমন করিলেন । আচার্য্য ভক্তিবাদ খণ্ডন করিয়া জ্ঞানকাণ্ডের প্রাধান্য ব্যাখ্যা করিতোছেন দেখিয়া তিনি তাঁহাকে শাসন করেন । আচার্য্য, মনস্কামনা সিদ্ধ হইল মনে করিয়া শ্রীগোঙ্গের চরণে পতিত হইয়া অনেক স্তবস্ততি করিলেন ।

হরিদাস, শ্রীগোরাঙ্গ, আচার্য্য ও নিত্যানন্দ, এই প্রভুত্রয়ের সঙ্গে কএক দিন শান্তিপুৰে পরমানন্দে বাস করিলেন । পরে সকলে আবার নবদ্বীপ আগমন করিয়া ভক্তমণ্ডলীতে মিলিত

হইলেন । নবদ্বীপ আবার কীৰ্ত্তন-কোলাহলে আন্দোলিত হইয়া উঠিল ।

“নিত্যানন্দ অর্ধে তৃতীয় হরিদাস
এই তিন সঙ্গে প্রভু আইলা নিজ বাস
শুনিল বৈষ্ণব সব আইলা ঠাকুর ।
ধাইয়া আইলা সব আনন্দ প্রচুর ”

এই সময়ে শ্রীগোবচন্দ্র মহা উচ্ছ্বাসে প্রমত্ত হইয়া নবদ্বীপে নগর সংকীৰ্ত্তন করেন । সহস্র সহস্র লোক নানাঙ্গাজে সজ্জিত হইয়া মৃদঙ্গমন্দিরা শঙ্খ করতাল প্রভৃতির বাদ্যযোগে নিশাকালে এই মহোৎসবে প্রমত্ত হইয়াছিল । ইহার সুবিস্তার বিবরণ বিবৃত করিলে স্বতন্ত্র একখানি পুস্তক হয় । এই সংকীৰ্ত্তন চারি সম্প্রদায়ে বিভক্ত হইয়াছিল, তন্মধ্যে হরিদাস এক সম্প্রদায়ের অধিনায়কতা করিয়াছিলেন *

এইরূপে হরিদাস, মহাপ্রভুর সন্ন্যাসগ্রহণ পর্য্যন্ত প্রায় সম্বৎসরকাল নবদ্বীপে ভক্তসমাজে বাস করিয়াছিলেন । গোবিন্দ প্রভু শিখাস্বত্র পরিত্যাগ পূর্ব্বক সন্ন্যাস গ্রহণ করিবেন, ভক্ত-

যথা শ্রীচৈতন্য ভাগবতেঃ—

“আচার্য্য গোসাঞি আগে জনকত লঞা
নৃত্য করি চলিলেন পরানন্দ হঞা ॥
তবে হরিদাস কৃষ্ণ হৃথের সাগর ।
আজ্ঞায় চলিল নৃত্য করিয়া সুলর ॥’

কিন্তু শ্রীচৈতন্য চরিতামৃতে লিখিত আছে ;—

“আগে সম্প্রদায় নৃত্য করে হরিদাস
মধ্যে নাচে আচার্য্য পরম উদাস ॥”

মণ্ডলীতে এই কথা প্রচারিত হইবামাত্র সকলেই বিষম ও ত্রি-
মাণ হইয়া নানা প্রকারে বিলাপ কবিত্তে লাগিলেন । হরিদাস,
বোদন কবিত্তে করিত্তে শ্রীগোরের চরণতলে পতিত হইয়া
আত্মসমর্পণ করিলেন । যথ শ্রীচৈতন্যমঙ্গলে :—

“পঁছ পায়ে হরিদাস করি নমস্কার ।

আত্মসমর্পণ করে বিনয় অপার ”

হরিদাস চৈতন্যপ্রভুর সঙ্গে গমন করিত্তে ইচ্ছা করায়, তিনি
নিষেধ কবেন । অনন্তর শ্রীচৈতন্য সন্ন্যাস গ্রহণার্থ কণ্টকনগরী
(কাটঞা) গমন করিলে হরিদাস বিষমহৃদয়ে ফুলিয়া আপনার
তপস্যাশ্রমে গমন কবিলেন ।

শ্রীগৌবচন্দ্র ১৪৩১ শকের মাঘমাসে * কণ্টক নগরীতে
শ্রীকেশব ভারতীর নিকট দীক্ষা ও “শ্রীকৃষ্ণচৈতন্য” নাম গ্রহণ
পূর্বক রাঢ়দেশ ভ্রমণ করিয়া হরিদাসের ফুলিয়া গ্রামে আগমন
করেন চৈতন্য প্রভুকে দর্শনার্থ তথায় লোকারণ্য হইল ।
তিনি তথা হইতে শান্তিপুরে আচার্য্য ভবনে আগমন করিলেন
হরিদাসও প্রভুর সঙ্গে তথায় উপস্থিত হইলেন । হরিধ্বনিতে
শান্তিপুর কোলাহলময় হইল, প্রভুর দর্শন পাইয়া ভক্তগণ সমস্ত
ছাথ বিস্মৃত হইলেন আচার্য্যগৃহে মহামহোৎসব আরম্ভ হইল ।

* “চব্বিশ বৎসর শেষ যেই মাঘ মাস ।

তার শুরু পক্ষে প্রভু করিলা সন্ন্যাস ॥

শ্রীচৈঃ চরিতামৃত, মধ্যলীলা ।

“গকর নিকটে কুন্ত আইসে হেন বেলে

১ সন্ন্যাসের মন্ত্র শুক কহে হেন কালে ॥”

শ্রীচৈঃ মঙ্গল, মধ্যখণ্ড ।

আচার্য্য মহা আয়োজন করিয়া চৈতন্যচন্দ্রকে ভোজন করাইলেন। ভোজনের সময় শ্রীচৈতন্য, মকুন্দ ও হরিদাসকে আহ্বান করিলেন। হরিদাস ঘোড়হস্তে বলিলেন, প্রভু, আমি অতি অধম নীচ জাতি, আমি বাহিরে একমুষ্টি ভোজন করিব। প্রভু আর কিছু বলিলেন না, নিত্যানন্দকে সঙ্গে লইয়া ভোজন করিলেন। অনন্তর সংকীৰ্ত্তন আরম্ভ হইল, হরিদাস এই কীর্ত্তনে উদ্ভূত নৃত্য করিয়াছিলেন তদনন্তর চৈতন্যচন্দ্র ভক্তগণকে প্রবোধ দিয়া নীলাচল উদ্দেশে যাত্রা করিতে উদ্যত হইলে, হরিদাস অশ্রবিসৰ্জন করিতে করিতে বলিলেন ;—

“নীলাচলে যাবে তুমি মোর কোন্ গতি

নীলাচলে যাইতে মোর নাহিক শক্তি

মুণ্ডি অধম নাপাইলু তোমার দবশন।

কেমতে ধবিব এই পাপিষ্ঠ জীবন ॥

শ্রীচৈঃ চঃ, মধ্যলীলা।

চৈতন্যপ্রভু বলিলেন, হরিদাস। তুমি দৈন্ত্য সংবরণ কর, তোমার দৈন্ত্য রোদনে আমার হৃদয় ব্যাকুল হইতেছে আমি তোমার জন্ত জগন্নাথ প্রভুকে নিবেদন করিয়া তোমাকে শ্রীপুর-ধোতমে লইয়া যাইব। অতঃপর শ্রীচৈতন্যচন্দ্র আচার্য্যের অনুরোধে আরও কএকদিন শান্তিপুৰে বাস করিয়া রোক্তদ্যমান জননী ও শোকাকুল ভক্তবৃন্দকে সান্ত্বনাবাক্যে আশ্বস্ত করিলেন, এবং নিত্যানন্দ প্রভৃতিকে সঙ্গে লইয়া নীলাচল উদ্দেশে বহির্গত হইলেন। হরিদাস, ফুলিয়া গমন করিয়া স্বীয় আশ্রমে বাস করিতে লাগিলেন

ত্রয়োদশ অধ্যায় ।

শ্রীপুরুষোত্তম গমন ।

শ্রীগৌরানন্দ ১৪৩১ শকের মাঘমাসের শুক্লপক্ষে সন্ন্যাসগ্রহণ করিয়া নীলাচলে উপস্থিত হইলেন, এবং ফাল্গুন চৈত্র এই দুইমাস তথায় অবস্থিতি করিয়া ১৪৩২ শকের বৈশাখ মাসে তীর্থভ্রমণার্থ দক্ষিণাপথে যাত্রা করেন। তীর্থভ্রমণে দুই বৎসর অতিবাহিত করিয়া তিনি ১৪৩৪ শকের রথযাত্রার পূর্বেই নীলগিবিতে আসিয়া উপনীত হইলেন। নিত্যানন্দ ও জগদানন্দ পণ্ডিত প্রভৃতি মহাপ্রভুর নীলাচলে প্রত্যাবর্তন সংবাদ বঙ্গদেশে প্রেরণ করিবার জন্ত পরামর্শ করিলেন, এবং মহাপ্রভুর তীর্থযাত্রার সঙ্গী কৃষ্ণদাস নামা ব্রাহ্মণযুবককে এই কার্যে নিয়োগ করিলেন। কৃষ্ণদাস প্রথমতঃ নবদ্বীপ, তৎপরে শান্তিপুবে আচার্য্য-ভবনে উপস্থিত হইয়া সবিশেষ নিবেদন করিলেন। এই সংবাদে বঙ্গদেশের ভক্তগণের হৃদয়ে আনন্দধারা প্রবাহিত হইল। নানাস্থান হইতে তাঁহারা আচার্য্যভবনে মিলিত হইতে লাগিলেন। স্নানসমাগমে আচার্য্যগৃহে মহামহোৎসব আরম্ভ হইল; হরিদাস এই মহোৎসবে সম্মিলিত হইয়া পরমানন্দলাভ করিলেন।

অনন্তর আচার্য্য ভক্তগণের সহিত যুক্তি করিয়া শ্রীচৈতন্য-চরণ দর্শনোদ্দেশ্যে নীলাচল গমন কবিত্তে কৃতসংকল্প হইলেন, এবং শ্রীমাতার অনুমতি গ্রহণের নিমিত্ত সকলকে সমস্তব্যাহারে

লইয়া নবদ্বীপে আগমন করিলেন সন্ততঃ হরিদাসও আচার্যের সঙ্গে নবদ্বীপে আসিয়াছিলেন ইহার পব হরিদাস, আচার্য্যপ্রমুখ ভক্তবৃন্দের সঙ্গে নীলাচল উদ্দেশে যাত্রা করিলেন এই সময় হবিদাসের বয়ঃক্রম আনুমানিক ৬২ ৬৩ বৎসর ; এই বৃদ্ধবয়সে হবিদাস যুবাব লায় উৎসাহ ও উদ্যম সহকাৰে পথ অতিক্রম কবিয়া যথা সময়ে পুরুষোত্তমক্ষেত্রে উপনীত হইলেন

হরিদাস যখন কুলোদ্ভব বলিয়া আপনাকে অতি নীচ ও পতিত জ্ঞান করিতেন, এবং পাছে অন্যের মৰ্য্যাদাভঙ্গ হয়, এজন্য সতত সঙ্কুচিত ও বিনীত ভাবে থাকিতেন। তাঁহার অলৌকিক চরিত্রে মুগ্ধ হইয়া সকলেই তাঁহাকে পরম সমাদর ও শ্রদ্ধাভক্তি করিতেন, ইহাতে তাঁহার হৃদয়ে কোনকপ অভিমান বা গৰ্ব উপস্থিত হওয়া দূরে থাকুক, আরও অধিক পবিমাণে তিনি লজ্জিত ও সঙ্কুচিত হইয়া পড়িতেন। ছুঃখের বিষয় বৰ্ত্তমান সময়ে ইহার বিপরীত চিত্রই আমরা সৰ্ব্বদা প্রত্যক্ষ করিয়া থাকি হরিদাসের মনে সৰ্ব্বদাই এই চিন্তা,—পাপকুলে আমার জন্ম—আমার দেহমন সৰ্ব্বক্ষণ অপবিত্র, জগন্নাথদেবের মন্দির সমীপে গমন করিতে আমার অধিকার নাই এইপ্রকার চিন্তাতে হরিদাস আপনাকে অতি নীচ ও মলিন জ্ঞান করিয়া অন্যান্য ভক্তগণের সঙ্গে শ্রীক্ষেত্রে প্রবেশ কবিলেন না, রাজপথের একপ্রান্তে থা কিয়া দূর হইতে মহাপ্রভুকে দূৰ্শন পূৰ্ব্বক দণ্ডবৎ প্রণাম ও রোদন করিতে লাগিলেন

এই যাত্রায় বঙ্গদেশ হইতে প্রায় দুইশত ভক্ত মহাপ্রভুকে দর্শন করিবার জন্ত আসিয়াছিলেন ভক্তগণ মহাপ্রভুর আশ্রম—কাশীমিশ্রের ভবনাভিমুখে হরিধ্বনির হুকার করিতে করিতে

যাইতেছেন, এমন সময়ে মহাপ্রভু অগ্রসব হইয়া তাঁহাদিগকে যথাযোগ্য সন্তোষ ও প্রেমালিঙ্গন করিয়া লইয়া আসিলেন হরিদাসকে দেখিতে না পাইয়া গোবাক্সপ্রভু জিজ্ঞাসা করিলেন আমার হরিদাস কোথায় ? তাহাকে দেখিতেছি না কেন এই কথা শুনিবামাত্র কএকজন হরিদাসের নিকট দৌড়িয় গিয়া বলিলেন, প্রভু তোমাকে আহ্বান করিতেছেন, শীঘ্র চল হরিদাস করযোড়ে বলিলেন, আমি অম্পৃশ্য নীচ জাতি, মন্দিরের নিকটে যাইবার আমার অধিকার নাই যদি জগন্নাথের সেবক গণ দৈবাৎ আমাকে স্পর্শ করেন, সর্বদাই এই ভয় হয় যদি কোন নির্জন টোটা * মধ্যে একটু স্থান পাই, তবে সেখানে একাকী থাকিয়া কোনরূপে কালযাপন করিতে পারি ভক্তগণ হরিদাসের এই প্রার্থনা শ্রীগৌরচরণে নিবেদন করিলে, হরিদাসের বিনয় দৈন্ত্য দর্শনে তিনি অতিশয় স্তম্ভ হইলেন কাশী মিশ্রের গৃহের অনতিদূরে পুষ্পোদ্যান মধ্যে অতি নিভৃতস্থানে একখানি ঘর ছিল ; মহাপ্রভু মিশ্রের নিকট হরিদাসের নিমিত্ত এই ঘরখানি ভিক্ষাস্বরূপ প্রার্থনা করিয়া তথায় হরিদাসেব আশ্রম নির্দিষ্ট করিলেন অনন্তর তিনি সমাগত বৈষ্ণবগণকে সন্নেহে বলিলেন, তোমরা এখন নিজ নিজ বাসায় গমন কর, সমুদ্রস্রোতে জগন্নাথের চূড়া দর্শন করিয়া আমার আশ্রমে সকলে ভোজন করিবে

তদনন্তর মহাপ্রভু হরিদাসকে দর্শন দিবাব নিমিত্ত পথিপার্শ্বে গিয়া দেখিলেন, বৃদ্ধ হরিদাস, পথের একপার্শ্বে পতিত

হইয়া প্রেমানন্দে নামসংকীৰ্ত্তন করিতেছেন, নয়নবারিতে সৰ্ব্বাঙ্গ ভাসিয়া যাইতেছে প্রভুকে দেখিবাগাত্র হরিদাস দণ্ডবৎ হইয়া তাঁহার পদতলে লুপ্তিত হইলেন । শ্রীচৈতন্য হরিদাসকে উঠাইয়া আলিঙ্গন দান করিলেন হরিদাসকে স্পর্শ করিবাগাত্র তাঁহার হৃদয়ে প্রেমানন্দ উথলিয়া উঠিল, দুইজনে অনেকক্ষণ পর্য্যন্ত প্রেমাশ্রুবর্ষণ কবিতো লাগিলেন হরিদাস কৃতাজলিপুটে বলিলেন, প্রভু, আমি অতি নীচ, পরম পামর, আপনাব স্পর্শের কখনও যোগ্য নহি শ্রীচৈতন্য হরিদাসকে প্রবোধ দিয়া বলিলেন, হরিদাস ! তোমার পবিত্রতা আমাতে নাই । আমি নিজে পবিত্র হইবার জন্তই তোমাকে স্পর্শ ও আলিঙ্গন করি তুমি প্রতিমুহূর্ত্তে সকল তীর্থস্থান এবং সমস্ত তপস্যা ও যজ্ঞাদি করিতেছ । নিরন্তর তোমার বদনে বেদ উচ্চরিত হইতেছে, ব্রাহ্মণ সন্ন্যাসী হইতেও তুমি পরম পবিত্র এই কথা বলিয়া শ্রীচৈতন্য শ্রীমদ্ভাগবতের এই শ্লোক উচ্চারণ করিলেন ;—

“অহোবত স্বপচোহতো গবীয়ান্ যজ্জিহ্বাগ্রে বর্ত্ততে নাম তুভ্যং ।
তেপু স্তপস্তে জুহবুঃ সন্নুরাৰ্য্যাঃ ব্রহ্মানুচূৰ্ণাম গৃণন্তি যে তে ॥”*

“প্রভু দেখি পড়ে পাষ দণ্ডবৎ হঞা

প্রভু আলিঙ্গন কৈল তাবে উঠাইয়া

* যে ব্যক্তির জিহ্বাগ্রে তোমার নাম বর্ত্তমান, সে চণ্ডাল হইলও গবীয়া ।
যাঁহার তোমার নাম গ্রহণ করেন, তাঁহাবাই প্রকৃত তপস্যা করেন, হোমকবেন,
তীর্থে স্নান করেন, বেদাদি অধ্যয়ন করেন, এবং তাঁহারই আৰ্য্য অর্থাৎ
সদাচারনিরত ।

শ্রীমদ্ভাগবত, ৩য় স্কন্ধ, ৩৩শ অধ্যায় ।

ছুই জনে শ্রেমাবেশে করেন ক্রন্দনে
 প্রভু গুণে ভূত্য বিকল প্রভু ভূত্য গুণে
 হরিদাস কহে প্রভু না ছুইহ মোরে
 মুখি নীচ অস্পৃশ্য পরম পামরে
 প্রভু কহে তোমা স্পর্শি পবিত্র হইতে ।
 তোমার পবিত্র ধর্ম নাহিক আমাতে ॥
 ক্ষণে ক্ষণে কর তুমি সর্ব তীর্থে স্নান
 ক্ষণে ক্ষণে কর তুমি যজ্ঞ তপ দান
 নিবন্তর কর তুমি বেদ অধ্যয়ন ।
 বিজ্ঞাসী হৈতে তুমি পরম পাবন ।”

শ্রীচৈতন্য চরিতামৃত, মধ্যলীলা ।

অনন্তর গৌরাঙ্গপ্রভু হরিদাসকে, তাঁহার জন্ম নির্দিষ্ট
 পুষ্পোদ্যানস্থিত কুটীরে লইয়া গিয়া বলিলেন, তুমি এই মিত্ত
 কুটীরে বাস করিয়া শ্রীহরির নাম কর শ্রীমন্দিরের চক্র
 দেখিয়া এইখান হইতেই প্রণাম করিও । আমি প্রতিদিন
 আসিয়া তোমাকে দর্শন দিয়া যাইব তুমি এই স্থানে বসিয়াই
 প্রতিদিন প্রসাদ লাভ করিবে নিত্যানন্দ ও জগদানন্দ
 প্রভৃতি হরিদাসকে পাইয়া মহানন্দ লাভ করিলেন হরিদাস
 নীলাচলবাসী রায় রামানন্দ ও সার্বভৌম ভট্টাচার্য্য প্রমুখ ভক্ত-
 বৃন্দের সহিত পরিচিত হইয়া আপনাকে কৃতার্থ ও ধন্য জ্ঞান
 করিলেন

এই দিন মহাপ্রভুর নিমন্ত্রণ অনুসারে ভক্তগণ তাঁহার
 আশ্রমে সমবেত হইলে তিনি নিজ হস্তে সকলকে পরিবেষণ
 করিলেন, এবং স্বীয় ভূত্য গোবিন্দ দ্বারা হরিদাসের জন্ম জগ-

মাণিক্য দেবের বিবিধ উপাদেয় মহাপ্রসাদ গ্রহণ করিয়া নিজে ভোজন করিতে বসিলেন ।

রথযাত্রা নিকটবর্তী হইলে “গুণ্ডিচামন্দির” * মার্জনের পর মহাপ্রভু পরিকরগণ সহ কোন উপবনে ভোজন করেন এই প্রীতিভোজনে সকলে যথাযোগ্যক্রমে আসন পরিগ্রহ করিলে মহাপ্রভু হবিদাসকে সকলের সহিত ভোজন কবিবার জন্ত হরিদাস ! হরিদাস ! বলিয়া উচ্চঃস্বরে ডাকিতে লাগিলেন । হরিদাস অতিশয় কুণ্ঠিত হইয়া দূর হইতে বলিলেন, প্রভু রক্ষা করুন ! আমি ঘৃণিত অস্পৃশ্য, ভক্তগণের সঙ্গে বসিবার অযোগ্য । আপনি ইচ্ছাদের সঙ্গে প্রসাদ গ্রহণ করুন, পশ্চাতে বহির্দ্বারে গোবিন্দ আমাকে প্রসাদ দিবেন । হরিদাসের অভিপ্রায় বুঝিয়া গোবচন্দ্র তাঁহাকে এজন্ত আব অহুরোধ করিলেন না । গোবিন্দ প্রতিদিন হরিদাসকে মহাপ্রসাদ দিয়া যাইতেন, এই দিন মহাপ্রভুর ভুক্তাবশেষ প্রসাদান্ন কিঞ্চিৎ তাঁহাকে দিয়াছিলেন

রথযাত্রা সমাগত হইলে শ্রীক্ষেত্র আনন্দ-কলরবে কোলাহল-ময় হইল এই বৎসর রথযাত্রাব সময় মহাপ্রভু সাতসম্প্রদায়ে মিলিত হইয়া মহাসংকীর্তন করিয়াছিলেন । হবিদাস, মহাপ্রভু

* রথযাত্রার সময়, জগন্নাথদেব শ্রীমন্দির হইতে যে স্থানে যাইয়া অনুস্থান করেন, তাঁহাকে “গুণ্ডিচামন্দির” বলে । ইহা শ্রীমন্দির হইতে এক মাইল দূরে “ইন্দ্র-দ্রোণ” নামক দীর্ঘিকায়া তীরে অবস্থিত এই মন্দিরে নয় দিবস উৎসব হইয়া থাকে । রথযাত্রার পূর্বে এই মন্দির ধৌত ও মার্জন করিতে হয় । মহাপ্রভুর এই মন্দিরমার্জনলীলায় উৎকল ভাষায় ‘/ধায়াপাখ লালীলা’ বলিয়া থাকে •

ও পারিষদবৃন্দের সঙ্গে নৃত্যকীর্তনে যোগদান করিয়া চরিতার্থ হইলেন । অনন্তর গোড়ের ভক্তগণ চারিমাस বাস করিয়া গৃহে প্রত্যাগমন করিলেন । হরিদাস শ্রীগৌরাঙ্গপ্রভুর সঙ্গে চিরজীবন বাস করিবার সংকল্প করিয়া নীলাদ্রি পবিত্যাগ করিলেন না ; পুষ্পকাননস্থ শান্তরসাম্পদ নির্জন আশ্রমে অবস্থান করিয়া নিরন্তর শ্রীহরির নামানন্দসমুদ্রে নিগম্য হইয়া রহিলেন ।

হরিদাসেব নীলাচলে আগমন ও অবস্থান সম্বন্ধে বৈষ্ণব-গ্রন্থকারগণের বর্ণনায় নানারূপ মতভেদ পরিলক্ষিত হয় শ্রীচৈতন্যচরিতামৃতের মধ্যলীলার দশম ও একাদশ পরিচ্ছেদে লিখিত আছে, মহাপ্রভুর দক্ষিণদেশ হইতে শ্রীক্ষেত্রে প্রত্যাগমনের সংবাদ পাইয়া অদ্বৈত আচার্য্য প্রভৃতির সঙ্গে হরিদাস নীলাচলে আসিয়াছিলেন । এই মধ্যলীলার পঞ্চদশ পরিচ্ছেদে, বথযাত্রার পর আচার্য্য প্রভৃতির গোড় প্রত্যাগমনেব বৃত্তান্ত লিখিত আছে । কিন্তু ইহার মধ্যে হরিদাসেব নামোল্লেখ নাই এইমাত্র লিখিত আছে ;—

“এই মত সর্বভক্তের কহি সব গুণ

সবারে বিদায় দিল করি আনিঙ্গন ॥”

ইহার পর, এই লীলার ষোড়শ পরিচ্ছেদে গোড়ের ভক্তবৃন্দের দ্বিতীয় ও চতুর্থবার নীলাচল আগমন ও প্রত্যাগমন বৃত্তান্ত বর্ণিত হইয়াছে ; ইহার মধ্যেও হরিদাসের কোনরূপ প্রসঙ্গ নাই । সম্রাটের পঞ্চমবর্ষে (অর্থাৎ ১৪৩৬ শকে) মহাপ্রভু বৃন্দাবন যাইবার ইচ্ছা করিয়া বিজয়া দশমীর দিন যাত্রা করেন, এবং বঙ্গদেশে উপনীত হইয়া শান্তিপুর প্রভৃতি ভক্তান্বিত

তীর্থস্থ গ্রাম সকল পরিভ্রমণ পূর্বক গোড়সন্নিহিত রামকেনিতে আইসেন গোবাক্সপ্রভু এই স্থানে শ্রীমৎ রূপ ও সনাতন গোস্বামীকে উদ্ধার করিয়া পুনর্বার শান্তিপুরে অধৈত আচার্য্য-গৃহে উপস্থিত হন ও শ্রীমাধবেন্দ্রপুরীর তিথি-আরাধনা উৎসব সম্ভোগ করেন এ যাবৎ হরিদাস তাঁহার সমভিব্যাহারেই ছিলেন শান্তিপুর হইতে মহাপ্রভু পুনর্বার নীলাচলে আইসেন এইবাব কে কে সঙ্গে আসিয়াছিলেন, বৈষ্ণবগ্রন্থে তাহার উল্লেখ নাই শ্রীচরিতামৃতের মধ্যলীলার প্রথম পরিচ্ছেদের শ্রুতমধ্যে আছে ;—

“বলভদ্র ভট্টাচার্য্য আর পণ্ডিত দামোদর ।

তুই জন সঙ্গে প্রভু আইল নীলাচল ’

কিন্তু এই লীলায় যোড়শ পরিচ্ছেদে নীলাচলস্থ ভক্তদিগের নিকট মহাপ্রভু গোড়ভ্রমণ বৃত্তান্ত বর্ণন করিবাব সময় বলিয়াছেন ;—

“ভক্তগণে রাখিয়া আইল স্থানে স্থানে ।

আমা সঙ্গে আইল সব পঁচ ছয় জনে ”

এই “পঁচ ছয় জনের” মধ্যে হরিদাস একজন ছিলেন কি-না বলা যায় না, বোধ হয় ছিলেন । মধ্যলীলার পঞ্চবিংশতি পরিচ্ছেদে লিখিত হইয়াছে, মহাপ্রভু বৃন্দাবন দর্শনান্তে কাশীধামে দণ্ডী-দিগেব সহিত ভক্তিপ্রসঙ্গ করিয়া নীলাদ্রি আসিবার সময়, হরিদাস ঠাকুর প্রভৃতি ক্ষেত্রবাসিভক্তগণ তাঁহাকে প্রত্যাগমন করিয়া আনিবাব জন্ত “নরেন্দ্র” সরোবর তীরে গিয়াছিলেন যথা :—

“কাশীমিশ্র প্রত্ন্যম্ন মিশ্র পণ্ডিত দামোদর

হরিদাস ঠাকুর আর পণ্ডিত শঙ্কর

আর সব ভক্ত প্রভুর চরণে পড়িল।

সব আলিঙ্গিয়া প্রভু প্রেমাবিষ্ট হৈলা ।”

স্মরণ্য অনুমিত হইতেছে, হরিদাস প্রথমবার নীলাচল আসিয়া আর ফিরিয়া যান নাই । পরে ১৪৩৬ শকে মহাপ্রভু বৃন্দাবন গমন উদ্দেশ্যে গোড় রাগকেলিতে আসিলে, হরিদাসও তাঁহার সঙ্গে সঙ্গে আগমন ও তথা হইতে পুনর্বার শান্তিপুর হইয়া নীলাদ্রি প্রত্যাবর্তন করিয়াছিলেন ।

এ সম্বন্ধে শ্রীচৈতন্যভাগবত ও শ্রীচৈতন্যচন্দ্রোদয় নাটকের বর্ণনা অত্যুৎকৃষ্ট । শ্রীচৈতন্যভাগবতের অন্ত্যখণ্ডের অষ্টম অধ্যায়ে লিখিত হইয়াছে, শ্রীঅদ্বৈত আচার্য্য প্রভৃতিব সঙ্গে হরিদাস শ্রীক্ষেত্রে আগমন করেন এই যাত্রায় বৈষ্ণবগৃহিণীগণেব আগমনবৃত্তান্তও বর্ণিত হইয়াছে । শ্রীচরিতামৃতের মতে ভক্তগণের দ্বিতীয় যাত্রায় নিত্যানন্দ প্রভৃতির সঙ্গে শ্রীলোকেরা আসিয়াছিলেন ইহা মহাপ্রভুর নীলাদ্রি হইতে গোড় আগমনের পূর্বে—পবে নহে । কিন্তু শ্রীচৈতন্যভাগবতে এই ঘটনা প্রভুর গোড় হইতে প্রত্যাগত হওয়ার পরে লিখিত হইয়াছে । উক্ত গ্রন্থানুসারে নিত্যানন্দপ্রভু ইহার কিছু পূর্বেই নবদ্বীপ হইতে স্থায়ী পবিকরগণের সঙ্গে পুতীধামে আসিয়াছিলেন, এবং বৈষ্ণবগণ এইবার আচার্য্য প্রভুর সঙ্গে আইসেন । উভয় গ্রন্থের এই অংশের বর্ণনাত অनेকটা সাদৃশ্যও আছে । শ্রীচরিতামৃতের বর্ণনাই সমধিক সঙ্গত বলিয়া বোধ হয় । ইহাতে আরও লিখিত হইয়াছে, মহাপ্রভু গোড়দেশ হইতে নীলাচলে প্রত্যাগমনের পব রথযাত্রা দীর্ঘায়ী ঝারিধণ্ডের বনপথে বৃন্দাবন যাত্রা করেন । এই বৎসর গোড়ের ভক্তগণ রথযাত্রায় শ্রীক্ষেত্রে আইসেন নাই ;

শান্তিপুবে মহাপ্রভু তাঁহাদিগকে আসিতে নিষেধ করিয়াছিলেন বৃন্দাবন হইতে মহাপ্রভু শ্রীক্ষেত্রে প্রত্যাগত হওয়াব পর, স্বরূপ গোস্বামী বঙ্গদেশে এই সংবাদ প্রেরণ কবিলে ভক্তগণ আসিয়া ছিলেন । কিন্তু এই যাত্রায় হরিদাস ছিলেন না । তিনি তৎপূর্বেই নীলাচলে ভক্তগোষ্ঠীতে বাস করিতেছিলেন ইহা ইতঃপূর্বে উল্লিখিত হইয়াছে । এতাবত হরিদাস যে শান্তিপুরে পুরী-গোস্বামীর তিথি-আরাধনা উৎসবের পবে শ্রীগৌরের সঙ্গে নীলাদ্রিতে উপস্থিত হইয়াছিলেন, ইহাই সঙ্গত বলিয় বোধ হইতেছে । গোড়ের বৈষ্ণবগণ অনেকবার মহাপ্রভুকে দর্শন করিতে আসিয়াছিলেন ; শ্রীচৈতন্যভাগবতলেখক সংক্ষেপে তাহার বর্ণনা করিতে চেষ্টা করাতেই বোধ হয় এইরূপ গোলযোগ ও ক্রমবিপর্যয় ঘটিয়াছে ।

মহাপ্রভু প্রেমানন্দ দাস কর্তৃক অনুবাদিত শ্রীচৈতন্য চন্দ্রোদয় নাটকে হরিদাস ঠাকুরের দুই বার নীলাচল আগমনের কথা লিখিত হইয়াছে । প্রথমবার—মহাপ্রভু দক্ষিণাত্য হইতে প্রত্যাগমনের পর । দ্বিতীয়বার—বৃন্দাবন হইতে প্রত্যাগমনের পর । মহাপ্রভু, দক্ষিণদেশে তীর্থভ্রমণে যাইবার সময় নিত্যানন্দ, যুকুন্দ প্রভৃতিকে যাবৎ তিনি প্রত্যাবর্তন না করেন, তাবৎকাল নীলাচলেই অবস্থিতি কবিত্তে আদেশ করিয়াছিলেন । তদনুসাবে ইহারা নীলাচলেই ছিলেন, ইহাই শ্রীচৈতন্যমতে উল্লিখিত হইয়াছে । কিন্তু শ্রীচৈতন্যচন্দ্রোদয় নাটকের অষ্টম অঙ্কে লিখিত আছে, শ্রীগৌরানন্দ তীর্থযাত্রা করিবাব অব্যবহিত পরেই নিত্যানন্দপ্রভু যুকুন্দের সহিত পরামর্শ কবিয়া বঙ্গদেশে গমন করেন এবং প্রভু শ্রীক্ষেত্রে প্রত্যাগত হইলে স্বীয় পার্শ্বদগণ

সমভিব্যাহারে তথায় আসিয়াছিলেন ; হবিদাস অদ্বৈত আচার্য্যের সঙ্গে আগমন করেন । এই গ্রন্থেব দশম অঙ্কে লিখিত আছে, হবিদাস নিত্যানন্দেব সহিত দ্বিতীয়বার পুরীতে আসিয়া-ছিলেন *

শ্রীলোচনানন্দ দাস ঠাকুর প্রণীত শ্রীচৈতন্যমঙ্গল গ্রন্থে হবিদাস ঠাকুরেব নীলাচল আগমনের কোন উল্লেখ নাই ।

* উক্ত গ্রন্থে বর্ণিত আছে, এই সময় সার্কভৌম ভট্টাচার্য্য কাশীর সন্ন্যাসি-গণকে ভক্তিপথে আনয়নের জন্য নীলাচল হইতে যাত্রা করিয়া কিয়দূর গমন করিলে হরিদাস প্রভৃতির সহিত পশ্চিমধ্যে তাঁহার সাক্ষাৎ হয় । সার্কভৌম হরিদাসকে সকলের পশ্চাতে আসিতে দেখিয়া পরমোন্মাদে “কুলজাত্যনপেক্ষায় হবিদাসায় তে নমঃ” এই শ্লোক পাঠ করিয়া তাঁহাকে প্রণাম করিলেন । হরিদাস সার্কভৌমকে প্রণাম করিতে দেখিয়া ভীত ও সঙ্কুচিত হইয়া দূরে সরিয়া গিয়া দণ্ডবৎ কবিলেন

“দূরে প্রণমিল হরিদাস পাঞা ভয় ।

দেখি সার্কভৌম হরিদাস প্রতি কয় ॥

জাতি কুল বৃথ সব ইহা বুঝাইতে ।

স্নেহকূলে তুমি জন্ম লইলে ইচ্ছাতে ॥

প্রতিদিনে তিন লক্ষ লও কৃষ্ণ নাম

শ্রবণে মুনীন্দ্র যাবে করেন প্রণাম ॥

নাম্যার নমস্যা তুমি এবা কোন চিত্ত

ভক্তিবলে কর তুমি ভুবন পবিত্র ॥

নিজ স্তব শুনি লজ্জা পাইল হরিদাস ।

সার্কভৌম চেষ্টা দেখি সবার উল্লাস ”

শ্রীচৈতন্যচন্দ্রোদয় নাটক, দশম অঙ্ক ।

মহাপ্রভুর নীলাচল হইতে বঙ্গদেশ ও বৃন্দাবন আগমন সম্বন্ধেও ইহাতে ভিন্ন মত প্রকটিত হইয়াছে বৈষ্ণবগ্রন্থের এই সমুদায় মতভেদের আজিও কোনরূপ মীমাংসা হয় নাই শ্রীচরিতামৃত গ্রন্থে এই সমস্ত বৃত্তান্ত অপেক্ষাকৃত বিশদ ও বিস্তৃতরূপে বর্ণিত হইয়াছে এই গ্রন্থের প্রামাণিকতা বৈষ্ণবসমাজে সর্ববাদি-সম্মত । আমরাও এতৎ সম্বন্ধে প্রধানতঃ এই গ্রন্থেবই অনুসরণ করিয়াছি ।

চতুর্দশ অধ্যায় ।

শ্রীক্ষেত্রবাস—ইষ্টগোষ্ঠী ।

শ্রীচৈতন্যচন্দ্র বৃন্দাবন ধাম হইতে নীলাদ্রিতে প্রত্যাগত হওয়ার কিছু দিন পরে প্রথমে শ্রীকৃষ্ণ গোস্বামী ও তৎপরে শ্রীসনাতন গোস্বামী * তথায় আগমন করেন ইহঁরা ব্রাহ্মণ-কুলজাত হইয়াও রাজকর্মোপলক্ষে যবনের ঘনিষ্ঠ সংস্রব বশতঃ সমাজে পতিত ছিলেন ; এবং বিনয়াবনত চিত্তে আপনাদিগকে অস্পর্শীয় অতি নীচ জ্ঞান করিয়া অন্যের মর্যাদারক্ষণে সতত সচেष्ट থাকিতেন । এইজন্য ইহঁরা শ্রীক্ষেত্রে আগমন করিয়া জগন্নাথমন্দিরে গমন করিতেন না, হরিদাসের সাধন-কুটীরে অবস্থান করিতেন । শ্রীগৌরমুন্দর প্রতিদিন জগন্নাথের উপ-লভোগ দর্শনান্তে ভক্তবৃন্দসহ হরিদাসের আশ্রমে সমুপস্থিত হইয়া রূপসনাতন ও হরিদাস—ইহঁাদের মধ্যে যিনি যখন থাকিতেন, তাঁহার সঙ্গে কিছুক্ষণ ইষ্টালাপে যাপন করিতেন । শ্রীকৃষ্ণ গোস্বামী রথযাত্রার পূর্বে নীলগিরিতে আসিয়া দোলযাত্রা পর্য্যন্ত হরিদাসের কুটীরে বাস করেন । হরিদাস তাঁহার সঙ্গে উগবৎপ্রসঙ্গে পরমানন্দ লাভ করিয়াছিলেন ।

মহাপ্রভু এক একদিন হরিদাসের আশ্রমে ভক্তগণকে লইয়া

* মৎস্যগীত 'ভক্তচরিতামৃত' অর্থাৎ বৈষ্ণবাচার্য্য শ্রীমৎ কৃষ্ণ. সনাতন ও জীব গোস্বামীর জীবনচরিত গ্রন্থ দেখ ।

অনেকক্ষণ পর্য্যন্ত ইষ্টগোষ্ঠী করিতেন। একদিন শ্রীগৌরানন্দ হরিদাসকে বলিলেন, হরিদাস ! এই কলিকালে গোত্রান্ধগণেব হিংসাকারী মহাদুরাচাঁব এই যে অসংখ্য যবন, কি প্রকাবে ইহাদের নিস্তার হইবে, ইহা চিন্তা করিয়া আমি ছঃখিত হইতেছি। হরিদাস বলিলেন, প্রভু, সে জন্ত তুমি চিন্তা করিও না। যবনেরা “হারাম” শব্দ উচ্চারণ করে; ভক্তগণও প্রেমানন্দে “হা ! রাম !” বলিয়া থাকেন। যবনগণেব “হারাম” শব্দে প্রেমবাচী “হা”, ও ভগবানের অব্যবহিত নাম “রাম”, এই দুই অক্ষর রহিয়াছে; ভগবানের নাম ব্যবহিত হইলেও (অর্থাৎ সংকেতে নামাভাস হইলেও) তাহার এমনই গুণ যে, তদ্বারাই সকল পাপের ক্ষয় হইয়া থাকে। স্মৃতবাং যবনেরা যে “হারাম” শব্দ উচ্চারণ করিয়া অনায়াসে মুক্তি লাভ করিবে, তাহাতে আব সংশয় নাই * দেখুন, মহাপাপী অজামিল মৃত্যুকালে স্বীয়

* “দংষ্টি দংষ্ট্রাহতো মেচ্ছো হা রামেতি পুনঃ পুনঃ ।

উক্তাপি মুক্তিমাপ্নোতি কিং পুনঃ শঙ্কয়া গৃণন্ ॥’

নৃসিংহ পুরাণ

বরাহদস্তাযাতে আহত মেচ্ছগণ যখন ‘হারাম’ শব্দ পুনঃ পুনঃ উচ্চারণ করিয়া মুক্তি প্রাপ্ত হয়, তখন শব্দপূর্ব্বক ‘হা রাম ! নাম গ্রহণ করিলে যে অনায়াসে মুক্তিলাভ হইবে, ইহাতে আর সংশয় কি ?

“নামৈকং যস্য বাচি স্মরণপথগতং শ্রোত্রমূলং গতং বা

• শুদ্ধং বাণ্ডুকবর্ণং ব্যবহিতরহিতং তারয়তোব সত্যং

তচ্চেদেহদ্রবিগ্জনতালোভপ যও মধ্য

নিষ্কিপ্তং স্যাম্বলজনকং শীঘ্রমেবাত্র বিপ্র ॥”

পদ্মপুবাণীয় নামাপরাধ নিরসন শ্লোক ।

পুত্রের “নারায়ণ” নাম গ্রহণ করাতেই বিষ্ণুদূত আগমন করিয়া যমদূতের হস্ত হইতে তাহাকে মুক্ত করিয়াছিল । শ্রীভাগবতের অজামিলোপাখ্যান এ কথার সাক্ষী *

“হরিদাস কহে এতু চিন্তা না করিহ ।
যবনের সংসার দেখি দুঃখ না ভাবিহ ॥
যবন সকলেব মুক্তি হবে অনায়াসে ।
হা রাম হা বাম বলি কহে নামাভাসে
মহাপ্রেমে ভক্ত কহে হা রাম হা রাম ।
যবনের ভাগ্য দেখ লয় সেই নাম

অর্থাৎ ভগবানের একটি মাত্র নাম যদি বাক্যে উচ্চারিত, স্মৃতিপথে উদ্ভূত কি শ্রোত্রমূলে প্রবিষ্ট হয়, তাহা শুদ্ধ বা অশুদ্ধ বর্ণাদি যেকোনই হউক না কেন, তাহাতে নিশ্চয়ই পরিত্রাণ লাভ হয় । কিন্তু হে বিপ্র । এই নাম যদি দেহ ধন ও আত্মীয় স্বজনাদিলুপ্ত পাবাদিগের হৃদয়ক্ষেত্রে নিক্ষিপ্ত হয়, তাহা হইলে শীঘ্র ফল জনক হয় না

“তং নিক্ষ্যাজং ভজ্য গুণনিধে পাবনং পাবনানাং
অক্ষারজ্যান্মতিরতিতরামৃতমঃশ্লোকমোলিং
প্রোদ্যন্নন্তঃকরণকুহরে হস্ত যন্মামভানো
রাভাসোহপি ক্ষপয়তি মহাপাতকধ্বাস্তরাশিঃ ।

ভক্তিরসামৃত সিদ্ধি ।

অর্থাৎ হে গুণনিধি । (নারদ ।) তুমি অক্ষাপূর্বক অকপটে পাবনের পাবন ও দেবতাদিগের শিরোভূষণ স্বরূপ ভগবানের ভজনা কর ; যীহার নমিস্বরূপস্থ্যের আভাসমাত্রও অস্ত্রঃকরণকুহরে প্রকাশিত হইলে মহাপাতকরূপ অক্ষকারনাশি তৎক্ষণাৎ দূরীভূত হইয়া থাকে ।

* শ্রীমদ্ভাগবত, ষষ্ঠস্কন্ধ, অজামিলোপাখ্যান দেখ

যদ্যপি অন্ত্র সঙ্কেতে হয় নামাভাস ।
 তথাপি নামের ভেজ নাহয় বিনাশ ”
 “বাগ দুই অক্ষর ইহা নহে ব্যবহিত ।
 প্রেমবাচী হা শব্দ তাহাতে ভূষিত ॥
 নামের অক্ষর সবেব এইত স্বভাব
 ব্যবহিত হৈলে না ছাড় আপন প্রভাব
 নামাভাস হৈতে হয় সর্ব পাপ ক্ষয় ।
 নামাভাস হৈতে হয় সংসারের ক্ষয়
 নামাভাসে মুক্তি হয় সর্ব শাস্ত্রে দেখি
 শ্রীভাগবতে তাহা অজামিল সাক্ষী ॥”

শ্রীচৈতন্যচরিতামৃত, অন্ত্যলীলা ।

শ্রীগোবিন্দ, হরিদাসের সরলতাপূর্ণ এই সমস্ত কথা শ্রবণ করিয়া
 অতিশয় সন্তুষ্ট হইলেন, এবং ভক্তি করিয়া পুনর্বার জিজ্ঞাসা
 করিলেন, হরিদাস । পৃথিবীতে বহুল জীবজন্তু স্থাবর জঙ্গম
 আছে, ইহাদেব উদ্ধাবের উপায় কি ? হরিদাস বলিলেন, প্রভু,
 তুমি কৃপা পূর্বক উচ্চৈঃস্বরে যে হরিনাম সংকীৰ্ত্তন প্রচার
 করিয়াছ, তাহাতেই স্থাবর জঙ্গম মুক্তিলাভ করিয়াছে । হরি-
 নাম শুনিয়া সমুদায় প্রাণিজঙ্গম উদ্ধার লাভ করিতেছে ;
 স্থাবরে যে প্রতিধ্বনি শোনা যায়, তাহা প্রতিধ্বনি নয়, তাহারাও
 হরিনাম কীৰ্ত্তন করিতেছে তোমার কৃপাতে সমুদায় জগৎ—
 স্থাবর জঙ্গম উচ্চসংকীৰ্ত্তন শুনিয়া প্রেমামন্দে নৃত্য করিতেছে ।
 নিখিল জগতের সংসারবন্ধন মোচনের জন্যই তুমি উচ্চসংকী-
 র্ত্তন প্রচার করিয়াছ

শ্রীগৌরহৃন্দের পুনর্বার জিজ্ঞাসা করিলেন, হরিদাস ! সমু-

দায় জীব মুক্তি লাভ করিলে এই ব্রহ্মাণ্ড যে জীবশূন্য হইবে, ?
হরিদাস উত্তর কবিলেন, প্রভু, তোমার নিগূঢ়লীলা কে বুঝিতে
পারে ? তুমি সমস্ত জীবগণকে মুক্ত করিয়া বৈকুণ্ঠে পাঠাইবে,
আবাব স্তম্ভজীব উৎপন্ন হইয়া এই ব্রহ্মাণ্ড স্থাবর জন্ম
পূর্বের স্থায় পরিপূর্ণ করিবে ।

‘হরিদাস বলে তোমার যাবৎ মর্ত্যে স্থিতি
তাবৎ স্থাবর জন্ম সৰ্বজীব জাতি
সব মুক্ত কবি তুমি বৈকুণ্ঠে পাঠাইবে ।
স্তম্ভ জীব পুনঃ কৰ্মে উদ্ধৃত্ত করিবে ॥
সেই জীব হবে ইহ’ স্থাবর জন্ম

ভাষিতে ভরিবে ব্রহ্মাণ্ড যেন পূর্ব সম ।
রঘুনাথ যেন সব অযোধ্যা লইয়া
বৈকুণ্ঠ গেলা স্তম্ভজীব অযোধ্যা ভরিয়া ॥
অবতারি তুমি ঐছে পাতিয়াছ হাট ।
কেহ না বুঝিতে পারে তোমাব গূঢ় নাট ।
পূর্বে যেন ব্রজে কৃষ্ণ করি অবতার ।
সকল ব্রহ্মাণ্ড জীবের খণ্ডাইল সংসার
তৈছে তুমি নবদ্বীপে কবি অবতার
সকল ব্রহ্মাণ্ড জীবের করিলে নিস্তার ॥
যে কুহে চৈতন্য মহিমা মোর গোচর হয়
সে জানুক মোর পুনঃ এইত নিশ্চয় ॥
তোমার যে লীলা মহা অগৃহের সিদ্ধ ।
মোর মনোগোচর নহে তার এক বিন্দু ”

শ্রীচৈঃ চঃ, অন্ত্যলীলা ৮

১ স্বাবর জঙ্গামর মুক্তিলাভ ও সৃষ্টিজীবের স্বাবর জঙ্গমে পরি-
ণত হওয়ার কথা শুনিয়া অনেকে হসyt উপহাস করিবেন ।
কিন্তু হরিদাসের সরল হৃদয় জীবজগতের পরিত্রাণের জন্ত
কিরূপ ব্যাকুল হইত, ইহাতে তাহার অতি সুন্দর আভাস পাওয়া
যায় । শ্রীচৈতন্য হরিদাসের মুখে তাঁহার সরল বিশ্বাসপূর্ণ
কথা ও শ্রীহরির নামমহিমা শ্রবণে পরম পবিতুষ্ট হইলেন, এবং
প্রেমবশে আগ্রত হইয়া তাঁহাকে আলিঙ্গন করিলেন । পরে
তিনি তথা হইতে ভক্তগণের নিকট গমন করিয়া শতকণ্ঠে
হরিদাস ঠাকুরের প্রশংসা করিতে লাগিলেন

“ভক্তের গুণ কহিতে প্রভুর বাড়য়ে উল্লাস ।

ভক্তগণ শ্রেষ্ঠ তাতে শ্রীহরিদাস ’

শ্রীচৈঃ চঃ অন্ত্যলীলা ।

শ্রীকপ গোস্বামীর বৃন্দাবন গমনের কিয়দ্বিবস পরে শ্রীসনা-
তন গোস্বামী নীলাচলে আগমন করেন তিনিও রূপের গ্রাম
হরিদাসের তপস্যাকূটরে আশ্রয় গ্রহণ করিয়াছিলেন, ইহা
ইতঃপূর্বেই উল্লিখিত হইয়াছে । রামকলিতে মহাপ্রভুর
সহিত সাক্ষাৎ কবিবাব জন্য যখন সনাতন রাজমন্ত্রীর বেশ
পবিত্যাগ করিয়া উপস্থিত হন, সেইকালে হরিদাসের সঙ্গে
তাঁহার পরিচয় হইয়াছিল । সনাতন হরিদাসের আশ্রমপ্রাঙ্গণে
সমুপস্থিত হইয়া তাঁহার চরণ বন্দনা করিলে, হরিদাস তাঁহাকে
পরম সমাদরে আলিঙ্গন করিয়া গ্রহণ করিলেন । উভয়ের
সন্মিলনে অনির্বচনীয় প্রেমতরঙ্গ উথিত হইল । কিয়ৎকাল
পরে মহাপ্রভুও তথায় অনুচরগণসহ উপস্থিত হইলেন, ও সনা-
তনকে হরিদাসের সঙ্গে ভগবৎপ্রসঙ্গ ও ভজনানন্দে কাসযাপন
করিতে উপদেশ দিলেন ।

পূর্বে উক্ত হইয়াছে, প্রতিদিন তিনলক্ষ নাম জপ করি
 হবিদাসের ব্রত ছিল বার্ষিক্য বশতঃ “সংখ্যানাম” পূর্ণ হইতে
 এখন পূর্বাপেক্ষা অধিক সময় লাগিত, অবশিষ্টকাল সনাতন ও
 শ্রীগোবের সঙ্গে ইষ্টালাপে শেষ হইত সনাতনের নীলাঙ্গি
 আগমনের পর, মহাপ্রভু প্রতিদিন সাগুচর হবিদাসের আশ্রমে
 অনেকক্ষণ পর্যন্ত প্রেমালাপ করিতেন সনাতন অনুতাপ
 যন্ত্রণা সহ্য করিতে না পারিয়া রথচক্রে দেহত্যাগ করিবার মানস
 করেন, ইহা অবগত হইয়া শ্রীচৈতন্য একদিন তাঁহাকে প্রসন্ন
 মধুর বচনে অনেক প্রবোধ দেন, ও হরিদাসকে বলেন, দেখ
 হরিদাস ! সনাতন অমাকে অসম্পূর্ণ করিয়া এখন পূর্বের
 দ্রব্য বিনাশ করিতে চাহিতেছেন, তুমি ইহাকে নিষেধ কর,
 যেন এমন অশ্রায় কার্য্য না করেন হবিদাস বলিলেন, ঠাকুর !
 তোমার গম্ভীর হৃদয় আমি কি বুঝিব ? তুমি কোন্ কার্য্য
 কাহার দ্বারা সম্পন্ন কর, তুমি না জানাইলে কে তাহা জানিতে
 পারে ? তুমি যখন ইহাকে অঙ্গীকার করিয়াছ, তখন ইহার
 শ্রায় সৌভাগ্যশালী আর কে আছেন ? তদনন্তর হরিদাস,
 মহাপ্রভুর অনুজ্ঞা মত সনাতনকে সাঙ্গনা দিবার নিমিত্ত বলি-
 লেন, সনাতন, মহাপ্রভু তোমার দেহকে নিজস্ব বলিতেছেন ;
 তিনি তোমার দ্বারা ভক্তিশাস্ত্র প্রচারাদি বিবিধ কার্য্য সাধন
 করিবেন, অতএব তোমার সৌভাগ্যের সীমা নাই আমি এই
 পুণ্যভূমি ভাবতে বৃথা জন্মগ্রহণ করিয়াছি আমার এই পাপদেহ
 প্রভুর কোন কার্য্যেই লাগিল না সনাতন বলিলেন ;—

“তোমা সম কেবা আছে আন

মহাপ্রভুর গণে তুমি মহাভাগ্যবান

অবতার কার্য প্রভুর নাম প্রচার ।
 সে নিজ কার্য প্রভু করেন তোমার দ্বার
 প্রত্যহ কর তিন লক্ষ নাম সংকীৰ্ত্তন
 সবাব আগে কব নামেব মহিমা কখন
 আপনে আচরে কেহ না করে প্রচার ।
 প্রচার করেন কেহ না করেন আচার ॥
 আচার প্রচার নামের করহ দুই কার্য ।
 তুমি সৰ্ব গুরু তুমি জগতের আৰ্য্য ”

শ্রীচৈঃ চঃ, অন্ত্যলীলা

এইরূপে দুইজনে সংপ্রসঙ্গে ও হরিকথায় পরম সুখে কাল-
 তিপাত করিতে লাগিলেন । যবনসংস্পর্শবশতঃ সনাতন
 আপনাকে অস্পৃশ্য ও নীচজাতিস্বরূপ জ্ঞান করিতেন ।
 তাহাতে আবার তাঁহার শরীরে কণ্ডু উৎপন্ন হওয়ায়, তাহা
 হইতে শোণিত ও রস নিঃসৃত হইয়া সৰ্ব্বাঙ্গ রোদময় হইত ।
 এইজন্ত সনাতন মহাপ্রভুকে আলিঙ্গন করিতে নিষেধ করিতেন,
 কিন্তু তিনি নিষেধ না মানিয়া বলপূর্ব্বক আলিঙ্গন করিতেন ।
 মহাবিনয়ী সনাতন ইহাতে আরও কুণ্ঠিত ও ছঃখিত হইয়া
 নীলাচল পবিত্রাঙ্গ পূর্ব্বক বৃন্দাবন গমন করিতে মনস্থ করেন ।
 সনাতন মহাপ্রভুকে এই সংকল্প নিবেদন করিলে তিনি বলি-
 লেন, আমি সন্ন্যাসী, পঙ্কচন্দনে সমদৃষ্টি আমার ধর্ম্ম • তোমার
 দেহে ঘৃণাবুদ্ধি হইলে আমার যে ধর্ম্ম নষ্ট হয় । এই কথা
 শুনিয়া হরিদাস বলিলেন, ঠাকুর, তোমার এই প্রতারণা বাক্য
 আমি মানি না । আমার ছায় ঘৃণিত ও অধম পাতকীকে যে
 চরণে স্থান দিয়াছ, ইহাতে তোমার অসীম দয়াগুণই প্রচারিত

হইয়াছে শ্রীচৈতন্য হরিদাসের এই কথায় হাস্য করিয়া
বলিলেন, দেখ, তোমরা অগম্য সন্তান সন্তান সন্তানের মলমূত্র
দেখিয়া জননীর যেমন ঘৃণা হয় না, সনাতনের কণ্ঠশোণিতাক্ত
দেহও আমার পক্ষে সেইরূপ হরিদাস বলিলেন ;—

“—তুমি ঈশ্বর দয়াময়
তোমার গষ্ঠীর হৃদয় বুঝান না হয়
বাসুদেব গলংকুষ্ঠী তাতে অঙ্গ কীড়াময় ।
তারে আলিঙ্গন কৈলে হইয়া সদয় ॥
আলিঙ্গিয়া কৈলে তার কন্দর্প সম অঙ্গ
বুঝিতে না পাবি তোমার কুপার তরঙ্গ ॥”

শ্রী চৈঃ চঃ, অন্ত্যলীলা ।

শ্রীগৌরসুন্দর বলিলেন, হরিদাস ! ভক্তদেহকে কখনও
প্রাকৃত কলেবর মনে করিও না, ইহা অপ্রাকৃত ও চিদানন্দময়
ভাগবতের একাদশস্কন্ধে শ্রীভগবান উদ্ধবকে বলিয়াছেন ;—

“মর্ত্যো যদা ত্যক্তসমস্তকর্ম্মা নিবেদিতাত্মা বিচিকীর্ষিতো মে ।
তদামৃতত্বং প্রতিপদামানো ময়াঅভূয়াৎ চ কল্পতে বৈ ” *

সনাতন যতদিন নীলাচলে ছিলেন, হরিদাস তাঁহার সহিত
সাধন-ভজন সংগ্রহ ও গৌরাঙ্গপ্রভুর অপূর্ণ চরিত্রলীলা
আশ্বাদন করিয়া পরমপ্রীতি লাভ করিয়াছিলেন । এই বৎসর
দোলযাত্রার পর মহাপ্রভুর আদেশে সনাতন বৃন্দাবন গমন
করিলেন ।

* অর্থাৎ মরণশীল মানব যখন সমস্ত কর্ম্ম পরিত্যাগ করিয়া আমার
সেবাতে আত্মসমর্পণ করে, তখন সে অমৃতত্ব লাভ করিয়া আমার সহিত
একাত্ম হইয়া যায় ।

ইহার পর বল্লভভট্ট * শ্রীক্ষেত্রে আগমন করিলে, মহাপ্রভু তাঁহার নিকটে হরিদাসের অনেক প্রশংসা করিয়া বলিয়াছিলেন ;—

“হরিদাসঠাকুর মহাভাগবত প্রধান
দিন প্রতি নয় তিঁহ তিন লক্ষ নাম
নামের মহিমা আমি তাঁর ঠাঞি শিখিল ।
তাব প্রসাদে নামের মহিমা জানিল ”

শ্রীচৈঃ চঃ, অস্ত্যলীলা

মহাপ্রভু বলিয়াছেন, “আমি হরিদাসের নিকটে হরিনাম-মাহাত্মা শিক্ষা করিয়াছি ।” ইহা অপেক্ষা হরিদাসের মহত্ব ও গৌরব আর কি আছে ?



এই বল্লভভট্ট সুপ্রসিদ্ধ বল্লাভাচারি-সম্প্রদায়ের প্রতিষ্ঠাতা ইহার নিবাস তৈলঙ্গ দেশ । ইনি নীলাচলে আগমন করিয়া শ্রীগদাধর পণ্ডিতের নিকটে শিষ্যত্ব অঙ্গীকার করিয়াছিলেন । ইনি মহর্ষি বাদরায়ণ প্রণীত ব্রহ্মমীমাংসা—যেদাস্ত্রের একখানি ভাষ্য রচনা করিয়াছেন । ইহার ভাষ্য “শুদ্ধবৈত-বাদ” প্রতিপাদিত হইয়াছে ।

পঞ্চদশ অধ্যায় ।

দেহ-সংবরণ ।

—

শ্রীহরিদাস, ১৪৩৬ শকে শ্রীগৌরান্দেবের সঙ্গে দ্বিতীয় বার নীলাচল আগমন করেন ; “ভক্তদিগ্दर्শিনী তালিকা” অনুসারে এই সময় তাঁহার বয়ঃক্রম ৬৫ বৎসর ইহার পর দেহসংবরণ পর্যন্ত তিনি নীলাচলেই অতিবাহিত করিয়াছিলেন । সম্ভবতঃ ১৪৫০ শক পর্যন্ত হরিদাস জীবিত ছিলেন * ক্রমে হরিদাসেব

* হরিদাস কোন শকে দেহত্যাগ করেন, বৈষ্ণবগ্রন্থে তাহার কোন উল্লেখ নাই কেবল “ভক্তদিগ্दर्শিনী তালিকা” হরিদাসের অপ্রকটাদ্ধ ১৪৫৪ শক লিখিত আছে । বিভিন্ন স্থানে প্রাপ্ত দিগ্दर्শিনী তালিকাতে হরিদাসের জন্ম ও অন্তর্ধান শক এবং মাস ও তিথি সম্বন্ধে মতভেদ পরিলক্ষিত হইয়াছে সুতরাং দিগ্दर्শিনীতে লিখিত বিবরণ অবিচারে গ্রহণ করা সম্ভব বলিয়া বোধ হয় না । শ্রীচরিতামৃতের অন্ত্যলীলার একাদশ পরিচ্ছেদে “হরিদাস নিৰ্ঘাণ” বর্ণিত হইয়াছে । এই লীলার দ্বাদশ পরিচ্ছেদ হইতে ঊনবিংশ পরিচ্ছেদে, গোড়ের ভক্তগণসহ নিত্যানন্দের নীলাচল আগমন, কাশী নিবাসী শ্রীতপন-মিশ্রের পুত্র রঘুনাথ ভট্টের দৈত্যপ্রভুসহমিলন, মহাপ্রভুর দিব্যোন্মাদ-মহা-প্রলাপ, বর্ষান্তরে গোড়ের ভক্তগণের পুনরাগমন, আচার্য্য প্রভুর “তর্জা” প্রেরণ প্রভৃতি বিবিধ বিষয় বিবৃত হইয়াছে । শ্রীমন্নরহরি দাস বিরচিত “ভক্তি রঙ্গকুর” পাঠে অবগত হওয়া যায় যে, অদ্বৈতআচার্য্য নীলাচলে “তর্জা প্রহেলা” প্রেরণ করার অল্পদিন পবেই [১৪৫৫ শকে] মহাপ্রভু লীলাসংবরণ করিয়াছিলেন । এই সমস্ত আলোচনা করিলে ইহাই অনুমিত হয় যে, হরিদাসের তিরোভাবের পরেও শ্রীগৌরান্দেব অন্ততঃ ৪ ৫ বৎসর কাল একট

বুদ্ধিক্য বুদ্ধি পাইতে লাগিল । এখন তিনি অশীতি বৎসরের স্ববির, জরভারে আক্রান্ত ; কিন্তু এমনই অবিচলিত নির্ভা এবং অটল অনুরাগ যে, তথাপি দৈনিক নিয়মিত তিন লক্ষ নাম-জপ পরিত্যাগ করেন নাই । নামসংখ্যা পূর্ণ না হইলে হরিদাস আহাৰ করিবেন না, এই তাঁহার প্রতিজ্ঞা ।

গোবিন্দ প্রতিদিন হরিদাসকে মহাপ্রসাদ দিয়া যাইতেন । একদিন গোবিন্দ মহাপ্রসাদ হস্তে হরিদাসের কুটীরে সমুপস্থিত হইয়া দেখিলেন, হরিদাস শয়ন করিয়া অতি মুহুমন্দম্বে হবিনাম কীর্তন করিতেছেন । গোবিন্দ বলিলেন, হরিদাস ! তোমার নিমিত্ত মহাপ্রসাদ আনিয়াছি, উঠিয়া আসিয়া ইহা ভোজন কর । হরিদাস বলিলেন, আজ উপবাস করিব স্থির করিয়াছি ; সংখ্যানাম এখনও পূর্ণ হয় নাই, কিরূপে ভোজন করিব ? মহাপ্রসাদ আনিয়াছ, তাহাই বা কি প্রকারে উপেক্ষা করি । এই কথা বলিয়া হরিদাস মহাপ্রসাদের বন্দনা করিয়া তাহার বিন্দুগাত্র লইয়া মুখে দিলেন ।

পরদিন মহাপ্রভু হরিদাসের আশ্রমে আসিয়া জিজ্ঞাসা করিলেন, হরিদাস ! ভাল আছতো ? হরিদাস প্রণাম করিয়া উত্তর করিলেন, আমার শরীর সুস্থ বটে, কিন্তু মন বুদ্ধি অস্থস্থ

ছিলেন । স্বতরাং ১৪৫০ শকাদ, হরিদাসের তিরোভাবাদ অবধারিত হইতে পারে । “ভক্তদিগ্‌দর্শিনী”তে ভাস্কর্য্যের শুক্ল চতুর্দশী (একখানিতে ত্রয়োদশী) তিথিতে হরিদাস অন্তর্হিত হন লিখিত আছে । ইহা সঙ্গীচীন বলিয়াই বোধ হয় । যেহেতু ইহা প্রচলিত পঞ্জিকাসম্মত, এবং “কুলীনগ্রামস্থ “হরিদাসমুঠাকুরের পাটে” উক্ত চতুর্দশী তিথিতেই তদ্যাপি হরিদাসের “বিজ-মোক্ষসব” হইয়া থাকে ।

শ্রীচৈতন্য জিজ্ঞাসা করিলেন, তোমার কি ব্যাধি, নির্ণয় করিয়া বল

হরিদাস প্রভু, নামজপের সংখ্য। কিছুতেই পূর্ণ হইতেছে না

শ্রীচৈতন্য হরিদাস ! এখন বৃদ্ধ হইয়াছ, নামসংখ্যা হ্রাস কব না কেন ? সিদ্ধ দেহ পাইয়া সাধনের জন্ত আর এত আগ্রহই বা কি জন্ত ? ভগবানের নামমহিমা প্রচার করিয়া লোক নিস্তারের জন্ত তুমি অবতীর্ণ হইয়াছিলে, সে কার্য্য তো সাধন করিয়াছ এখন বৃদ্ধ বয়সে সংখ্যা কমাইয়া নাম কীর্তন কর ।

হরিদাস বিনয়ে অবনত হইয়া করায়োড় বলিলেন, প্রভু, আমার এক নিবেদন আছে ; হীন জাতিতে আমার জন্ম, অদৃশ্য অস্পৃশ্য অধম পামর হইলেও তুমি আমাকে অঙ্গীকার করিয়াছ, এবং মহা রৌরব হইতে উদ্ধার করিয়া বৈকুণ্ঠে স্থান দিয়াছ তুমি আমাকে বহু রূপা করিয়া অনেক নাচাইয়াছ । শ্লোচ্ছ হইয়াও তোমার প্রসাদে ব্রাহ্মণের 'শ্রাদ্ধপাত্র' খাইয়াছি কিন্তু প্রভু, বহু দিন হইতে আমার এক বাঞ্ছা আছে আমার বোধ হইতেছে, তুমি অবিলম্বে লীলাসংবরণ করিবে, তাহা যেন আমাকে দেখিতে না হয়, তাহার পূর্বেই যেন আমার এই পাপদহ পবিত্র্যাগ করিতে পারি হৃদয়ে তোমার শ্রীচরণ কমল ধ্যান করিয়া, নয়নে তোমার শ্রীচন্দ্রবদন দেখিতে দেখিতে, এবং জিহ্বায় তোমার 'শ্রীকৃষ্ণচৈতন্য' নাম উচ্চারণ করিতে করিতেই যেন আমার মৃত্যু হয়

“মোব ইচ্ছা এই যদি তোমার প্রসাদে হয়

এই নিবেদন মোব কর দয়াময়

এই নীচ দেহ গোর পড়ে তব আগে

এই বাহ্যসিদ্ধি গোর তোমাতেই লাগে ।

শ্রীগৌরানন্দপ্রভু বলিলেন, হরিদাস ! তোমার এই ওর্থনা
কাময় শ্রীকৃষ্ণ অবশ্যই পূর্ণ করিবেন কিন্তু তোমাকে
লইয়াই আমার যে কিছু সুখ সম্ভোগ, তুমি আমাকে ছাড়িয়া
যাইবে, ইহা তোমার কর্তব্য নয় এই কথা শুনিয়া হরিদাস
তাঁহার চরণযুগল ধারণ করিয়া বলিলেন, প্রভু, আর মায়া
বাড়াইওনা, এই অধম পাতকীকে এই দয়া করিতেই হইবে ।
আমার মস্তকের মণিস্বরূপ কত শত ভক্ত মহাশয় তোমার
লীলার সুহায় রহিয়াছেন, আমার ছায় সামান্য একটা কীট
না থাকিলে কি ক্ষতি ? একটা পিপীলিকা মরিলে পৃথিবীর
কি হানি হয় ? প্রভু, তুমি ভক্তবৎসল, কিন্তু আমি ভক্তভাস
হইলেও অবশ্য আমার এই ইচ্ছা পূর্ণ করিবে আজ মধ্যাহ্ন
করিতে গমন কব, কা'ল যেন তোমার দর্শন পাই ।

শ্রীচৈতন্য হরিদাসকে আলিঙ্গন করিয়া মধ্যাহ্ন করিতে
সমুদ্রতীরে গমন করিলেন পর দিন, ভাদ্রমাসের শুক্লা
চতুর্দশী ; প্রাতঃকালে জগন্নাথ দর্শনান্তে ভক্তবৃন্দ সমভিব্যাহারে
মহাপ্রভু হরিদাসের সম্মুখে উপস্থিত হইলেন হরিদাস, প্রভু
এ বৈষ্ণবগণের চরণবন্দনা করিলেন অনন্তর গৌরসুন্দর
জিজ্ঞাসা করিলেন, হরিদাস ! সমাচার কি ?

হরিদাস উত্তর দিলেন, “প্রভু, তোমাব যে আজ্ঞা ”

তদনন্তর শ্রীগৌরানন্দ হরিদাসের আশ্রমপ্রাঙ্গণে ভক্তগণকে
লইয়া মহোৎসবে সংকীর্তন আরম্ভ করিলেন • নৃত্যমোদী
বক্ত্রেধর পণ্ডিত নৃত্য করিতে লাগিলেন, স্বরূপ গোস্বামী

প্রভৃতি অশ্রান্ত প্রভুপরিকরণ হরিদাসকে বেষ্টনপূর্বক ন্যূন সংকীর্ণনে প্রবৃত্ত হইলেন । রায় রামানন্দ ও সার্কভোম ভট্টাচার্য্য প্রভৃতির সঙ্গুথে গোবান্দপ্রভু মহা উৎসাহ ও আনন্দ সহকারে হরিদাসের ইন্দিয় সংযম, মহা পরীক্ষা, যবন কর্তৃক উৎপীড়ন, অটল বিশ্বাস, ভগবন্মামে অপূর্ব নিষ্ঠা প্রভৃতি যেন পাঁচগুথে বর্ণনা করিতে লাগিলেন । ভক্তগণ হরিদাসের গুণগৌরব শ্রবণে একান্ত বিস্মিত ও বিমুগ্ধ হইয়া তাঁহার চরণে প্রণত হইলেন । হরিদাস সমুদায় ভক্তের চরণরেণু মস্তকে লইয়া মহাপ্রভুকে সঙ্গুথে বসাইলেন, এবং তাঁহার শ্রীচরণযুগল বক্ষঃস্থলে ধারণ করিলেন ; নেত্ররূপ ভূষণে তাঁহার মুখপদ্মে স্থাপন করিয়া শ্রীমুখমাধুরী পান করিতে লাগিলেন । নয়নে দরদরিত ধারায় প্রেমাশ্রু বর্ষণ হইতে লাগিল । ধীরে ধীরে “শ্রীকৃষ্ণচৈতন্য” নাম উচ্চারণ করিতে করিতে নামের সঙ্গে সঙ্গে হরিদাসের প্রাণবায়ু বহির্গত হইল ।

“হরিদাস নিজাগ্রেতে প্রভুরে বসাইল ।

নিজনেত্র দুইভঙ্গ মুখপদ্মে দিল ।

স্বহৃদয়ে আনি ধরি প্রভুর চরণ ।

সর্বভক্ত পদরেণু মস্তক ভূষণ

শ্রীকৃষ্ণ চৈতন্য প্রভু বলে বাববার ,

শ্রীমুখ মাধুরী পিয়ে নেত্রে জলধাব

শ্রীকৃষ্ণ চৈতন্য শব্দ করিতে উচ্চারণ

“নামের সহিত প্রাণ করিল উৎক্রামণ ”

শ্রীচৈঃ চঃ, অন্ত্যলীলা ।

মহাযোগেশ্বরের শ্রী হরিদাসের এই অপরূপ ইচ্ছামত

দর্শন করিয়া সকলের ভীষ্মদেবকে স্মরণ হইল । ভক্তগণ “হরি
হরি” “কৃষ্ণ কৃষ্ণ” শব্দে অকস্মৎ মগ্ন প্রতিনিবৃত্ত করিয়া
তুলিলেন মহাপ্রভু প্রেমাম্বলি বিহীন হইয়া হরিদাসের দেহ
ক্রোড়ে ধারণপূর্বক ভক্তগণের সঙ্গে কিছুক্ষণ নৃত্য ও কীর্তন
করিলেন এই কথার উল্লেখ করিয়া শ্রীকবিরাজ গোস্বামী
বলিয়াছেন ;—

“নামি হরিদাসং তং চৈতন্যং তঞ্চ তৎপ্রভুং ।

সংস্থিতামপি যদুর্তিং স্বাক্ষে কৃত্বা ননর্ত যঃ ” *

অনন্তর স্বরূপ গোস্বামী অন্ত্যেষ্টিক্রিয়ার আয়োজন করিয়া
গৌরাঙ্গপ্রভুকে নিবেদন করিলেন ভক্তগণ হরিদাসের পরিত্যক্ত
দেহ স্নান করিয়া আয়োজন করাইয়া সংকীৰ্তন করিতে
করিতে সমুদ্রোপকূলে বহন করিয়া লইয়া চলিলেন মহাপ্রভু
সকলের অগ্রে অগ্রে, এবং অন্ত্যেষ্টিক্রিয়ার সঙ্গে বক্রেশ্বর পণ্ডিত
পশ্চাতে নৃত্য করিতে লাগিলেন নির্দিষ্টস্থলে উপনীত হইয়া
ভক্তবৃন্দ হরিদাসের মৃতদেহকে সমুদ্র-সলিলে স্নান করাইলেন,
এবং সকলে তাঁহার পাদোদক পান করিলেন শ্রীচৈতন্য
প্রভু বলিলেন, ভক্তগণ ! শ্রবণ কর, আজ হইতে এই সমুদ্র
মহাতীর্থ হইল তৎপরে ভক্তগণ শব্দে নূতন কোপীন ও বহি-
র্কাস পরিধান করাইয়া চন্দনাম্বুলেপন ও পুষ্পমালা দ্বারা সাজা-
ইলেন, এবং জগন্নাথদেবের ভোর ও প্রসাদ বজ্রাদি সঙ্গে দিয়া

* আমি সেই হরিদাসকে এবং তাঁহার প্রভু সেই চৈতন্যদেবকে নমস্কার
করি ; যাহার (হরিদাসের) মৃতশরীর ভূপতিত হইলেও যিনি (চৈতন্যদেব) স্বীয়
ক্রোড়ে গ্রহণ করিয়া নৃত্য করিয়াছিলেন ।

সমুদ্রতীরস্থ বালুকার মধ্যে গর্ত খনন করিয়া তন্মধ্যে শায়িত করিলেন পরে ভক্তগণ শবের চতুর্দিক প্রদক্ষিণ করিয়া আবার সঙ্কীৰ্ত্তন আরম্ভ করিলেন । শ্রীগৌরসুন্দর “হরিবোল” “হরিবোল” উচ্চারণ করিতে করিতে স্বহস্তে শবের উপরে সৰ্ব্বাঙ্গে বালুকা প্রদান করিলে, অন্যান্য ভক্তগণ বালুকাদ্বাৰা শব প্রোথিত করিয়া তত্পরি বেদি বান্ধাইয়া দিলেন, এবং এই বেদিকার চারিদিকে অন্যান্য আবরণ প্রস্তুত করিলেন । তদনন্তর হরিধ্বনির গভীর নিনাদে দিগ্ভ্রম কম্পিত ও কোলাহলময় করিয়া আবার মৃদঙ্গ করতালের বাদ্যধ্বনির সঙ্গে হরিনাম সংকীৰ্ত্তন হইতে লাগিল । পরে মহাপ্রভু ভক্তগণের সঙ্গে সমুদ্রে স্নান ও জল-কেলি করিয়া হরিদাসের “সমাধি” * প্রদ-

* শ্রীহরিদাস ঠাকুরের এই সমাধিক্ষেত্র গোড়ীয়বৈষ্ণবসম্প্রদায়ের একটা তীর্থরূপে পরিণত হইয়াছে । মহাপ্রভুর অন্তর্দ্বানের পর, শ্রীশ্রীনিবাস আচার্য্য প্রভু (যিনি সমগ্রবৈষ্ণবসমাজ কর্তৃক মহাপ্রভুর শক্তিধররূপে গৃহীত হইয়াছিলেন ।) নীলাচল আগমন করিয়া এই সমাধিস্থান দর্শন করিয়াছিলেন যথা :—

“শ্রীনিবাস শীঘ্র সমুদ্রের কূলে গেলা ।
হরিদাস ঠাকুরের সমাধি দেখিল।
ভূমিতে পড়িয়া কৈল প্রণতি বিস্তর ।
নিজ নেত্রজলে সিক্ত হৈল কলেবর ॥
শ্রীহরিদাসের চেষ্টা পূর্বে ‘য শুনিলা ।
সে সব চিহ্নিতে চিত্ত ব্যাকুল হইল ॥
‘হা হা প্রভু হরিদাস বলিতে বলিতে ।
মুচ্ছিত হইয়া পড়িলেন পৃথিবীতে ॥

ক্ষিপপূর্বক কীর্তন করিতে করিতে জগন্নাথের সিংহদ্বারে আসিয়া
সমুপস্থিত হইলেন । সমস্ত নগর কীর্তন কলরবে মুখরিত হইয়া
উঠিল

অলৌকিক প্রেমচেষ্টা না হয় বর্ণন
প্রভু ইচ্ছামতে মাত্র হইল চেতন ॥

ভক্তিরত্নাকর, তৃতীয় তরঙ্গ ।

শ্রীনরোত্তম ঠাকুর মহাশয়ও এই সমাধি দর্শন করিয়াছিলেন যথা :—

“আজ্ঞাদিলা যাহ শীঘ্র সমাধি দর্শনে
আচার্য্য আছেন তথা চাহি পথ পানে ।
শুনি নরোত্তম ভুমে প্রণমি কাতরে ।
চলিলেন সে মনুষ্য সঙ্গে সিদ্ধুতীরে ॥
হরিনাম ঠাকুরের সমাধি দেখিয়া ।
করিলা ক্রন্দন বহু ভূমেতে পড়িয়া ॥
অতি খেদ যুক্ত হৈয়া কহে বারবার
সে স্থখে বঞ্চিত হৈলু ছুর্দৈব আমার ॥
এছে কত কহে নেত্রে ধারা নিরন্তর ।
দেখি সে দশা বা কার না হবে অন্তর ॥
তথা যে বৈষ্ণব ছিল সমাধি সেবনে ।
নরোত্তমে স্থির কৈলা সে কত যতনে ॥”

শ্রীনরোত্তম বিলাস, চতুর্থ বিলাস ।

অন্যাপি বৈষ্ণব সাধুগণ এই সমাধি দর্শন করিয়া কৃতার্থ হইয়া থাকেন



ষোড়শ অধ্যায় ।

বিজয়োৎসব ও উপসংহার ।

শ্রীগোরাঙ্গ ভক্তবৃন্দসহ সিংহদ্বারে আগমন করিয়া হরিদাসের 'মহোৎসবের' জন্ত * নিজে আঁচল পাতিয়া পসারিগণের নিকট ভিক্ষা প্রার্থনা করিলেন । চৈতন্যপ্রভুকে ভিক্ষা কবিত্তে দেখিয়া তাহারা আছাদিতচিত্তে প্রচুর পরিমাণে নানাবিধ প্রসাদ প্রদান কবিত্তে অগ্রসব হইল । ইহা দেখিয়া স্বরূপ গোস্বামী পসারিগণকে নিষেধ করিয়া মহাপ্রভুকে বিদায় করিয়া দিলেন । পরে প্রত্যেক পসারীর নিকট এক এক দ্রব্যের এক এক "পুঞ্জ" যাত্র (বোধ হয় এক এক পাত্র) ভিক্ষা স্বরূপ গ্রহণ করিয়া চারিজন বৈষ্ণববাহক দ্বারা লইয়া আসিলেন । ধানীনাথ পট্টনায়ক ও কানীমিশ্রও অনেক প্রসাদ প্রেরণ কবিলেন । শ্রীচৈতন্য সমুদায় বৈষ্ণবগণকে সারি সারি বসাইয়া এক এক জনের পাতে পাঁচজনের উপযুক্ত প্রসাদ পরিবেষণ কবিত্তে লাগিলেন

"মহাপ্রভুর শ্রীহস্তে অন্ন না আইসে

একেক পাতে পঞ্চজনার ভক্ষ্য পবিবেশে ।'

শ্রীচৈঃ চঃ, অন্ত্যলীলা

* শ্রীচৈতন্যচরিতামৃতের বর্ণনা পাঠ করিয়া বোধ হয়, হরিদাসের প্রতিরোভাব দ্বারা মহাপ্রভু তাহার "মহোৎসব" করিয়াছিলেন ।

মহাপ্রভু ভোজন না করিলে ভক্তগণ কেহ ভোজন করিতে চাহেন না । সেদিন কাশীমিশ্রের গৃহে প্রভুর নিমন্ত্রণ ছিল ; এই সময় মিশ্রও প্রভুর নিমিত্ত নানাবিধ মহাপ্রসাদ লইয়া উপস্থিত হইলেন অগত্যা ভক্তগণের অনুবোধে মহাপ্রভু পুরী ও ভাবতী গোস্বামীকে লইয়া ভোজনে বসিলেন স্বরূপ ও জগদা নন্দ প্রভৃতি চারিজনে বৈষ্ণবগণকে প্রচুর পরিমাণে নানা প্রকার উপাদেয় প্রসাদ পরিবেষণ করিয়া ভোজন করাইলেন চৈতন্য প্রভু “আরও দাও” “আরও দাও” বলিয়া আনন্দ ও উৎসাহ প্রকাশ কবিতো লাগিলেন ভোজনাবসানে মহাপ্রভু সকলকে তাল্যচন্দন উপহার দিলেন, এবং হরিদাসের শোকে ছঃখ প্রকাশ-
 ছলে ভক্তগণকে বব প্রদান ও হরিদাসের মহিমা কীর্তন করিতে লাগিলেন । শ্রীগোঁরাঙ্গপভু বলিলেন,—যিনি হরিদাসের এই বিজয়োৎসব দর্শন করিলেন, যিনি ইহাতে নৃত্যকীর্তন করিলেন, যিনি তাঁহার পবিত্র দেহের সমাধির জন্য সমুদ্রতীরে গমন করিলেন, আব যিনি এই মহোৎসবে ভোজন করিলেন, তাঁহাবা সকলেই অচিবে ভগবান শ্রীকৃষ্ণের চরণাববিন্দ লাভ কবিবেন ভগবান কৃপা করিয়া আমাকে হরিদাসের ন্যায় সঙ্গী দিয়া-
 ছেলেন, আজ আবার তাঁহার ইচ্ছায় তাহা হইতে বঞ্চিত হই-
 গাম হরিদাসকে বিদায় দিতে আমার ইচ্ছা ছিল না ; কিন্তু আমার কি শক্তি যে হরিদাসকে তাঁহার ইচ্ছার বিরুদ্ধে সংসাধে-
 রিয়া রাখিতে পারি ভীষ্মদেবের মৃত্যু ঘেঁরুপী শুনিয়েছি,
 রিক্তাস সেই প্রকার ইচ্ছামাত্র প্রাণ পবিত্যাগ করিলেন
 রিদাস পৃথিবীর শিরোমণি ছিলেন, তাঁহার অভাবে মেদিনী
 রাজ রহীনা হইল তোমরা সকলে “জয় জয় হরিদাস !”

বলিয়া হবিধ্বনি কর এই কথা বলিয়া মহাপ্রভু নৃত্য করিতে লাগিলেন । তখন “জয় জয় হরিদাস ! যিনি নামমহিমা জগতে প্রকাশ করিয়াছেন” এই শব্দ হরিধ্বনির সঙ্গে সঙ্গে সহস্র কণ্ঠ হইতে উচ্চবিত হইয়া গগন বিদীর্ণ করিতে লাগিল অনন্তর ভক্তগণকে বিদায় দিয়া শ্রীগৌরচন্দ্র যুগপৎ হর্ষ ও বিষাদে আপ্লুত হইয়া বিশ্রামলাভার্থ স্থায় বাসভবনে গমন করিলেন

হরিদাসের মৃত্যুতে শ্রীচৈতন্য ভক্তের অতি সম্মান শ্রদ্ধা স্নেহ ও প্রেমের অতি অপূর্ব দৃষ্টান্ত প্রদর্শন করিয়াছেন শ্রীকবিরাজ গোস্বামী বলিয়াছেন ;—

“এইত কহিল হরিদাসের বিজয়
যাহার শ্রবণে কৃষ্ণে দৃঢ় ভক্তি হয়
চৈতন্যের ভক্তবাৎসল্য ইহাতেই জানি ।
ভক্তবাঞ্ছা পূর্ণ কৈল ন্যাসী শিরোমণি
শেষকালে দিলে তাঁরে দর্শন স্পর্শন
তাঁরে কোলে কবি কৈল আপনে নর্ত্তন ।
আপনে শ্রীহস্তে কুপায় তাঁরে বালু দিল
আপনে প্রসাদ মাগি মহোৎসব কৈল
মহাভাগবত হবিদাস পবন বিদ্যান ।
এ সৌভাগ্য লাগি আগে কবিল পযান ”

শ্রীচৈঃ চঃ, অন্ত্যলীলা

হান প্রাচীন পদকর্তা বলিয়াছেন ;—

“জয় জয় প্রভু মোর ঠাকুর হরিদাস
যে করিল হরিনামের মহিমা প্রকাশ ॥
গৌরভক্তগণ মধ্যে সর্ব অগ্রগণ্য
যার গুণ গাইয়া কান্দে আপনে চৈতন্য

অদ্বৈত আচার্য্য প্রভুব প্রেম সীমা ।
 তেঁহো সে জানেন হরিদাসের মহিম
 নিত্যানন্দ চাঁদ যারে প্রাণ হেন জানে ।
 চরণেব পরশে মহী দেহ ধন্য মানে ”

পদকল্পতরু, ২৩১১ ।

হরিদাসেব তিরোভাব উপলক্ষে বঙ্গদেশের বৈষ্ণবপ্রাণ প্রতি-
 বৎসর ভাদ্র মাসের শুক্লাচতুর্দশী তিথিতে মহোৎসব করিয়া
 থাকেন কুলীনগ্রাম পাটের হরিদাস ঠাকুরের “বিজয়োৎসব”
 বৈষ্ণবসমাজে সবিশেষ প্রসিদ্ধ কুলীনগ্রামের দক্ষিণাংশে যে
 আশ্রম বা “আখড়া” আছে, তাহা হরিদাস ঠাকুরের আখড়া”
 নামে বিখ্যাত ইহা হরিদাসের ভজনের স্থান এই “আখ-
 ডার” অন্তর্গত সমুদায় স্থান অনতিউচ্চ প্রাচীর দ্বারা বেষ্টিত ।
 হরিদাস যেখানে বসিয়া ভজন কবিতেন, ঠিক সেই স্থানে একটি
 মন্দির ও তদভ্যন্তরে একটি বেদি নির্মিত হইয়াছে এই মন্দি-
 রের নিকটস্থ আর একটি মন্দিরাভ্যন্তরে অগ্ণ্য দেববিগ্রহেব
 সঙ্গে ঠাকুর হরিদাসেব দাকনির্মিত শ্রীবিগ্রহ প্রতিষ্ঠাপিত আছে,
 এই গ্রন্থেব নবম অধ্যায়ে একথা উল্লিখিত হইয়াছে এই দুইটি
 মন্দির কতদিন হইল নির্মিত হইয়াছে, তাহার কোন নিদর্শন
 পাওয়া যায় না রামানন্দ বঙ্গর ভক্তাসনেব সমীপবর্তী হরি-
 দাসের যে ভোজনের স্থান আছে, তাহার নাম “হরিদাস ঠাকু-
 রের পাট” ইহারও চতুর্দিক প্রাচীরবেষ্টিত, দক্ষিণদিকে
 একটি মাত্র দ্বার আছে । স্বল্ল্যত ইষ্টকনির্মিত প্রাঙ্গণের
 মধ্যস্থলে একটি বেদী, এই বেদীর উত্তর দিকে তুলসীমঞ্চ
 প্রতিবৎসর হরিদাসের বিজয়োৎসবেব দিন পাতঃকালে তাহার

শ্রীমূর্তি “আখড়া” হইতে আনয়ন করিয়া এই বেদীর উপরে সংস্থাপন পূর্বক হরিনাম সংকীৰ্ত্তনাদি হইয়া থাকে । হরিদাসের প্রতিমূর্তি এই দিন হইতে অগ্রহায়ণ মাসের শুক্লাদশমী পর্য্যন্ত এই বেদীর উপরেই স্থাপিত থাকে । ভাদ্রমাসে বর্ষাব সময় দূব দেশ হইতে বৈষ্ণব বৈবাগিগণের আসিবার অসুবিধা হইবে বলিয়া অগ্রহায়ণ মাসের শুক্লাচতুর্দশীতে হরিদাসের “আখড়ায়” তাঁহার তিরোভাব উপলক্ষে আরও একটী মহোৎসব হয় । এই মহোৎসবে পূর্বদিন অধিবাসেব সময় শ্রীবিগ্রহ আখড়ার মন্দিরে প্রত্যাহীন হইয়া থাকে । এই মহোৎসবে তিন দিন পর্য্যন্ত সংকীৰ্ত্তন ও বহুসংখ্য বৈষ্ণব ভোজন হয় । হরিদাস ঠাকুরের “আখড়া”র নিত্যসেবা ও মহোৎসবের ব্যয় নির্বাহার্থ মহানুভব রামানন্দ বসু উপযুক্ত ভূসম্পত্তি প্রদান করিয়া গিয়াছেন । অদ্যাপি তাহারই উপস্থিত হইতে “আখড়ার” সমস্ত ব্যয় নির্বাহিত হইতেছে । একজন সচ্চরিত্র বৈষ্ণব মহান্তের প্রতি “আখড়ার” কার্যভার অর্পিত আছে ।

প্রায় চাবিশত বৎসর অতীত হইল, হরিদাসের নশ্বর দেহ উপলব্ধিতে বিলীন হইয়াছে, কিন্তু অদ্যাপি ভক্তসাধকগণ এই পুণ্য-শ্লোক মহাত্মার পুণ্যময় কথা স্মরণ করিয়া প্রেমাগ্নিতে পরিপ্লুত হইয়া থাকেন । কথিত আছে, ভগবানে যাহার ঐকান্তিক ভক্তি জন্মে, দেবতাগণেব সমুদায় গুণ তাঁহাতে আবর্তিত হয় ; ঠাকুর হরিদাস একথার জলন্ত দৃষ্টান্ত । * হরিদাসের ইন্দ্রিয়-

* “যস্মিন্ভি ভক্তির্ভগবতাকিঞ্চনা মর্কট গুপৈস্তত্র সমাসতে স্বরাস্ত
হুরাবভক্তস্য কুতো মহদগুণা মনোরথেনাসতি ধারতো বহিঃ ॥”

শ্রীমদ্ভাগবত, ৫ম স্কন্ধ, ১৮শ অধ্যায়, ১২ শ্লোক ।

সংযম, হরিদাসের সহিষ্ণুতা, * হরিদাসের বিনয় ও দীনতা, এবং ভগবন্নামে তাঁহার ঐকান্তিক নিষ্ঠা ও ভগবচ্চরণাবিন্দে অহৈতুকী ভক্তি—অধিক কি, তাঁহার অলস বিশ্বাস ও সেই বিশ্বাসরূপ যজ্ঞায়িতে আত্মাহুতির স্বর্গীয় দৃষ্টান্ত, আজিও শত শত নরনারীকে এই সমস্ত মহৎভাবে অনুপ্রাণিত করিতেছে হরিদাসের সর্বভুতানুকম্পা এবং নির্যাতনকারী শত্রুগণের প্রতি তাঁহার অপরিমিত প্রেম ও ক্ষমার কথা স্মরণ করিলে কে অশ্রু-মোচন না করিয়া থাকিতে পারে ? হরিদাসের এই সমস্ত অতি-লৌকিক চরিত্রে মুগ্ধ হইয়াই মহাপ্রভু শ্রীগোবিন্দ ও তদনুবর্তী বৈষ্ণবগণ তাঁহাকে অতি উচ্চ সম্মান প্রদান করিয়াছিলেন । হরিদাস যবনকুলোদ্ভব হইয়াও কেবল চরিত্রপ্রভাবে বৈষ্ণব সম্প্রদায়ে দেবতার ন্যায় ভক্তি ও পূজা প্রাপ্ত হইয়াছেন । যবন সম্রাট হরিদাস, আর্য্যসম্রাটের নিকট “হরিদাস ঠাকুর”

অর্থাৎ ভগবান হরিতে যাহার অকিঞ্চন ভক্তি জগো, দেবতাগণ সমস্ত গুণে বসিত তাঁহাতে আসিয়া নিত্য বসতি করেন কিন্তু হরিভক্তিহীন মানবের প্রকৃতিতে কোন প্রকার মহৎগুণ প্রতিফলিত হয় না ; যেহেতু সে মনোরথে আবোহণ করিয়া অসৎ বহির্বিষয়ের পশ্চাতেই ধাবিত হইয়া থাকে

‘‘স্বামানন্দ দ্বারে কন্দর্পে ন দর্প নাশে ।

দামোদর দ্বারে নিরপেক্ষ পরকাশে

হরিদাস দ্বারে সহিষ্ণুতা জাবাইল ।

অনাতন রূপ দ্বারে দৈন্য প্রকাশিল ।

জিতেন্দ্রিয় নিরপেক্ষ সহিষ্ণুতা দৈন্য ।

এ চারি অবধি ব্যক্ত কৈলা শ্রীচৈতন্য ॥’’

ভক্তিরঙ্গাকর, প্রথম ভাগ

নামে অভিহিত হইয়াছেন, এবং অদ্যাপি তাঁহার প্রতিমূর্তি
দেবদ্বিত্রাহের নাম বৈষ্ণবগণকর্তৃক ভক্তিতাবে পূজিত হইতেছে,
—প্রেমাবতার শ্রীমদগৌরচন্দ্রের অপূর্ণ প্রেমের ইহা অপূর্ণ
লীলা । * হরিদাসের চবিত্রমাহাত্ম্য আমবা কি বর্ণন করিব ?
শ্রীকবিরাজ গোস্বামী বলিয়াছেন,—

“হরিদাসেব গুণগণ অসংখ্য অপার ।

কেহ কোন অংশে বর্ণে নাহি পায় পার ।”

“সব কথা নাথায় হরিদাসেব চরিত্র ।

কেহ কিছু কহে করিতে আপন পবিত্র ”

সমাপ্ত ।

সন্ন্যাসী পণ্ডিত গণের করিতে গর্বনাশ ।

নীচ শূদ্র দ্বারা করে ধর্মের প্রকাশ ॥

ভক্তিতত্ত্ব প্রেম কহে রায়ে করি বক্তা ।

আপনি প্রদ্যামিশ্র মহ হয় শ্রোতা

হরিদাস দ্বারা নাম মাহাত্ম্য প্রকাশ ।

স্বাভাব দ্বারা ভক্তি সিদ্ধান্ত বিলাস ।

শ্রীকপ দ্বারা ব্রজের রস প্রেমলীলা

ক কহিতে পারে গম্ভীর চৈতন্যের খেলা ।”

শ্রীচৈঃ চঃ স্তোত্রলীলা, ৫ম পরিচ্ছেদ ।

পারিশিষ্ট ।

শ্রীচৈতন্যভাগবত ও শ্রীচৈতন্যচরিতামৃত প্রভৃতি গ্রন্থে
হরিদাসেব মুসলমানকুলে জন্ম সম্বন্ধে সুস্পষ্ট নির্দেশ থাকিলেও
কেহ কেহ এরূপ প্রবাদের উল্লেখ করেন যে, হরিদাস অতি
শৈশবে পিতৃমাতৃহীন হইয়া কোন প্রতিবেশী মুসলমান কর্তৃক
প্রতিপালিত হইয়াছিলেন । ‘চৈতন্য সঙ্গীতা’ নামক একখানি
সুদূর পুস্তিকাকে তাঁহারা এ বিষয়েব প্রমাণস্বরূপ গ্রহণ করেন ।*
রটতলায় মুদ্রিত উক্ত পুস্তিকার ২৮ পৃষ্ঠায় লিখিত আছে,—

“প্রভুব প্রধান ভক্ত ব্রজ হরিদাস
শুন সবে যে রূপেতে তাহার প্রকাশ ।
স্মৃতি নামেতে দ্বিজ হরি পনায়ণ
গৌরী নামে নারী তাব সতীতে গণন ।
হরি নামে ব্রজ এই করিয়াছে সার
কত দিনে এক পুত্র হইল তাহার ।
নাম ব্রজ এই মাত্র মনেতে বিশ্বাস
রাখিল পুত্রের নাম ব্রজ হরিদাস ।

* বোধ হয়, এই ‘চৈতন্য সঙ্গীতা’ বা তথ্যবিধ কোন গ্রন্থের প্রতি নির্ভর
করিয়াই স্বপ্রসিদ্ধ শ্রীযুক্ত বাবু শিশিরকুমার ঘোষ মহাশয় স্বপ্রণীত “কর্মমু
নিমাইচরিত” গ্রন্থের প্রথম খণ্ডে লিখিয়াছেন যে, ‘হরিদাস ব্রাহ্মণের পুত্র, পিতৃ-
মাতৃহীন বলিয়া মুসলমানগণ কর্তৃক প্রতিপালিত, কাজেই হরিদাস মুসলমান ।
ইত্যাদি ।’

আয়ু শেষে দ্বিজ কৈল স্বর্গেতে গমন
 গৌরী দেবী পতিসহ সহগামী হন
 প্রতিবাসী স্বজন আছিল তার পাশে ।
 তথা পুত্র রাধি দোহে গেল স্বর্গবাসে ।
 ছ মাসের পুত্র রাধি যবন আশ্রয়
 যবন আপন পুত্র সমান পালয় ।
 ধার্মিক যবন সেই পুত্র রাধি বাসে
 নিত্য নিত্য ধন আনি দেয় হরিদাসে ॥
 এইরূপে তথায় রহিল বিচক্ষণ
 বহু দিন হইল প্রকাশ নাহি হন ।”

এই “চৈতন্য সঙ্গীতা” প্রণেতার নাম “শ্রীভগীরথ* বন্ধু ”
 ইনি স্বীয় গ্রন্থের নানা স্থানে আপনাকে “শঙ্কর” বলিয়া পরিচিত
 করিয়াছেন । গ্রন্থখানি কত দিন হইল রচিত হইয়াছে, গ্রন্থের
 কোনও স্থানে তাহার কিছুমাত্র নিদর্শন পাওয়া যায় না । ইহাতে
 শ্রীচৈতন্য প্রভুর অন্তর্দ্বান প্রভৃতি বিষয়েও কএকটি অলৌকিক
 ঘটনামূলক কথা আছে । গ্রন্থের ভূমিকায় লিখিত হইয়াছে —
 “পার্বত্যীয়ে সদাশিব গোপনেতে কন শ্রীচৈতন্যের মহিমা
 নাম সংকীৰ্ত্তন ।” এই সবল গোপনীয় বৃত্তান্ত কোনও উপায়ে
 অবগত হইয়াই বোধ হয় ‘বন্ধু’ মহাশয় এই পুস্তিকার রচনা
 করিয়াছেন । গ্রন্থকার এর স্থলে বলিতেছেন, — “শিবের বচন
 এই তন্ত্রেতে প্রচার । চৈতন্যসঙ্গীতা কহে দীন শঙ্কর ।”
 “বন্ধু” মহাশয়ের গ্রন্থে স্পষ্টতঃ উল্লেখ না থাকিলেও কেহ কেহ
 অনুমান করেন, “শিবগীতা” নামক একখানি ‘তন্ত্র’ আছে,
 “চৈতন্যসঙ্গীতা” তাহারই অনুবাদ । বটতলায় যে শিবগীতা

যুক্তিত হইয়াছে, সেখানি নয় ; তন্নির নাকি আর একখানি
শিষ্টাঙ্গীতা আছে) য'হা হউক, শ্রীচৈতন্য ও তদনুগ শিষ্য
বৃন্দের জীবনবৃত্তান্ত সম্বন্ধে শিববাক্যরূপ তন্ত্রশাস্ত্রের ঐতিহাসিক
মূল্য কিরূপ, তাহা সহজেই অনুভব করিতে পারা যায় ।

হরিদাসের বৈষ্ণবধর্মাবলম্বনপ্রসঙ্গে তদানীন্তন হিন্দু ও
মুসলমানসমাজে তুমুল আন্দোলন উপস্থিত হইয়াছিল। হরিদাস
যদি প্রকৃতপক্ষে ব্রাহ্মণবংশে উৎপন্ন হইয় মুসলমান গৃহে প্রতি-
পালিত হইতেন, তাহা হইলে এই আন্দোলনের সময় একথা
অপ্রকাশিত থাকিত না, এবং শ্রীচৈতন্যভাগবতেও ইহা অবশ্য
উল্লিখিত হইত। হরিদাস ব্রাহ্মণকুলে জন্মগ্রহণ করিলে তাঁহাকে
পুনর্বার মুসলমান ধর্মে আনিবার জন্য মুসলমানেরা তাঁহ'র প্রতি
অত্যাচারে প্রবৃত্ত হইত না। হরিদাস মুসলমানকুলে জন্মিয়া
হিন্দুধর্ম গ্রহণ করিয়াছিলেন বলিয়াই তাহার অমানুষিক উৎ-
পীড়ন করিয়াছিল।* মুপুরুষপতি হরিদাসকে স্পষ্টতঃ যবন-
কুলজাত বলিয়াছেন যথা,—

“আমরা হিন্দুরে দেখি নাহি খাই ভাত ।

তাহা ছাড় হই তুমি মহাবংশজাত

জাতি ধর্ম লজ্জি কর অন্য ব্যবহার

পবলোকে কেমনে বা পাইবে নিস্তার ।”

শ্রীচৈতন্য ভাগবত, আদিখণ্ড

* হরিদাস গৃহ হইতে নিষ্কান্ত হইয়া যখন ফুলিয়ায় বাস করিতেন সেই
সময়ে তিনি মুসলমানগণের হস্তে নিগ্রহ ভোগ করেন । (এই গ্রন্থের ৫ম অধ্যায়
দ্রষ্টব্য ।) কিন্তু ‘চৈতন্য সঙ্গীতায়’ লিখিত আছে, হরিদাস তাঁহার যবন প্রতি-
পালকের গৃহ বাস করিবার কালেই কাজির দ্বারা বীড়িত হইয়াছিলেন ।

শ্রীগৌরাঙ্গের তিরোধানের অল্প দিন পরেই শ্রীচৈতন্যভাগবত লিখিত হইয়াছিল; এবং ইহার রচয়িতা শ্রীবৃন্দাবন দাস শ্রীচৈতন্য প্রভুব বিদ্যমান কালে জন্মগ্রহণ করিয়াছিলেন তিনি হরি দাসের প্রতি মুসলমানদিগের উৎপীড়নের বৃত্তান্ত সবিস্তারে বর্ণন করিয়াছেন হরিদাসেব ব্রাহ্মণকূলে জন্মগ্রহণের কথা, এই ঘটনার সহিত দৃঢ়রূপে সম্বন্ধ একথা পরিজ্ঞাত থাকিলে, উৎপীড়ন বৃত্তান্তের সঙ্গে তাহার উল্লেখ না করিলেই চলিত্তে পারে না ফলতঃ শ্রীচৈতন্যভাগবতে ইহা উল্লিখিত না হইবার কারণ এই যে, বৃন্দাবন দাস, এবং তৎসাময়িক হিন্দু মুসলমান সকলেই হরিদাসকে মুসলমান সন্তান বলিয়াই জানিতেন; “চৈতন্যসঙ্গীতা” বা “শিবগীতা” তন্ময়ের অভিনব কাহিনী তখন প্রকাশিত হয় নাই “চৈতন্যসঙ্গীতা” যে পববর্তীকালে রচিত হইয়াছে, তাহা ইহার ভূমিকাতেই প্রকাশ পাইতেছে। যথা,—

“বহু গ্রন্থে প্রকাশিত মহিমা সকল ।

চৈতন্যচরিতামৃত চৈতন্য মঙ্গল ।

আমি দীন ওতদীন জ্ঞান কিছু নাই ।

ভাষাগত কিঞ্চিৎ বর্ণনা করি তাই ”

প্রকৃত কথা এই যে, হরিদাস যবনবংশে জন্মগ্রহণ করিলেও শ্রীমদ্ভাগবত ও তদীয় পার্শ্বদগণ, তাঁহাকে যারপর নাই শ্রদ্ধা ভক্তি ও সম্মান করিতেন। ভক্ত ও সাধুচরিত্রের লক্ষণই এই কিন্তু ক্রমশঃ দুর্জগ্যবশতঃ যখন বৈষ্ণবসম্প্রদায়ে ভক্তিশ্রোত মন্দীভূত হইল, অস্থিমজ্জাগত জাত্যাভিমান যখন অন্ধার অন্ধে অন্ধে বৈষ্ণবনেত্রদিগের অন্তরে অন্ধুভিত হইতে লাগিল, সেই সময় হইতেই অনেকে সাধুভক্তগণের জন্মবৃত্তান্ত অস্মৃষ্কানের

চেষ্টা করিতে লাগিলেন যদিও শাস্ত্রের আদে—“চণ্ডালোপি
দ্বিজশ্রেষ্ঠঃ হরিভক্তিপরায়ণঃ,” কিন্তু ইহা স্তূত্যর্থবাদ না হইয়া
যথার্থবাদ হইলে ‘দ্বিজের’ আর মান থাকে কই? কাজেই
‘জোলা’-কুলোদ্ভব “কবিরজী” ব্রাহ্মণ ছিলেন, যবন হরিদাস,
ব্রাহ্মণের পুত্র হইয়াও যবনপালিত, যবন কর্তৃক রক্ষিত, স্তূতবাং
জাতিভ্রষ্ট, ইত্যাদিরূপ সিদ্ধান্ত নিতান্তই আবশ্যক হইয়া পড়িল।

“চৈতন্যসঙ্গীতা”য় হরিদাসের ‘ব্রহ্ম হরিদাস’ নাম কেন হইল,
তাহার এইরূপ কারণ লিখিত হইয়াছে,—“নাম ব্রহ্ম এইমাত্র
মনেতে বিশ্বাস। রাখিল পুত্রের নাম ব্রহ্ম হরিদাস।” কিন্তু
বৈষ্ণবসমাজেব সর্বত্র এসম্বন্ধে এই কিস্কদত্তী চলিয়া আসিতেছে—
শ্রীকৃষ্ণ পূর্ণব্রহ্ম কি না, ইহা পরীক্ষার জন্য ব্রহ্ম কোনও সময়ে
শ্রীকৃষ্ণেব গোবৎস হরণ করিয়াছিলেন। (শ্রীমদ্ভাগবত দশম-
স্কন্ধ দ্রষ্টব্য) এই কারণ ব্রহ্মকে যবনকুলে হরিদাসরূপে জন্ম-
গ্রহণ করিতে হইয়াছিল। এইরূপ বিশ্বাসনিবন্ধন বৈষ্ণবগণ
হরিদাসকে “ব্রহ্ম হরিদাস” * বলিয়া থাকেন “চৈতন্যসঙ্গীতা”য়
এই প্রবাদটী এইরূপ রূপান্তরিত হইয়া লিখিত হইয়াছে,—এক-
দিন পার্শ্বতী মহাদেবকে জিজ্ঞাসা করিতেছেন—“ব্রহ্ম হরিদাসেব
কি পাপ যবনে পালিত তারে, নানা স্থানে বেএ মারে কেন
পায় এত মনস্তাপ ’ মহাদেব উপরি উক্ত গোবৎস হরণ বৃত্তা

* “গোবিন্দদাসের কড়চা” নামক গ্রন্থের নানা স্থানে “সিদ্ধ হরিদাস”
নামের উল্লেখ আছে। ভক্তিবলে হরিদাস সিদ্ধাবস্থা লাভ করিয়াছিলেন
বোধ হয় এইজন্ত তিনি “সিদ্ধ” নাম প্রাপ্ত হইয়াছিলেন।—

“সিদ্ধ হরিদাস আর বামে গদাধর।”

“শ্রীমদা কেশব দাস সিদ্ধ হরিদাস।” গোবিন্দদাসেব কড়চা।

স্তের উল্লেখ করিয়া বলিতেছেন, “গোহরণ পাপে ব্রজা হইল
যবন বেজাঘাতে হৈল তার পাপ বিমোচন অতএব সেই
ব্রজা কলিতে যবন। ব্রজ হরিদাস নাম তথিব কার” ” কিন্তু
গ্রন্থকার ইহাব পূর্বেই বলিয়াছেন—“নামব্রজ এইমাত্র মনেতে
বিশ্বাস রাখিলা পুত্রের নাম ব্রজ হরিদাস।’ ফলতঃ প্রথমা-
বস্থায় হরিদাসকে কেহই “ব্রজ হবিদাস” বলিতেন না; বহুদিন
পরে উপরি-কথিত প্রবাদের সৃষ্টি হয় শ্রীচৈতন্যভাগবতের
মধ্যখণ্ডের দশম অধ্যায়ে লিখিত আছে,—

“কেহ বলে চতুর্নুখ যেন হবিদাস

কেহ বলে যেন প্রহ্লাদের পরকাশ।

সর্বমতে মহাভাগবত হরিদাস

চৈতন্য গোষ্ঠীর সঙ্গে যাহার বিলাস ”

বোধ হয় এই মূল অবলম্বনে উক্ত প্রবাদ প্রচলিত হইয়াছে।
পবে ক্রমশঃ বৈষ্ণবসম্প্রদায়ের অবনতি সজ্জাটিত হইলে কতক-
গুলি লোকের মধ্যে জাতিগর্ষ আবার প্রবল হয়। হরিদাস
মুসলমান ছিলেন, এ কথাটা তাঁহাদের অসহ্য হওয়ায়, হরিদাসেব
মুসলমান গৃহে প্রতিপালিত হওয়ার কথা পরিকল্পিত হয়।
তৎপরে তাহাই পল্লবিত হইয়া “চৈতন্য সঙ্গীতা”র নিবন্ধ হই-
য়াছে, ইহাই অনেকের মতে সংস্কৃত ফলতঃ সংস্কৃত ভাষায়
অল্পটু ভ্ৰন্দ রচিত শ্লোকমাত্রই যেমন অভ্রান্ত ধর্মবাক্য,
নয়, পরাবাদিচ্ছন্দে লিখিত শ্রীচৈতন্যলীলাধিষয়ক গ্রন্থমাত্রই
সেই প্রকার প্রামাণিক বৈষ্ণবগ্রন্থ নয়। বিশেষতঃ শ্রীচৈতন্য-
ভাগবত ও শ্রীচৈতন্যচরিতামৃত, গোড়ীয় বৈষ্ণবসম্প্রদায়ের
সর্বজনমান্য এই গ্রন্থদ্বয়ের বিরুদ্ধে “চৈতন্যসঙ্গীতা”র প্রাধান্য

ও প্রামাণ্য প্রতিষ্ঠিত হইতে পারে না। ভক্তবৈষ্ণবগণ ভক্তি
বিগলিত হইয়া ঘটনা ও কল্পনার সহযোগে সংস্কৃত ও বাঙ্গা
ভাষায় 'শ্রীচৈতন্যলীল' সম্বন্ধে নানাবিধ গ্রন্থ রচনা করিয়াছেন
এবং অদ্যাপি করিতেছেন, তৎসমস্তকেই প্রামাণিকরূপে ব
ধারণ করিলে বৈষ্ণবসাহিত্য হইতে ঐতিহাসিক তথ্যানুসন্ধানে
আর কিছুমাত্র আবশ্যকতা থাকে না। *

হরিদাস ব্রাহ্মণসন্তান ছিলেন, কেহ কেহ ইহা অস্বী
কারিবার কএকটি স্মৃতি হেতুর উল্লেখ করেন যথাঃ—

১ হরিদাস নিজ মুখে 'হীনজাতি জন্ম মোর নি
কলেবর' ১ ইত্যাদি যে পবিচয় দিয়াছেন, তাহা কেবল ঐ
বিনয়জ্ঞাপক ; যেহেতু ব্রাহ্মণকুলজাত হইয়াও শ্রীমৎ রূপ

* বাউল সহজিয়া প্রভৃতি রসিকভিগ্নানিসম্প্রদায়ভুক্ত অনেক লোক
স্বীয় মত সমর্থনের জন্য "চৈতন্য সঙ্গীতা"-কারের ছায় অনেক অবাস্তব ব
উল্লেখ করিয়াছেন। আমরা "বীরভজের শিক্ষা মূল কড়চা" নামক এক
সুদূর পুস্তক পাইয়াছি। কএক বৎসর হইল, ইহা বটতলায় মুদ্রিত হইয়া
ইহার আখ্যাপত্রে লিখিত আছে, "মহাত্মা কৃষ্ণদাস কবিরাজ দ্বারা সংগৃহী
অনুবাদিত" বীরভজ গোস্বামী, স্বীয় পিতা শ্রীমিত্তানন্দেন্দ্র আদেশে
প্রক্রে আরব দেশের অন্তর্গত মদীনা শহরে হাজারত মোহম্মদের গৃহে
করিয়া মাধববিবিব নিকট সাধ্যসাধনতত্ত্বে উপদেশ গ্রহণ করিয়াছিলেন,
বিষয়ের সবিস্তর বর্ণন এই গ্রন্থেব উদ্দেশ্য এক দেশীয় বৈষ্ণবগণের
এই অপূর্ব কড়চা খানিও প্রামাণিক গ্রন্থ।। সুতরাং "চৈতন্যসঙ্গীতাকৈ
কোন কোন লেখক প্রামাণিক বৈষ্ণবগ্রন্থরূপে অবলম্বন করিবেন, আমাদের
ইহা কিছুমাত্র বিচিৎর নহে

(১) শ্রীচৈতন্যচরিতামৃত

সনাতন গোস্বামী 'য়েচ্ছ জাতি য়েচ্ছ সঙ্গী করি য়েচ্ছ কুর্শ' ১
 ইত্যাদিকপ বিনীত বাক্যে শ্রীচৈতন্যের নিকট দীনতা জ্ঞাপন
 করিয়াছিলেন এ সম্বন্ধে বক্তব্য এই যে "ভক্তিবঙ্গাকর" রচয়িতা
 শ্রীমন্নরহবিদ্যাস বলিয়াছেন, * রূপ সনাতনের পিতৃপিতামহ
 একান্ত নিষ্ঠাপরায়ণ ব্রাহ্মণ ছিলেন, আর তাঁহাৰা অর্থ লোভে
 যবনরাজেব দাসত্ব করিতেছেন, ইহা চিন্তা করিয়াই অন্ততঃ
 হৃদয়ে দুই ভ্রাতা আপনাদিগকে যবন অপেক্ষাও হীন য়েচ্ছ
 বলিয়া কখন কখন উল্লেখ করিতেন 'গোব্রাহ্মণদ্রোহী সঙ্গ
 আমার সঙ্গম মোব কুর্শ মোর হাতে গলায় বাকিয়া
 কুবিষয় বিষ্ঠা গর্ভে দিয়াছে ফেলিয়া ' ১ এবং জগাই মাধুইয়ের
 উল্লেখ করিয়া 'নীচ সেবা নাহি করে নহে নীচের কুর্পব ।' ১

(১) শ্রীচৈতন্যচরিতামৃত ভক্তিব্রাজন শ্রীযুক্ত কেনাবনাথ ভক্তিবিনোদ
 মহাশয়, শ্রীচরিতামৃতের "অমৃত প্রবাহ ভাষা" নামক গ্রন্থের ১৩৮৮ পৃষ্ঠায় "য়েচ্ছ
 জাতি" ইত্যাদি পয়ারের ব্যাখ্যাত্বলে লিখিয়াছেন,—“য়েচ্ছ দুই প্রকার, অর্থাৎ
 জন্মদ্বারা য়েচ্ছ ও সঙ্গদ্বারা য়েচ্ছ জন্ম হইতে যে য়েচ্ছ হয়, সেইকপ য়েচ্ছ-
 ●সঙ্গী আমবা পতিত হইয়া অনেক য়েচ্ছ ব্যবহার করিয়াছি, বিশেষতঃ
 গোব্রাহ্মণদ্রোহী য়ে য়েচ্ছ তাহাদের সহিত আমাদের সঙ্গম ”

“পিতা পিতামহাদির য়েচ্ছ শুদ্ধাচার
 তাহা বিচারিতে মনে মানয়ে দিকার ’
 “যবে গল্প হন দৈন্ত সমুজ মাঝারে
 য়েচ্ছাদিক হৈতে নীচ নামে আপনারে
 নীচ জাতি সঙ্গ সদা নীচ ব্যবহার
 এই হেতু নীচ জাত্যাদিক উক্তি তাঁব ”

ভক্তিবঙ্গাকর, প্রথম তরঙ্গ অষ্টব্য ।

ইত্যাদি বাক্যে রূপ সনাতন আপনাদের হুঙ্কতি স্মরণ করিয়া
অনুতাপ প্রকাশ করিয়াছেন । কিন্তু হরিদাস সঙ্গের এ প্রকার
হুঙ্কতিজনিত অনুতাপের কোন কারণ নাই । তাঁহার বিপ্রকুলে
জন্মলাভের কথা সত্য হইলেও তিনি নিজে ইচ্ছাপূর্বক কিছু
৬ মাস বয়ঃক্রমের সময় যখন গৃহে প্রতিপালিত হইতেন নাই
হরিদাস বৈষ্ণবধর্ম গ্রহণ করিয়া আপনাকে নীচ বংশোদ্ভব জ্ঞান
করিয়াছিলেন, এই জন্যই ‘হীন জাতি জন্ম মোর’ ইত্যাদি কথা
বলিয়াছেন । কেবল নিজে নহে অথোও তাঁহাকে নীচ জাতি
বলিয়াই পরিচিত করিয়াছেন (এই গ্রন্থের ৬ষ্ঠ অধ্যায়ের
“ডক্ক”-বাক্য দ্রষ্টব্য)

২। দ্বিতীয় হেতু এই ;—হরিদাস মূলে যখন ছিলেন না
বলিয়াই ব্রাহ্মণগণ হিন্দু ধর্মের সেই প্রবল প্রতাপের কালেও
হরিদাসের সংস্পর্শে আসিতে ভয় করিতেন না । ইহার উত্তরে
বলা যায় যে, একজন মুসলমান-সন্তান একান্ত হরিভক্তিপরায়ণ
হইয়া দিবারাত্র হরিগুণানুকীর্ণন করিতেছেন দেখিয়া ব্রাহ্মণ-
প্রমুখ হিন্দুগণ বিস্মিত ও আনন্দিত হইয়া তাঁহার নিকট আসি-
তেন । অনেক ফকির দরবেশকেও হিন্দুগণ ভক্তি করিয়া
থাকেন । আর সংস্পর্শে আসিবার অর্থ কি ? হরিদাসের সঙ্গ
এই সকল ব্রাহ্মণেরা কি তাহার ব্যবহার করিতেন ? হরি-
দাসকে সকলেই সাধুজ্ঞানে ভক্তি করিতেন, ইহা ত হিন্দুজাতিব-
শ্বতঃসিদ্ধ প্রকৃতি । সাধু ভক্ত যে জাতিতেই জন্মগ্রহণ করুক
হিন্দুজাতি তাঁহাকে ভক্তি করিয়া থাকেন । পরিয়া বংশোদ্ভব
“বল্লুবর”, ‘জোলা’ কুলোৎপন্ন “কবিরাজী”, কশাই-জাতীয়
“সধুনা” প্রভৃতি অনেকেরই ত হিন্দুদিগের নিকট সম্মান ও

ভক্তিলাভ করিয়াছেন স্বতরাং মুসলমান হরিদাসের অপূৰ্ণ ভক্তিনিষ্ঠা এবং অলৌকিক প্রেমচেষ্টা দর্শনে মুগ্ধ হইয়া সকলে তাঁহাকে শ্রদ্ধাভক্তি করিবেন, ইহা কিছুমাত্র আশ্চর্য্য নহে

৩। তৃতীয় হেতু এই ;—জাতিচ্যুত ব্রাহ্মণসন্তান হরিদাস হিন্দুসমাজে এক প্রকার পুনর্গৃহীত হইয়াছিলেন বলিয়াই অবৈত আচার্য্য তাঁহাকে ব্রাহ্মণের প্রাপ্য শ্রাদ্ধপাত্র প্রদান করিয়াছিলেন, এবং এই জন্যই আচার্য্যের এই কার্য্যে হিন্দুগণ আপত্তি করেন নাই ইহার উত্তর এই যে, হরিদাস হিন্দুসমাজে পরিগৃহীত হইয়াছিলেন, এ কথাই বোঝা যায় না। শ্রীচৈতন্যচরিতামৃতে স্পষ্টরূপে লিখিত আছে, শ্রাদ্ধপাত্র প্রদানের অব্যবহিত পূর্বেই হরিদাস আচার্য্যকে বলিতেছেন, তুমি কুলীনসমাজে বাস করিয়া আমাকে প্রত্যহ অন্ন দাও, তোমার কি লজ্জা ভয় নাই ? যাহাতে সমাজে তোমার কোন বিপদ না ঘটে, তাহাই কর । (এই গ্রন্থের ৪র্থ অধ্যায় দ্রষ্টব্য) আচার্য্য ইহার উত্তরে বলিয়াছিলেন, “তুমি খাইলে হয় কোটি ব্রাহ্মণ ভোজন ” ইহাতে স্পষ্টতঃ প্রমাণিত হইতেছে, আচার্য্য সমাজভয়কে তুচ্ছ জ্ঞান করিয়া কেবল ভক্তকে সম্মান প্রদর্শন করিবার জন্যই যখন হরিদাসকে শ্রাদ্ধপাত্র দিয়াছিলেন হরিদাস সমাজে পরিগৃহীত হইলে প্রত্যহ কেবল অন্ন প্রদানের জন্যই আচার্য্যকে সমাজভয় প্রদর্শন করিবেন কেন ?

৪। আর একটা হেতু এই ;—হরিদাস গৃহ-পরিত্যাগের পর ব্রাহ্মণ গৃহেই অন্ন ভোজন করিতেন ; ইহাতে বোধ হইতেছে, হিন্দুসমাজের সহিত সম্বন্ধ রাখিবার জন্ত তিনি একরূপ করিতেন । ইহার উত্তর স্বরূপ বলা যাইতে পারে, প্রথমতঃ হরিদাস ব্রাহ্মণের

পাতির অন্নভোজন একবারেই করিতেন না, এ কথাই কোন
ধর্মায় নাই । দ্বিতীয়তঃ ইহা স্বীকার করিলেও বলিতে পারা যায়
য, হরিদাস, বৈষ্ণবধর্ম অবলম্বন করাব পব সাম্প্রতিকভাবে
জীবনযাপন করিতেন, এজন্য সাম্প্রিক আহার নিত্য আবশ্যিক ।
ব্রাহ্মণজাতি সর্ববর্ণের শ্রেষ্ঠ—দেবদ্বিজের কোন ভেদ নাই—
ব্রাহ্মণের অন্ন ভগবানের প্রসাদ,—ইহা ভোজন করিলে চিত্ত
নির্মল হয়—দুর্জাতিজনিত সমস্ত কলুষ বিনষ্ট হয়,—এই প্রকার
বিশ্বাস করিয়াই হরিদাস ব্রাহ্মণের অন্ন ভোজন করিতেন,
ইহাই সংসিদ্ধান্ত । হিন্দুসমাজে পুনঃ প্রবেশের চেষ্টায় হরিদাস
এই কার্য করিতেন বলিলে তাঁহার মাহাত্ম্য নিতান্তই খর্ব
করা হয় ।

ফলতঃ শ্রীচৈতন্যদেব হিন্দু মুসলমান সকলকেই হরিভক্তি
বিতরণ করিয়াছিলেন, কিন্তু হিন্দুসমাজপ্রচলিত আচার ব্যব-
হারের সম্পূর্ণ উচ্ছেদসাধন ও অসবর্ণ বিবাহাদি প্রথার প্রবর্তন
করিয়া সমাজবিপ্লব উপস্থিত করা তাঁহার উদ্দেশ্য ছিল না ।
তৎপ্রবর্তিত বৈষ্ণবসম্প্রদায়ে প্রেমভক্তিপ্রভাবে জাতিভেদে
কঠোরতা অনেক পরিমাণে শিথিল হইয়াছিল বটে, কিন্তু তা
কেবল ভক্তের প্রতি শ্রদ্ধা ও সম্মান প্রদর্শনের জন্য ; নতুবা
জাতীয় বৈষ্ণবগণ নীচজাতিস্পৃষ্ট অন্ন জলাদি গ্রহণ করিতে
নিম্নজাতীয় ব্যক্তিগণ ভক্তসম্প্রদায়ে মিলিত হইয়া শ্রেষ্ঠজ
লাভের চেষ্টা করা দূরে থাকুক, ক্ষপসনীতনের ন্যায়
যেরাও অন্যোব জাতিগত মর্জ্যাদা রক্ষা করিতে সচেষ্ট থা
মুসলমানবংশোদ্ভব হরিদাস বৈষ্ণবসম্প্রদায়ে গৃহীত হইবে
পতি সমুচিত শ্রদ্ধাভক্তি ও মর্জ্য

করিতেন । মহাপুত্র নিজমুখে সনাতন গোষ্ঠামীকে
বলিয়াছেন, —

“যদ্যপিও তুমি হও জগত পাবন ।
তোমাপ্পর্শে পবিত্র হয় দেব মুনিগণ ।
তথাপি ভক্ত স্বভাব মর্যাদা রক্ষণ
মর্যাদা পালন হয় সাধুর ভূষণ
মর্যাদা লঙ্ঘনে লোক কবে উপহাস ।
ইহলোক পরলোক দুই হয় নাশ ।
মর্যাদা রাখিলে তুষ্ট হয় মোর মন ”

শ্রীচৈতন্যচরিতামৃত, অন্ত্যলীলা । •

উপসংহারে আমাদের বক্তব্য এই যে, তর্কস্থলে যদি স্বীকা-
রও করা যায় যে, হরিদাস ব্রাহ্মণকুলে জন্মিয়াছিলেন, তাহা
হইলেও তিনি ৬ মাস বয়ঃক্রম হইতে মুসলমানগৃহে প্রতি-
পালিত হওয়ায় বিশিষ্টরূপেই যবনত্ব প্রাপ্ত হইয়াছিলেন । বর্ণা-
শ্রমনিষ্ঠ হিন্দুর চক্ষে তিনি প্রকৃতই যবন । হরিদাসকে যবন-
স্তান মনে করিয়া আমাদের ক্ষুণ্ণ হইবারও কোন কারণ নাই ।
কুলেই জন্মগ্রহণ করুন, তিনি ভগবদ্ভক্ত সাধু,—স্বতরাং
সেদের পরম পূজনীয়

গ্রন্থ সম্পূর্ণ ।

